



Jamoatchilik kengashi raisi:
Abdulla ORIPOV

Jamoatchilik kengashi:

Akramjon ADIZOV
Feruza MUHAMMADJONOVA
Abulqosim MAMARASULOV
Ahmad OTABOYEV
Minhojiddin MIRZO
Shuhrat SIROJIDDINOV
Ahmad USMONOV

Bosh muharrir:
Sobir O'NAR

Bosh muharrir o'rinnbosari:
Luqmon BO'RIXON

Mas'ul kotib:
Akbarali MAMASOLIYEV

Tahrir hay'ati:
Bobur ALIMOV
Iqbol MIRZO
Abduqayum YO'LDOSHEV
Abdusaid KO'CHIMOV
Sirojiddin SAYYID
Alisher NAZAR
O'rozboy ABDURAHMONOV

Sahifalovchi: Saodat RUSTAMOVA
Rassom: Dadaxon BAHODIROV

Ushbu son "Yoshlik" jurnalni tahririyatinning kompyuter markazida sahifalandi.

Manzilimiz:
Toshkent. sh.
O'zbekiston shohko'chasi, 16-«a» uy.
E-mail: yoshlik-xatlar@rambler.ru
Tel/faxc: (8371) 227-0-227,
245-5-793, 245-0-552



© "Yoshlik" № 7 (247) 2011 y.

O'zbekiston Yozuvchilar uyushmasi,
«Kamolot» yoshlar ijtimoiy harakati muassisligidagi
yoshlarning adabiy-ijtimoiy jurnali
1982 yildan chiqsa boshlagan.

MUNDARIJA

MULOQOT

Muhammad ALI. Umid ko'nglimizni yoritib tursin. 2

ADIB XONADONIDA

Qurban MUHAMMADRIZO. Mushtarak tuyg'ular jilosi. 9

NAZM

Shamsiya XUDOYNAZAROVA. Sog'indim tog'larning cho'ng viqorlarin. ... 13

Baxtiyor TEMUR. Otash chog'larimga sog'inch bo'ldi yor. 28

Bahriddin SADRIDDINOV. Niyat – qushdir, niyatga aylan!. 35

Shoyim SHERNAZAR. Bizni Vatan kutadi. 38

Ziyovuddin QO'ZIYEV. Azoblardan tug'ilalar So'z. 40

Madina HOTAMOVA. Manzillarim hali oldinda. 43

Muhtarama TURKOY. Yorug' kunlar yog'du sochajak hali. 46

DRAMATURGIYA

Qo'chqor NORQOBIL. Quyoshti sen uyg'otasan... 15

NASR

Rahim QODIROV. Tilni tiygan yaxshi. 37

Xolida FAYZIYEVA. Masallar. 39

Dilshod MUHAMMADRAJAB. O'tinch. Hikoya. 41

Dilbar RAZZOQOVA. Armon. Hikoya. 44

Ozod MUSTAFO. Besh suhbat. Mansuralar. 48

MUTOLAA

Qunduzxon HUSANBOYEVA. Ko'ngildan sizgan satrlar. 29

BUGUNNING GAPI

Ashurali JO'RAYEV. Tinchlik daraxti. 32

BIRINCHI UCHRASHUV

Istam AHMEDOV. Baxtimni shamollar to'zg'itib ketdi. 54

Sojida ZIYOYEVA. Yashaysan har lahza bir meni izlab. 62

NUQTAI NAZAR

Zarif QUVONOV. Cakkizinch mo'jiza(mi)? 55

JAHON ADABIYOTI

Muxtor MAG'AVIN. Ikkov. Hikoya. 57

YELPUG'UCH

Saylovboy JUMAG'ULOB. Mening xotinim yozuvchi. Hajviya. 64

Bosishga 20. 05. 2011 yilda ruxsat berildi. Qog'oz formati 60x84 1/8. Nashriyot hisob tobog'i 8,7. Indeks 822.
ISSN 0207-9137. Jurnal 2007 yil 4 mayda Matbuot va Axborot agentligi tomonidan № 0253 raqami bilan ro'yhatga olingan.

Jurnaldan ko'chirib bosilganda «Yoshlik»dan olindi» deb izohlanishi shart.
«O'qituvchi» NMIU bosmaxonasidachop etildi.. Buyurtma № Adadi 4400 dona.
Toshkent shahri, Yunusobod tumani, «Yangishahar» ko'chasi, 1-uy.



УМИД КҮНГЛИМИЗНИ ЁРИТИБ ТУРСИН

Ўзбекистон халқ ёзувлчиси Муҳаммад Али билан сұхбат

— Муқаддас нарсалар ҳамиша мұхофазага, ҳимояга мұхтож бўлади. Чунки эзгуликнинг душмани кўп. Ганимнинг кўплиги, хавфнинг кўлами эса ЭЗГУЛИКнинг баҳосини белгилайди. Шу маънода Ватан ва унинг ҳуррияти ҳамиша ҳимояга мұхтождир.

Сиз ижодингизда, хусусан, тарихий эссе-арнгизда, шеърий роман ва достонларингизда,

тарихий романларингизда Ватан тушунчасининг нақадар улуғлиги, ҳуррият эса инсон учун нафас янглиғ өхтиёж экани ҳақида ёзгансиз. Эҳтимол, сизни қалам олишга ундаған ижтимоий-тарихий шарт-шароитлар бугун ўзгарғандир, бироқ бу тушунчаларни шарҳ этмоқ, ёзмоқ ва етказмоқ өхтиёжи ҳамон долзарблигини йўқотгани йўқ. Айниқса, бугунги тезкор, шу билан бирга гаразли ахборотлар оқими тиним билмаётган замонда миллат ойдинлари зиммасидаги юк янада вазминлашмоқда. Сизнингча, зиёлиларимиз бу ма-съулиятни қанчалик ҳис этаяптилар?

— Албатта, мени қаламга олишга ундаған ижтимоий-тарихий шартлар бугун ўзгарган. Аввал мустамлакада эдик, бугун, Худога шукур, мустақилмиз. Мазкур тушунчаларни шарҳ этмоқ долзарблиги ҳам ҳақиқат. Лекин ҳақиқий ижодкор қайси замонда ва шароитда бўлмасин, унинг Ватанга, халқга, замонга, тарихга, ижодга ўзига хос ёндошиш йўли бўлади. Бу — ўзгармайдиган мезон. Буни шарҳ этсам, мисолни ўзимдан ола қолай. Биз мустамлака замонда яшадик, кўнглимиздаги ниятларни, орзуларни, мақсадларни очиқ-ошкора айтиш имконлари бўлмади. Натижада фикр ва ғояларни имо-ишора воситалари, маъноларни сатрлар орасига жойлаш, сўзлар орқасига яшириш йўллари билан ижод қилиб келдик. Ўқувчиларимиз ақлли, ўқиб, мағзини чақарлар, биз яширган фикрларни ўқиб оларлар деган умид кўнглимизни ёритиб турган. Ижод, хусусан, адабиётнинг ажойиб усуллари кўп, уқув билан ишлатилса, қаловини топса қор ҳам ёнади, деганларидек, жуда кўп гапларни айта олиш, ўқувчига етказиб бериш мумкин. Ўзим шундай бир мезонга амал қилишга ва ундан чекинмасликка тиришиб келаман.

Мустамлака Ватан — халқ, миллат — унинг тарихи — шу халқ фарзанди бўлган, шундай шароитга



муте ижодкор... Шундай вазиятда ижодкорнинг вазифаси қандай бўлиши керак? Очиқ курашиш хатарли. Ижодкор ўз ижодида Ватан тарихини ёритиши, улуғ ва фидойи қаҳрамонлар сиймосини чизишга ҳаракат қилиши, бу билан ўз ўкувчиларини тарихга муҳаббат руҳида тарбиялаши, уларни руҳан қўллаб-кувватлаши, мустақиллик, ҳуррият (шахсан ўзим ўшанда шўролар томонидан бўғма илондай ўраб, бўғиб ташланган, нафас олишга ҳам қийналётган Ватанимнинг озод бўлишини кўз олдимга келтиrolmas эдим) мавзуларида қалам тебратиши лозим, деб ҳисобладим. Бунга имконни тарихдан изладим. Шу сабабли Спитамен, Муқанна, сарбадорлар, ўша пайтлар баҳсли бўлган Амир Темур, Бобораҳим Машраб, Дуқчи эшон каби тарихий сиймоларимиз ҳақида қалам сурдим. “Қадимги қўшиқлар” шеърий туркумини ёздим...

1967 йилда (бутун дунёда Октябрнинг 50 йиллиги, Лениннинг 100 йиллигига тайёргарлик саналари эди, ҳар бир ёзилган асарда, ҳар босган қадамда, нафасда бу сўзлар жаранглаб турарди) ёзилган “Гумбаздаги нур” достонимда ҳалқимизнинг меҳнатини, унинг бунёдкор, қурувчи эканини кўрсатмоқчи бўлдим. Восита қилиб Самарқанддаги Амир Темур мақбараси қурилиши тарихи олинди. Ёритиш асносида достонга Амир Темур образи ҳам табиий равишда кириб келди ва тўсиққа учрамади. Шу билан қаҳрамонимиз тақдирини ҳам кўрсатиш имкони яратилди. “Тарих тилга киради бир кун, Бугунча мен айтай билганим” сатрлари кўп тақрорланган эди достонда. “Яна келдим, эй Тарих бобо, Яна сенга даъво қўлпурман. Ўз ҳақимини қўлмоқни даъво, Ҳақиқатнинг йўли билурман!” сатрлари достоннинг лейтмотивини яққол кўрсатиб турарди. Лекин ўз ҳақимизни даъво қилишга қўймасдилар. Бу пайтлар тарихий асар ёзган адид “ўтмишни идеаллаштиряпти” деб айбланадиган, тарихни бадиий ёритиши очиқдан-очиқ қораланадиган замонлар эди. Ойбекнинг “Навоий”, кейинроқ Пиримкул Қодировнинг “Юлдузли тунлар” тарихий романлари тақдирлари бунга мисолдир. Академик Иброҳим Мўминовнинг “Амир Темурнинг Ўрта Осиё тарихида ўрни ва роли” рисоласини ҳам эслаб ўтиш жоиздир.

Шуниси ғаройибки, “Шарқ Юлдузи” журналининг 1968 йил 11-сонида эълон қилинган “Гумбаздаги нур” достонида Октябрнинг “о”, Лениннинг “л” ҳарфи ҳам йўқ экан! Менимча, достоннинг мазмун-моҳияти, бадиий ҳақиқат буни талаб этмаган, мезонга сифдиролмаган кўринади. Мустақилликка эришганимиздан кейин достон ҳеч бир ўзгаришсиз 7-синф мактаб дарслигига китрилди.

Ана шу мезонга содиқликни маҳкам тутишга ҳаракат қиласман.

Ҳамма замонларда ҳам ҳақиқий маърифатпарварлар ҳисобланадиган миллат зиёлилари зиммасидаги юқ енгил бўлмаган. Лекин бирор бу юкни бутун вужуди билан ҳис қўлган, бирор эса елкасини майиштириб ўлтиришни истамаган, бирор эса Худо берган истеъодини – у ҳалқ мулки! – қадрига этмаган ёки англаб ета олмаган. Ҳозир ҳам шундай. Абдулла Қаҳҳор бир пайтлар иккита ана шундай талантнинг ўз истеъодларини ичиб совурганидан ёзгириб гапирганини эшитгандик. Зиёлиларимиз, – адидлар улар энг илғор қисмига киради, деб ҳисоблайман, – зиммасида катта масъулият бор. Бу – миллат тақдирни. Миллатнинг келажаги, ёш

авлод тарбияси ҳамиша ёдимиизда турмоги керак. Жамиятимизда бунга интилиш бор, лекин бу интилишларда бизнинг иштирокимиз фақат китоб чиқариш – уни бирор ўқийдими йўқми, бу билан қизиқишимиз кам, – ва уни сотиш, гоҳ-гоҳ учрашувларда қатнашишдангина иборат бўлиб қолмоқда. Адабиёт инсонни тарбиялайдиган восита, имкон, жуда катта қурол. Мустақиллик шароитида ундан фойдаланиш йўлларини ҳали билмаяпмиз шекилли. Яқинда Истиқлол саройида назм ва наво кечасини томоша қилдим. Бўлар экан-ку! Кейинги пайтларда овози сустлашган шеъриятимиз яна миллионлар саҳнасига қайтмоқда! Ойнаи жаҳонда шеърият кечалари, адабий учрашувлар миллион-миллион томошабинларга намойиш этилмоғи керак. Маърифат ёйишнинг энг зўр усууларидан бири бу.

Эсимда бор, бир қишлоқда меҳмонда эдик, кечқурун соат ўнлар чамаси эди. Уй эгасига, мактабда ўқийдиган ўғли кўчада ким биландир уришиб-жанжаллашгани, милициянинг ҳам етиб келгани ҳақида хабар қилдилар. Ҳамма бесаранжом бўлди. Мен, ота дарҳол ўрнидан туриб, ўғлини қутқаргани ўша ёққа отланса керак, агар таклиф этса, йўқ демай боришим лозим, деб ўладим. Аммо лоқайд ота меҳмонлардан ҳам хижолат чекмади, ўрнидан қўзғалиб ҳам қўймади. Бамайлихотир ўтиришда давом этаркан, гапирган гапи ҳаммасидан ошиб тушди: “Керак бўлса, ўзлари тарбиялаб олсин-да..” Ота мактаб ўқитувчиларини, маҳаллақўй, ҳукумат одамларини назарда тутмоқда эди шекилли. Асли ким тарбиялаши керак ўзи?.. Маърифатпарварлар саналадиган кўпчилик адилларимизда ўша масъулиятсиз ота кайфиятига мойиллик, лоқайдлик борлиги ачинарли.

– Тарих – вақтнинг қўлида сайқалланган сурат. Бу “сурат” шундоқку, ундан ибрат олиш, ўрганиш, тинглаш ва хулоса чиқариш мумкин. Тарихнинг қиммати ҳам ана шунда!

Асрлар кечмишида аждодларимиз қандай мувваффақиятларга эришган бўлсалар, бир-бирига таянч бўлган, ҳаётларига илму маърифатни шиор этган замонларда бўлди. Аксинча, кўнгиллардан оқибату оғият кўтарилган, маърифатдан узоқлашган ва энг асосийси, миллий бирдамлик ўйқолган вақтларда паришин ҳолатга тушиб қолдилар. Дину диёнатдан, илмдан, миллий ҳис-туйғулардан узоқлашиш буюк Амир Темурдек зот марказлаштирган салтанатни ҳам астасекин емира борди. Йиллар ўтиши билан таҳт талашишлар, фитналар, ўзаро уруш-жанжаллар юртни парокандаликка олиб келди. Жоҳиллик шу даражага етдики, қаршисида беомон душманни кўриб ҳам улар бир-бирларига терс ўғирилиб туравердилар. Бу ҳолат ғаним учун айни муддао бўлди. Парокандалик бизга сал кам 130 йиллик қулликни тақдим этди.

Эндиликда бу маҳзун тарихга – аччиқ ҳақиқатга – тик боқиб хулоса чиқаришимиз лозим бўлади. Назаримда тарихни ўрганишининг энг яхши усууларидан бири бадиий адабиётдир. Чунки тарихнинг бадиийлаштирилиши ёхуд адабиётнинг тарихийлик касб этиши ҳар икки санъатнинг ҳам таъсирчанлигини оширади. Шундай эмасми?

– Жуда тўғри, тарихни ўрганишнинг энг яхши усулларидан бири бадий адабиёт. Бадий адабиёт ҳамиша ўқувчига мактаб вазифасини ўтаб келган. Айниқса, тарихий мавзуларда ёзилган асарлар ҳамиша ўқувчилар томонидан севиб ўқилган. Салоҳиятли ва инсофли адаб тарихни синчиклаб ўқиб-ўрганиб, ўтган давр ҳақида асар яратади, бир киши ёзган асарни ўқиб миллионларда ана шу тарихимиз ҳақида ёрқин тасаввур уйғонади. Адабиёт инсонни ўзига танитади. Тарихий бадий адабиёт эса, инсонга ҳам ўзини, ҳам ўзлигини танитади. Олис тарих. Боболар қисмати. Ватан тақдири. Миллат изтироби. Асрлар ўткинчилиги. Йиллар бевафолиги. Замоннинг беоқибатлиги... Бари, бари – адабиёт насибаси... Бадий тарихий китобларни ўқиш инсонда фурур ҳиссини уйғотади, фахру ифтихор туйғуларини тарбиялайди. Мустақиллик учун курашган боболаримиз ҳаёти бизларга юксак ибратдир, ёзувчи ана шуни ўз асарида кўрсатиб бермоғи лозим.

Бундан анча йиллар муқаддам, 1970 йилда “Шарқ Юлдузи” журнали саволига берган жавобимда, ҳалқимизнинг бадий тарихини яратишими керак, деган эдим. Ҳозир ҳам шу фикрдаман – ҳалқимизнинг бадий тарихини яратиш лозим! Бу ёзувчиларимиз зиммасидаги маstryулиятли юклардан бири. Тарих ҳақида ҳамма ёзиши керак, деб ҳисоблайман. Аммо бир шарт бор: билиб, ўрганиб ёзиш керак. Чунки тарихий мавзуда ёзаётган адаб, шуни унутмасинки, ҳалқ ичди, ўқувчилар ичди ундан кўра чандон-чандон билимили инсонлар бор, уларнинг олдида уялиб қолмаслик керак. Улар расмий тарихни яхши ўрганишган.

Тарихий мавзуда қалам тебратмоқ учун ижодкор икки карра ёзувчи бўлмоғи лозим! Ёзувчиликдан ташқари унга олимлик, илмий мушоҳада, тарихий фактларни топа билиш, улардан асар бошғояси талаб этганларини умумлаштириб хулоса чиқара олиш ва барини бадий ҳақиқатга бўйсундириш қобилияти зарур бўлади. Нотўғри бир тушунча ҳукмронки, тарихий асарда тарихий воқеалар ёритилиши керак деган. Йўқ, тарихий асарда ҳам, ҳақиқий романлардагидек, Инсон ва унинг қалби очиб берилиши керак. Содароқ таърифласак, тибиёт Инсон соғлиги-сихҳати ҳақидаги фан, анатомия-физиология Инсон вужуди тўғрисидаги фан бўлса, адабиёт – Инсон қалби ҳақидаги фан, демак бадий адабиёт – инсон қалбининг ифодаси бўлиши лозим.

– Мұхаммад Али ака, энди шеърият ҳақида гаплашсак. Зоро, ўтган йиллар давомида ўнлаб шеърий китобларингиз нашр этилди. Шеър – беҳаловат кечинмалар тўлқини. Тўғрироғи, ҳақиқий шеър бедорликка даъват, беҳаловат рух иншосидир. Үндаги “бедорлик” – инсон қалбидаги кечинмалар пўртманаси, ўз даври руҳидаги оғриклилар, аччиқ ҳақиқатлар... Шеъриятнинг жозибаси – шу! Ана шу мезонлардан келиб чиқсан, бугунги замонавий ўзбек шеърияти ҳақида нималар дейиш мумкин?

– Шеъриятимизда яхши изланишлар жараёни кетмоқда. Ҳар бир шеър гўзаликнинг намунасига айланса, унинг заминида албатта катта ижтимоий, инсоний юқ ётган бўлади. “Модерн” деган тушунчалар кириб келди, ҳам шеъриятда, ҳам насрда уларнинг яхши намуналари яратилмоқда. “Модерн” керакми,

йўқми, деган баҳсларни ортиқча ҳисоблаган ҳолда, айтмоқчиманки, бизга изланишлар керак, модерн эса изланишлар маҳсулидир. Ўқувчи кўпинча қофияси бўлмайдиган, оқ шеърда ёзилган модерн шеърларни ўқиб, завқланиб, мақтаниб бирорвга ўқиб бериш учун кўтариб юрмаса ҳам, ҳарқалай, улардаги ғалатилликка, ғайритабийликка, “шеърият” деб ўрганган тушунчага унча тўғри келмайдиган ёндошувларга, кутилмаган тасвиirlарга, кўз кўрмаган янгича ташбехларга бокиб ҳайратланади. Баъзан, шеър айни ўша “ғалат” тулюлиш учунгина ёзилганга ўхшаб кетади. Устига устак, уларни тушуниш ҳам мураккаброқ кечади. Ўзимнинг ҳам бир-иккита оқ шеърдаги машқларимни эслайман. Умуман олганда, оқ шеърнинг ўзига хос оҳанрабоси бор.

Аммо айрим оқ шеърларни ўқиб, “оқ” қилинган шеърлар, дегинг келади. Уларда қофия, мусиқа, ритм йўқлигидан ташқари фикр ҳам кўринмайди, қуп-куруқ сўз тизмаси холос. Асли оқ шеър драматургияда кўлланган, ундан Вильям Шекспир ўз фожеаларида маромига етказиб фойдаланган. Чунки оқ шеър сўзлашув, саҳна тилига мос, диалогларда кўл келади. Рус шеъриятида М.Ю.Лермонтовнинг “Подшо Иван Васильевич ва навжуон жасур савдогар Калашников ҳақида қисса” асари оқ шеърнинг юксак намунаси даражасига кўтарилган. Ўзбек адабиётида Мақсуд Шайхзоданинг “Мирзо Улуғбек” трагедияси бунга мисол бўла олади. Уолт Уитменнинг шеърлари чинакам “модерн” намунаси, аммо уларни тушуниш қийин эмас. Улар ҳам қофиясиз, бироқ бунга эҳтиёж ҳам йўқ, аксинча, қофия ҳалал берган бўларди. Уитменда кучли эҳтирос, завқ, олмосдай фавқулодда фикрлар шеърни тутиб туради, шуурни нурлантиради. Айни пайтда йигирманчи асрнинг энг модерн шоирларидан бири Владимир Маяковский ўз ижодида қофияга алоҳида ургу берар, унинг хилма-хил, мураккаб (масалан, “до ста расти, нам без старости”) шаклларини излаб топарди.

Шеърият – нафосат, нағислик, мусиқа, равон оҳанглар деганини унутмаслик керак. Модерн шеърларни ёзиш истаги шоирларда, баъзан Абдулҳамид Чўлпон айтмоқчи “бир хиллик”дан қочиш истагидан ҳам туғилади, дейиш мумкин. Лекин қандай бўлганда ҳам, ижодкор ўз асарини ўзи учун эмас, биринчи галда ўқувчи учун ёзади, сўзи, фикри унинг қалб-қалбига етиб боришини истайди. Қўлга қалам олар экан, асари ўқувчига етиб борсин, жавонда қолиб кетмасин.

Табиийки, шеър ёзгувчилар кўп, мустақил замонамиз барчага ҳам қалам тутқазиб, илҳомлар бериб, ўз кўнгил ҳоҳишу майлларини қофозга тушириш имконларини яратди. Лекин, ҳозир адабиётимизда негадир ўтган асрнинг ўттизинчи, олтмишинчи, етмишинчи йилларига ўхшаган кучли талантларнинг гулдаста бўлиб отилиб чиқиши кузатилмайди, ёшларда дадиллик етишмайли. Назаримда, озодликка эришган юртнинг ижодкорлари, бу бемисл неъматдан ҳайратга тушдилар, ҳеч қачон амалга ошмайдиган бўлиб туюлган озодлик нашидаси нашу намоси уларни лол қилиб кўйди... Бу жаъми ижодкорларни чукур ўйлашга даъват этмоқда. Озодлик, ҳур мамлакат, буюк тарих, кутлуғ келажак, миллатимиз тарихида юз бераётган учинчи ренессанс – буларнинг бари ҳақида адабиётимизни

бойитадиган ўтли шеърлар, достонлар, романлар бошқа бадиий асарлар ёзилишига шубҳа йўқ.

Бизлар, бизнинг авлодимиз қандай шароитларда ижод қилган эди? Юқорида айтиб ўтдим, бизларга озодлик, мустақиллик узоқ хаёл бўлиб кўринарди. Шу сабабдан, ўз асарларимизда кўнгилдаги пинхон қутлуг ниятларни акс эттиришга тиришардик. Лекин бизларда ҳам шеърни англаша муракабликлар бор эди. Яна мисолни ўзимдан олсам. “Баҳор келганда” номли шеърим бор, 1968 йилда ёзилган. Шеър бир қарашда, табиат ҳақида. Баҳор, тоғлар, лолага бўялган далалар, юзларни сийпалаб ўтаётган шамол ва ҳоказо. Гўё шеър умумий баҳор манзараси тасвирига бағишлилангандек. Шеърда осмонни таърифлаган шундай сатрлар бор:

*Мен баҳор келганда
Осмонга боқаман.
Осмоннинг кўксига
Юлдузлар тақаман.
Гарчи кенг, гарчи соғ
Ул осмон, ул фалак,
Лекин ул остида
Ер ётар жонҳалак.
Майсалар ўсадир,
Суюмли майсалар,
Баргларин, бўйларин
Оlamга ёйсалар...
Майсалар нияти
Улуғдир, эй Осмон!
Сен улар тупроғин
Хибс этдинг бегумон!
Майсалар ўсадир
Сени-да йиқай деб!
Мовий юксакларга
Мен ҳам бир чиқай, деб!*

Чўлпон шеърияти оҳанглари шундоққина сезилиб туриби. Курсивга олинган сўзларни ўқиб мулоҳаза қилинса, шундай манзара намоён бўлади (шоир назарида): осмон сингари бепоён бўлган Россия исказасида Ер (Ўзбекистон) ўзини жонҳалак ҳис этади. Бунда майсалар (ёш ўғлонлар) ўсаёттир. Уларнинг нияти улуғ: сен улар тупроғи(Ватани)ни босиб олдинг. Улар сени йиқитаман, деб вояга етмоқда, юксакларга чиқиб, мен ҳам озодлик ҳавосидан нафас олсан демокда...

Шеъриятни нозик тушунадиган дўстим, зукко олим Бегали Қосимов бу шеърни ўқиб, ҳазиллашиб: “Агар бошқа тузум бўлганда, сиз жуда катта шоир бўлар эдингиз. Қандай фикрлар айтилган! Буни ошкора шарҳлаш қийин-да!” деганди.

– *Сўнгги йилларда адабиётшуносларимиз ислоҳида “Мустақиллик даври ўзбек адабиёти” деган атама тез-тез тақрорланадиган бўлиб қолди. Айтинг-чи, бу адабиёт принциплари қандай мезонларга асосланмоқда? Умуман, ҳар қандай мафкурадан, таъбир жоиз бўлса, таъмадан холи мустақил адабиёт яратма олдикими ёки бу ўйлдаги уринишларимизни қандай баҳолаш мумкин?*

– Эҳтимол адабиётни ўрганиш учун шундай атама керак бўлар. Аммо адабиётни маълум бир даврга боғлаб ўрганиш, синфиийликка бўлиш, ижобий-салбий қаҳ-

рамонлар масаласи, конфликтсизлик назарияси ва ҳоказолар барчаси шўролар мафкурасидан келиб чиқкан тушунчалардир. Худога шукур, ҳозир булар йўқ.

Адабиёт – узлуксиз жараён. Юсуф Ҳос Ҳожиб, ундан олдинроқ “Олтин ёргу” ёдгорлигидан бошлаб то бугунгача адабиёт инсонни, эзгулик билан ёвузлик, оқ билан қора ўртасидаги аёвсиз мангулик курашини ўрганиб, акс этдириб келди, келмоқда. Мезонлар ҳам ўша – чинакам адабиёт мезонлари. Агар мустақил Ватан фуқаросининг қалбини очиб берадиган, жаҳоний андозаларга мос, майли, анъанавий ёки модерн усулида бўлсин, етук бадиий асарлар яратсак, мустақил адабиёт дегани шу бўлади, менимча. Бу йўлда катта интилишлар борлиги қувончлидир.

– *Бир вақтлар рус адабиёти классикларидан бири Ф.М.Достоевский шоир Пушкин даҳосига баҳо бериб: “Рус бўлатуриб, Пушкинни англамаган одам рус аталишига нолойиқдир”, деган экан. Эҳтимол, бу таъриф Достоевскийнинг Пушкинга бўлган муҳаббати сифатида жаранглар, аммо ҳақиқати шуки, ҳар бир миллат миллий адабиёти ва санъатини ўрганиши, жиллақурса севиши ва ҳурмат қилиши лозимдир. Шу маънода айтиш мумкинки, инсоният бадиий тафаккурининг энг юксак чўйқиларини забт этган мумтоз адабиётимиз вакилларининг ижодини ўрганиш, тадқиқ этиши ва улғайиб келаётган авлодларга етказиш заруратини ҳам унумтаслигимиз керак. Биз бугун ана шу заруратни қанчалик ҳис этияпмиз?*

– Жуда ҳам ўринли савол бердингиз. Адабиётни ўрганиш масаласини ўртага қўяётурсиз. Яна ҳам аниқлаштирусак – мутолаа масаласи сизни безовта қилмоқда. Улуғ аждодларимиз ижодларини тадқиқ-у тарғиб этиш, авлодларга етказиш ҳақида сўз юритмоқдасиз.

Айрим қаламкашлар, мен ўқувчимасман, ёзувчиман, деган чукча латифаси қаҳрамонига ўхшаб кетадилар. Ҳа, ҳамма ёзмоқда, ўқувчи йўқ. Афсуски, ёзувчиларнинг кўпич ўқимайди. Бу жуда ачинарли ҳол. Ёзувчи бирон мавзуда қалам тебратар экан, лоақал шу мавзуда битилган асарларни ўқиб қўйиши жоиз. Токи маълум нарсаларни тақрорлаб ўтирумасин. Ҳатто ўқимаганлик оқибатида Ёзувчилар уюшмасидаги муҳкамалардан бирида қайсиидир бир асардаги тўқима образ иккинчи бир асарга тарихий шахс(!) бўлиб кириб кетгани маълум бўлди. Буни қандай изоҳлашга ҳам ҳайронсан киши.

Ҳали ичимиизда, кам ўқиганимиздан албатта, ўзбек адабиётининг бутун бўй-басти билан тасаввур эта олмайдиганлар ҳам бор. Бир пайт Faafur Fулом номидаги Адабиёт ва санъат нашриётида ўттиз жилдан иборат “Ўзбек адабиёти бўстони” серияси нашри бошланган эди. Афсуски, объектив сабабларга кўра нашр охирига етказилмади. Ҳозир шундай нашри амалга ошириш фурсати келди. Ўзбекистон телевидениеси ва радиосида доимий равища мумтоз шоирларимиз ижодига бағишлиб туркум кўрсатувлар, эшиттиришлар ташкил этиши жоиз.

Мутолаа ҳақида гапирганда, Лев Толстойни эслагим келади. Дунё адабиётининг буюк заҳматкашларидан бири Лев Толстой вақтдан унумли фой-

даланган, ёзган-чизган, мутолаалар қилган. Етмиш беш ёшли адид 1903 йилда бетоб бўлиб ётиб қолади. Ижодий иш қилиш имкони бўлмаганидан тўшақда ётар экан, ҳар куни улуғ мутафаккирларнинг китобларидан ўқиб, эринмай таъсирланган фикрларни йигиб боради. Натижада “Донишманд кишиларнинг фикрлари” китоби дунёга келади ва у 1903 йилда босилиб чиқади. Унда Диоген, Марк Аврелий, Суқрот, Конфуций, Будда, Аристотель, Руссо, Кант, Шиллер, Вольтер, Достоевский ва бошқаларнинг доно фикрлари бор. Ҳар куни саҳифада бир ё икки шундай фикр берилган. “Ўзимдан биламан, – деб ёзган эди у хатларидан бирида, – Суқрот, Эпиктет... лар каби сиймолар билан ҳамсұхбат бўлиш кишига қанчалар куч, осойишталик баҳш этади, бу толе сийловидир...” Лев Толстойдай улуғ ёзувчи мутолаадан ана шундай роҳатланар эди.

Мутолаа фикрни чархлаб, ишлашга мажбур этади. Ижодкорда фикр ҳамиша ўсмоги, ҳаракатда бўлмоғи керак. Усмон Носир бир шеърида: “Фикр – бола, бола ўсуғчан” деган сўзларни бежис ишлатган эмас.

– *Ўтган аср тонгиди буюк Чўлпон мақолаларидан бирида замон одамларига хитоб қилган эди: “Оврўпонинг мўдаси, шишиаси ва бузуқ ахлоқи сизларни хонавайрон, беватан, асир, қул қилладур”. Минг ваҳки, бу “мўда”дан қочиб қутуполмадик, “шишиаси” ҳам қадаҳлари билан жаранглаб кириб келди. “Бузуқ ахлоқи” эса тунги ошхоналар, жин кўчалару сокин хиёбонларни ўзиники қилиб олди.*

Дарҳақиқат, ялтироқ шиорлар ва ўзига хос демократия ниқоби билан кириб келётган бу “маданият”ларга қарши курашишинг ягона ўйли – илм ва маърифат. Менимча, курашиш, қарши туриш зарурати бугун ҳар қачонгидан ҳам дол зарб масалага айланди...

– Илк марта бундан ўн тўқиз йил аввал Америка Қўшма Штатларига борганимда, таажжубланадиган нарсалар кўп экан, шулардан бири – қизларнинг кўк-рақдан паст – бели-қорнини очиб юрганларини кўриб ҳайрон қолгандим. Ичимда, ҳайрият, бизда бундай эмас, деб қувонгандим. Афсуски, беш йилдан кейин ўзимизнинг Тошкентда ҳам қизларнинг ўшандоқ кийинганлари гувоҳи бўлдим. Бу факат биргинаси. Қизлар орасида чекиш, ичиш урф бўлиб боряпти, кўплари “тунги капалаклар”га айланиб кетяпти. Жуда хунук нарсалар...

Фикримча, тунги ошхоналар, клублар фаолиятини яхши ўрганиб чиқиб, изга солиш зарур. Яхши сўз билан, қонун талаби билан. Олий Мажлиснинг Коңунчилик палатаси муносиб қонунлар ишлаб чиқиши керак. Юртимизда очилаётган хорижий ташкилотлар бўлимлари фаолияти ҳам назардан четда қолмаслиги шарт. Тан олишга мажбурмиз, хориждан келаётгандарнинг ўндан тўққизи мутлақо бошқа, миллатимизга,

бизнинг манфаатларимизга зид ниятлар билан келади, дейиш мумкин. Бу – аксиома. Ўзларида бўлмаган демократияни бизларга олиб келиб тиқиширишга уриниш ҳоллари юз бермоқда. Кейинги пайтларда ҳукуқтартибот органларининг ҳушёрлиги натижасида ғарб мамлакатларига тегишли ҳар хил демократик баландпарвоз номлар бидан аталағидиган анча-мунча идораларнинг эшиклари ёпилиб кетгани бунинг исботидир.

Ўтган аср бошларида улуғ шоиримизнинг қилган башорати нечоғлик ҳақ бўлиб чиқмоқда. Бунга қарши албатта курашиш керак. Лекин бир киши эмас, бутун жамоатчилик бел боғлаши лозим. Кураш давлат сиёсати даражасида олиб борилиши керак.

– *Сўнгги ўилларда матбуот саҳифаларида кам кўринаётгандайсиз. Бу “жимлик”ни қандай тушунайлик? Ижодий режалар ҳақида сўрасам майлими?*

– Тўғри айтасиз, кам кўринаյпман. Балки бу “фақир киши – панада” деган мақолни яхши кўрганимдан бўлса керак. Тез-тез кўриниш шарт эмас, деб ҳисоблайман. Амир Темур мавзуига бағищланган публицистик мақолалар ёзяпман, матбуотда чиқиб туриби.

Хабарингиз бор, “Улуғ салтанат” тетралогияси устида иш давом этмоқда. Учта китоб нашр қилиниб, ўқувчилар кўлига етиб борди. Худога шукур, яхши кутиб олишяпти, ўқишияпти. Матбуотда тақризлар эълон қилиньяпти. Шу кунларда тўртинчи китоб – “Шоҳруҳ Мирзо” романини қофозга тушириш билан қаттиқ бандман. “Жимлик” деганда сиз албатта кейинги пайтларда шеърлар ёзмаётганимни, аникроғи, шеърлар эълон қилмаётганимни назарда тутдингиз шекилли. Албатта, шеърлар эълон қилиб ўқувчи билан дийдорлашиб туриш керак. Учрашувларда ўқувчилардан ҳам шундай талабларни эшитаман. Бир даста шеърларимнинг чиққанига ҳам сал кам уч йил бўлибди. Бу – камчилигим. Шуниси қизиқи, ёзган шеърларинг тобора ўзинга ёқмай борар экан. Ҳатто бировга ўқиб бергинг ҳам келмай қолади. Таниқли шоирларимиздан бири яқинда бундай деди: “Бизнинг вақтимизда, ажабо, бир жойда шеър эълон қилинса, фалончининг шеъри чиқибди, зўр ёзибди! – деб овозалар тарқаларди. Ўшани қидириб топгунча тинчимасдик. Ҳозир ҳар қандай зўр шеър яратсанг ҳам, биров ўқиб ҳайрон қолмайди...”

Ҳа, шеърларни мўъжизадай фаҳмлаб ҳайратланиш даврлари ўтди шекилли.

Шеърлар ёзишдан тинганим йўқ. Ёзмай бўладими? Изланганим сари бир фикрга келаман: “Шеър – бу ақл эмас, шеър ҳиссиёт ҳам эмас, шеър – бу, ақл билан ҳис-туйғунинг бирлашувидан иборат тафаккурдир.”

Кўп ишлаш, ўқиш керак.

Суҳбатдош: Алишер НАЗАР



Муҳаммад Али

Ям-яшил кенгилікташтар батыра һорлар

ЁР ОЛДИДА

Машраб газалига мухаммас


Бир калом айтмакка зормен тоза рухсор олдида,
Күзларим ерга қадалмииш күзи хуммор олдида,
Баски, минг бор ўлдим иқрор энди инкор олдида:
Хар кишини дарди бўлса, йигласин ёр олдида,
Қолмасун армон юракда, этсун изҳор олдида.

Мен тирикмен бу жаҳонда бир буюк армон била,
Мен нетайким, оҳларим тенг Ер била, Осмон била,
Жон пардасида жон била, дил тўла иймон била,
Андалиби бенаводек нолаю афғон била,
Айланиб сайраб юрармен айни гулзор олдида.

Бу фано дайрида ҳар чоғ сирдурур завқу суурур,
Истадим, ўлгайму зоҳир тийра шомлар ичра нур,
Нафси амморадин эмди, бас, тамом бўлмакка ҳур,
Мансури Ҳаллоҗедек ичиб ким шароби антахур,
Чарх уриб йиғлаб турагмен ушибу дам дор олдида.

Деб эдим, тарқар булутдек бори қайгу бодадин,
Сачрагай чақмоқ мисоли турфа ёғду бодадин,
Сундиму икки қўлимни, куйди, ёху, бодадин,
Хар киши бир журъаи нўши айласа бу бодадин,
Ул қиёматда қилур арзини жаббор олдида.

Чархи даввор тиғларидин ёрадур бағри жаҳон,
Ул яродин не замонлар сув бўлиб ким оқди қон,
Оҳларинг сочма фалакка, эй Али, тутгил нуҳон,
Телба Машраб, қилмагил сиррингни зоҳидга аён,
Айтиб-айтиб йиғлагайсен ошиқи зор олдида...



* * *

Осмон бепоёндир,
Чексиз коинот...
Юлдузлар ортида
Ўзга оламлар.
Оламлар қаърида –
Оламлар...
Ҳайҳот,
Дунёда заррадек
Яшар одамлар!

Лоқайд боқиб бўлмас
Бундайин ҳолга,
Таишвишлар етарли,
Бормиди шул ғам?
Наҳот мен,
Дунёга суронлар солган,
Бор-йўғи кичкина
Бир зарра бўлсан?..

Сиз ҳақсиз,
Фазовий жисмлар аро
Инсон бир заррага
Монанд келади.
Шу зарра кўксида
Яшринган аммо
Қалбнинг улуглигин
Ким ҳам билади?..



БАДИХА

(Тендер кунларида)

*Роса талаш бўлди, талаш бўлди ер...
 “Меники!”, “Меники!” – ҳамма шундай дер.
 Ер эса мийигда жилмаяр зиддан:
 “Меники бўлтурсан, эй, мен деган эр!..”*

ИТНИНГ САДОҚАТИ

*Сулаймон пайғамбар кўчадан ўтар,
 Ногоҳ ҳуриб қолар унга бир қучук.
 “Мени билмасмусен, ношуқр, қайсар,
 Ҳазрати оламга ҳурмагинг нечук?”*

*“Биламан, ҳазратим, ҳайрон қолманг сиз,
 Асло танимасни сийламас эрмас.
 Гар сизга ҳурмасам, оч қолгум шаксиз,
 Эгам бир бурда ҳам менга нон бермас!”*

ЯНГИ ТАНИШЛАР

(Ҳазил)

*Сүхбат қилишиади йигит билан қиз,
 Сўз ҳам кела қолмас тилга, ажабо.
 “Айтинг... нима ҳақда ўйламоқдасиз?..” -
 Нозланиб сўрайди гўзал дилрабо.*



*Йигит ерга қарар, юзини бурав:
 “Сиз... ўйлаган ўйни... ўйлайман фақат...”
 Қизнинг жаҳли чиқиб ўрнидан турар:
 “Уятсиз экансиз, уятсиз! Уят!..”*

* * *

*... Ям-яшил кенгликлар бағрига чорлар,
 Ям-яшил кенгликлар, гўзалсиз мунча!
 Дилдор кўзларида завқу шавқ порлар,
 Бор олам парвона бора-боргунча,

 Бора боргунча.*

*Кўзингда кўзларим жаҳон кўради,
 Ечилиб кетади дилда тугунча.
 Ҳар лаҳза, ҳар лавҳа қоим туради,
 Хотирда қолади ўла-ўлгунча,

 Ўла ўлгунча...*



ОШИҚ ИШҚДАН СЎЙЛАГАНДА

*Ошиқ ишқдан сўйлагандা, тиллари бийрон эрур,
 Ҳар сўзидин бол томарки, эл анга ҳайрон эрур.*

*Ошиқ ишқдан сўйлагандা, бир тарафда жсон турар,
 Жон-ку танҳодир жаҳонда, нисбати жсонон эрур.*

*Гул суман ёрин лабидан бўса олгон ким экан?
 Дўпписин осмонга отсин, ул ўзига хон эрур!*

*Менга дунё на керакдур, на керакдур шон-шараф,
 Сен каби ёр менга, дилдор, бир умрга шон эрур!*

*Кимки севса бу жаҳонда, толеи бордир анинг,
 Севганинг йўқса, умр армон эрур, армон эрур...*

ФАРДЛАР

* * *

*Дунёнинг иши шу: кўнгил олмоқ, бил,
 Кўнглимни олгину кўнглингни чоқ қил.*

* * *

*Инсоннинг ўз устидан зафаридуру муҳаббат,
 Инсоннинг мангаликка сафаридуру муҳаббат...*

* * *

*Дилдор, дилдормусен, асил ёрму сен?
 Дилга дориму ё дилга дорму сен?*

РУБОИЙЛАР

* * *

*Бир кун мавжлар ўсиб тўлқин бўлајсак,
 Учқунлар улгайиб ёлқин бўлајсак.
 Кечаги алифлар, алиф деб эмас,
 Эрта бир таёқ деб талқин бўлајсак...*

* * *

*Ҳар боғланши ортида бир узилиши бор,
 Тугун пайдо бўлгувси боғласанг тақрор.
 Боғланмасдан узилмоқ ноҳуидир, эй кас,
 Узилмасдан боғлансанг – сенсан баҳтиёр.*





Курбон МУҲАММАДРИЗО

Муштарак туйғулар жилоси



Менинг болалигим отам Ғуломмирза ва аммам Гулсум она (аммамни мен «она» дердим) таълимтарбияси остида кечди. Отам маърифатли, зиёли киши эди. У киши илк таълимни Машҳадда олгандилар. Эски ўзбек ёзуви ва форс тилини мукаммал биларди. Шўролар даврида замонга боқиб, колхозда ҳосилот бўлиб ишларди. Бироқ отам санъатни, адабиётни ниҳоятда қадрларди, севарди. Шеърият мулкининг сultonни ҳазрат Навоийни, туркман мутафаккир шоири, тасаввуф илмининг билимдони Махтумқули, Сўфи Аллоҳёр, Мулланафас каби шоирларнинг шеърларини ёддан айтарди ва баъзан маърифий сұхбатларда дўст-биродарларига шарҳлаб берарди. Қуръони қаримнинг аксарият сураларини ёд биларди. «Ошиқ Ғариф ва Шоҳсанам», «Тоҳир ва Зухро», «Гўрўғли» каби достонларнинг ошиғи эди. Махтумқули асарларини эски арабча куллиётидан ўқири.

Дадамиз биз, (айниқса мен) бирон-бир чакки, но-үрин иш қилиб қўйсак ёки хато қилгудек бўлсак, олдига чақиради-да, шапалоқ ёки танбех ўрнига Навоийдан, Фузулийдан, Махтумқулидан шу хатога тааллукли бир байт ёки тўртлик келтириб изза қиласарди. Масалан, акамиз мол-дунё, мансабга сал қизиқиб кетганида, у даврамизда ўтирганида кесатиброқ Махтумқулидан тубандаги тўртликни келтирганди:

Дунёда минг таноб боғларинг бўлса,
От-яроғ асбобу шайларинг бўлса,
Аржа-аржа тўла молларинг бўлса,
Фойдаси йўқ. Ташлаб-ташлаб кетарсан...

Отамдаги адабиётга бўлган муҳаббат менга ҳам ўз таъсирини ўтказди. 7-синфда ўқиб юрган кезларимдаёқ шеър машқ қила бошладим. 8-синфда “Ана холос” деган кичик бир пьеса ёздим. Бу пьеса мактабда саҳналаштирилди. Үндаги бош қаҳрамонни ҳам

ўзим ижро этдим. Кичик-кичик бу уренишлар мени катта адабиётга етаклаб келди.

Ўрта мактабни тамомлаб, Хоразм Давлат педагогика институтининг ўзбек тили ва адабиёти факультетига ўқишига кирдим. Талабалик йилларимда эсга оладиган воқеалар жуда кўп бўлди. Ана шундай тарихий ҳодисалардан бири институтнинг охирги босқичида ўқиб юрган вақтларимда содир бўлганди. Хоразмга атоқли шоир Мақсад Шайхзода келди. У учрашув анжуманида Жалолиддин ҳақидаги драмасидан парча ўқиб берди. Бу ижодий учрашув менда жуда катта таассусот қолдирган. Шу пайтгача ёзмоқчи бўлиб юрганим, Махтумқули ҳақидаги драмани қоғозга тушириш истаги кучайди. Кўз олдимда доно, туғёнга тўла Махтумқули бўй тиклаб, кеча-ю кундуз ўтган даврон долғалари тўғрисида гапира бошлади. Натижада 1964 йилда тарихий-бадиий «Махтумқули» мусиқали драмаси пайдо бўлди.

У пайтларда асарни саҳнага олиб чиқиш учун республика маданият вазирлигидан руҳсатнома олиш керак эди. Баҳтли тасодифни қарангки, ўша пайтда улкан адабиётшунос олим, филология фанлари доктори Матёкуб Қўшжонов муҳим бир иш билан Хоразмга ташриф буюрган эди. Унинг келиши менинг жонимга оро кирди.

Олим драма матни билан танишгач, асарга ижобий такриз ёзиб берди. Аммо бу кафолат ҳам етарли бўлмади, вазирликдагилар яна баҳона топишиди. Махтумқули ҳақида туркман халқининг таникли оқсоқоли, Туркманистон Ёзувчилари уюшмаси раиси, машҳур адаб Берди Кербобоев ҳам драма ёзган экан, шу кишидан руҳсатнома олиш зарур деб айтишди. Ноилож, Ашхободга, Берди оға хузурига отландим. Асарни уюшма котиби Ашир Назаров олиб қолди. Уни Берди оғага топширишини, у киши икки кундан сўнг келишини айтди.

Хуллас, икки кундан сўнг атоқли инсоннинг олдига ҳаяжон билан кирдим. Не ажабки, Берди Муродович мени эски қадрдонлардек кутиб олди, бир пиёла чой қуиб берди. Ёзувчининг гап-сўзларидан қўллэzmани ўқиб чиққанлиги маълум бўлди. Асарни варақлаб чиқар экан, «Қойил, жуда «гўви» (зўр дегани) драма асари бўлиптири» дея менга оқ фотиҳа берди. «Асарни туркманчага ўгиртириб олиб келсанг, Мулланавас номидаги драма театрида саҳналаштирадик», деди ва бу вазифани у туркманистонлик машхур драматург Товшон Эсенова зими масига юклашини айтди. Шундан кейин асарнинг оригинал эканлиги, аҳамияти ва уни саҳналаштириш мақсадга мувофиқлиги таъкидланган хатга имзо қўйиб берди. Ва ниҳоят, бу асар 1966 йилда Оғаҳий номидаги Хоразм вилоят театри ижодий жамоаси томонидан муваффақиятли саҳналаштирилди. Бу мусиқали драма кейинчалик республиканизнинг кўргина вилоятлари саҳналарида, Туркманистон, Қорақалпоғистонда намойиш этилди, Республика радиосининг «Олтин фонди»дан жой олди.

1981йилнинг охиrlарида мени Ўзбекистон Ёзувчилари уюшмасига аъзоликка қабул қилишди. Бу вақтларда уюшманинг Хоразм вилоят бўлими масъул котиби Раҳим Бекниёзов ўз аризасига кўра қариллик пенсиясига чиқкан экан. Қизиги шундаки, Ёзувчилар уюшмасининг ўша вақтдаги раиси шу куннинг ўзидаёқ мени масъул котиблик вазифасига ўтказиш борасида таклиф киритди. Уюшма Президиуми аъзолари таклифни маъқуллашди.

Раис жуда уддабурон, ишнинг кўзини биладиган, ижодкорларнинг таклифлари билан ҳисоблашадиган, иложи борича уларга керак бўлса ҳам моддий, ҳам маънавий ёрдамини аямайдиган раҳбар эди. У кишининг ишга келиши билан Ёзувчилар уюшмаси қад тикилади, жойлардаги обрўси ошди, вилоят раҳбарларининг таклифларига кўра бўлимлар янги штатлар (консультант, таржимон штатлари) билан тўлдирилди, Дўрмондаги ижод уйи навбати билан вилоятдаги ижодкорларни ҳам бағрига олди. Бу ғамхўрликлар жуда ҳам яхши натижа бера бошлади.

Албатта, янги вазифа ўз навбатида менга янги куч-куvvat ва масъулият юклаган эди. Вилоятда кўргина ижодкор ёшларни тарбиялаш, уларга устозлик қилишдек савобли ишларни бошлаб юбордик. Ўндан ортиқ ўш истеъдод эгалари уюшма аъзолигига қабул қилинди. Бетакор истеъдод соҳиби, етук шоир, моҳир



таржимон Матназар Абдулҳаким, Республикага танилган шоирлар Отабек Исмоилов, Гавҳар Ибодуллаева, Сотим Аваз, Рустам Назар, Исмоил Оллаберганов, адабиётшунос олимлар Ҳамдам Абдуллаев, Нурмамат Қабуловлар шулар жумласидандир. Устоз-шогирдлик муносабатлари яхши йўлга қўйилди.

Бир мисол. Шоир Матназар Абдулҳаким олий даргоҳи битказиб келгач, қишлоқ мактабларининг бирида ўқитувчилик қиларкан. Рости, шу пайтгача мен уни танимасдим. Тасодифан Урганч тумани газетасида унинг аруза битилган битта мухаммасига кўзим тушди. Шеър равон ва ҳиссиётга бой эди. Суришириб бу йигит ишлайдиган мактаб манзилини билиб, топиб келиш учун котиба қизимизни жўнатдим. Мақсадим, маъқул тушса уни Ёзувчилар уюшмаси вилоят бўлимига янги ажратилган адабий консультантлик лавозимига ишга таклиф қилишни ўйлаб кўйдим. Сал олдинроқ вилоятдаги таникли ёзувчилардан бирига бу борада маслаҳат солдим. Режам унга ёқмади, Матназар характеридаги айрим «салбий» хусусиятларни рўйач қилиб, бу ўринга ўзи билан ишлайдиган бошқа бир ёш шоирнинг номзодини талаб даражасида қатъий таклиф қилди.

Орадан бир кун ўтиб Матназар ҳузуримга келди. Бироз сухбатлашиб ўтирдим, шеърларидан намуналар эшитдим. Унинг гап-сўзларидан, кўзларидан искеъдод учқунларини кўргандай бўлдим. Ўзи ҳам камтар, камсуқум йигит кўринди. Шундан кейин ҳеч иккимай Матназарни ишга қабул қилдим.

Матназарнинг кўлтиғида доим Ҳазрат Навоийнинг «Хамса»сини кўтариб ишга келиб-кетишларини кўриб, унинг мумтоз адабиётга ихлоси зўрлигини англадим ва унга «Хамса»ни яхши ўрганишни ва ҳар куни вақт топиб шу асар борасида бир-икки соат мулоқотга тайёрланишини топширдим. Шу мақсадда бўлимдаги бошқа ишларни ўз зиммамга олиб, унинг ишини енгиллатиб кўйдим. Улуғ бобомиз ижод ҷашмасига киришида унга имкон яратиб беришга ҳаракат қилдим. Шу йўсинда деярли икки йилгача вақт ўтди. Биз вақт топилди дегунча ҳамсаҳонлик қилардик. У асарни яхши ўзлаштириди, биз ҳам, яъни мен ҳам анча-мунча «хамсашунос» бўлиб қолдим. Кейинчалик Матназар Навоийнинг бошқа ғазалларини «чақиши»га киришди. У Навоийни ўзлаштиргани сари, ўзининг ҳам бадиият зинапоясидан кўтарила бораётгани шундоқ сезилиб турарди. Шундай қилиб, умрининг охиригача у билан устоз-шогирдлик муносабатларимиз давом этди. Аввалига мен бироз нарсани унга ўргатган бўлсам, кўпроқ ундан ўрганишга ҳаракат қилдим. Нафақат ижодий, балки унинг оиласи ҳаётини сиздириб, иктиносидай муаммоларини ҳал этишда баҳоли қурдат ўз ҳиссамни қўшдим деб ўйлайман ва бундан қувонаман.

Мен ўшлиқдан билвосита ҳазрат Навоий, Оғаҳий, Абдулла Қахҳор, Мақсуд Шайхзода, Махтумкули, Ҳамид Олимжон, Ўткир Ҳошимов, Эркин Воҳидов, Абдулла Орипов сингари адабиёт дарғаларининг ҳаётини асарларидан, ҳозирги замон машҳур туркман адиллари Гурбонназар Азизов, Раимбой Собиров каби адиллар ижодидан ҳаёт таълимими олдим. Айниқса, филология фанлари доктори, тилшунос домламиз О. Мадраҳимов ҳаёт тарзи менга катта сабоқ берди.

Сўнгги йиллардаги энг катта ижодий ишим «Махтумкули» романи бўлди. Романни ёзишга тайёргарлик

шу мавзудаги драматик асаримни саҳнага қўйилишдан сўнг бошланди, десам хато бўлмас. Тўғри, аввал роман ёзиш ниятим йўқ эди. Лекин Махтумкулини кўп ўқирдим, асарларини мутолаа қиласадим, у ҳақда кўпгина мақолалар ёзганман, кўп сухбатларим шу улуғ донишманд инсон тўғрисида бўларди. Унга ўхшатма қилиб қўшиқ-шेърлар ёзардим. Шоирнинг ҳаётига кириб борганим сари, унга ихлосим ошиб борди. Лекин роман ёзишдан чўчирдим. Бироқ тасаввуф илмининг устаси Махтумкули ҳақида катта асар ёзишимга кўпроқ таникли адиб, устоз акамиз Эркин Самандар турткни бўлди. У киши ишончимга ишонч кўшди, йўлланма берди ва тез-тез эслатаверди. Миямда Махтумкули бора-сида 30-40 йиллик материаллар йигилиб қолган бўлсада, бевосита асарнинг ёзилишига роппа-роса икки йил вақт кетди. Лекин нашриёт ҳаммасини ўрганиб, китоб охирида бу муддатни 10 йил деб ёзиб қўйсак тўғри бўлар, деб маслаҳат беришди, рози бўлдим.

Роман бош гоясини очиб беришда (ҳозирги замон ўзбек адабиётида биринчи тажриба бўлса керак) Қуръон оятлари ва ҳадислардан фойдаланиб, асар руҳиятини қадриятларимиз, гўзал урф-одатларимиз, умумбашарий қадриятлар билан бир қаторда Шўролар даврида таъкиянган миллий маънавиятимизнинг асосий омилларидан бири – Исломий маърифат билан суғоришга ҳаракат қилинди.

Шунингдек, Махтумкули, Мужрим Обид, Киромийлар яшаётган даврдаги мусулмонлар оиласидаги диний-маънавий тарбиянинг қай даражада эканлиги, унинг ибратомуз томонларига ургу берилди.

Махтумкули Ҳазрат Навоийни ўз устози ҳисоблаган, унга ихлос қўйган. Нафақат мадрасаларда, балки бутун умри бўйи устоз асарларини ўқиган, «Хамса»ни ёд билган, улардан ибрат олган. У шундай ёзади:

Ҳақиқат излаган устоз Навоий,
«Чор девон»и, «Фарҳод-Ширин», рубоий,
Заҳиридин Бобур мезонил-оий,
Даргоҳига бориб мен Мажнун бўлсам.

Навоий билан Махтумкули ўртасида руҳий яқиник, фикрий боғлиқлик бор. Шу ўринда тарихга муражаат қилсан.

Х асрларда Тажан дарёсида курилган «Пули хотин» кўприги орқали аждодларимиз куда-андачилик, савдо-сотиқ баҳонасида бир-бирлари билан бордикелди қилишган. Кейинчалик ҳазрат Навоий ҳам шу кўприкдан Сарартга ўтган, бу кўприкда Амир Темур, Шоҳруҳ Мирзо, Улуғбекларнинг ҳам излари қолган. Андижон, Марғилон, Самарқанд, Туркистон ва Бухорои шариф, Хива шаҳарларини ихтиёр этганда, бу йўллар Махтумкули оёқларига поёндоз бўлган. Шоир дейдики:

Илгимни узатсам етадир шоҳойи ар-ар,
Ул шайхи Фузулийга сўзим бўлса баробар.
Султон Ҳусайн, Мир Алишер дунёга даъвогар,
Фарҳод-ла Ширин, Лайли ва Мажнун диловар,
Юртларни кезиб, сийил Хуросона келибди.

Улуғларимиз бошлаб берган устоз-шогирдлик, руҳий-маънавий иртибот анъаналари бугунги кунларимизгача давом этиб келаётir.

Узоққа бориб ўтирмаийлик, туркман халқининг машҳур адиби Хидир Деряев ўзбек романчилигининг асосчиси Абдулла Қодирийни ўз устози ҳисоблаган бўлса, хоразмлик Бола бахши Абдуллаев туркман халқининг таникли бахшиси Суяв бахшини устозим деб қўл берган. Ўзбек шоириFaфур Ғулом билан туркман ёзувчиларининг отахони Берди Кербобоевнинг дўстлиги, биродарлиги каби мисоллар икки халқ маънавиятининг муштараклигидан нишонадир.

Романин ёзишимда яна бир манба Абулғози Баҳодирхоннинг «Шажараи тарокима» тарихий асари руҳий таянч ва йўлланма бўлди. Инсоннинг пайдо бўлиши, Одам Ато фарзандларининг Ер юзига тарқалиши-ю илдизи бир турк халқларининг қадим тарихи, келиб чиқиши, ҳаёт тарзи борасидаги қимматли фикр-мулоҳазалари асарни ёзишимда ниҳоят аскотди. Абулғози нафақат довюрак баҳодир, балки аждодларимиз тарихини яхши билган, тиббиёт илмининг нуктадони бўлиб, авлодларга кўпгина ибратли мерос қолдирган етук аллома ҳам бўлган. Унинг хизматлари романнинг уч-тўрт жойида тилга олинади.

Маълумки, XIX аср Хоразм адабий ҳаёти тарихи мумтоз адабиётимизнинг гуллаб-яшнаган даврига тўғри келади. Бу даврда Хива шаҳри маданий адабий ҳаётнинг марказида даврининг етук алломалари Мунис ва Оғаҳийлар ўзларидан ўчмас тарихий ва адабий мерос қолдирганлар. Бу давр мактаби аввало Шермуҳаммад Мунис (1778-1829) номи билан боғлиқлигини айтиш лозим. Мунис вафотидан кейинги Хоразм адабий мактаби бевосита Оғаҳий ва Феруз номи билан боғлиқдир. Оғаҳийнинг ижоди XIX аср ўзбек адабиётидаги нодир ҳодиса, Хоразм адабий муҳитида эса унинг юксак босқичи сифатида қимматлироқдир. Шоир ижодий-илмий мероси бой ва ранг-баранг бўлиб, кенг кўлами ва мазмунан теранлиги билан кишини ҳайратта солади. Айтиш мумкинки, Навоийдан кейин адабиётимиз тарихида бунчалик кўламдор ва бадиий юксак ижод илк бор вужудга келди.

Сўнгги йилларда Оғаҳий ҳаёти ва ижодий мероси кенг ўрганилмоқда. Кўпгина салмоқли тадқиқотлар пайдо бўлди. Шоирнинг 6 жилдлик асарлар мажмуаси нашрдан чиқарилди. Шу жумладан, мен ҳам 5 йил муқаддам Оғаҳийга бағишлиб «Тахт ва баҳт» деб атalgan тарихий саҳна асаримни ёздим ва у иккинчи жилд «Сайланма»мдан ўрин олди.



Албатта, шу пайтгача ёзилган китоблар ва саҳна асарларининг ҳаммасидан ҳам кўнглим тўлади, деб айттолмайман. Бироқ шунисидан баҳтиёрманки, истиқолол йилларида, яъни бу эркинлик берган имкониятдан баҳоли курдат фойдаланишга ҳаракат қилиб келяпман. Мустақиллигимизнинг беш йиллиги олдидан вилоятимиз ижодкорлари билан мамлакатимизни бошдан-оёқ айланниб чиқиш ташаббусини кўтардим ва шу мақсадда махсус бир ярим ойлик сафарга отландик. Сафар таассуротлари «Хоразмдан Ўзбекистон бўйлаб» рукни остида республика матбуоти, телевидение ва радиоларда кенг ёритиб берилди. Натижада, ўзбек адабиётида унтуилаётган «Саёҳатнома» жанри қайта тикланди. Менинг назм ва насрда битилган «Жоним фидо» номли сафарнома китобим дунёга келди. Бу китобда мустақиллигимизнинг ҳали тетапоя даврида халқимиз томонидан эришилган тарихий ютуқлар ва бу муқаддас йўлдаги айрим ечимини кутиб турган муаммолар ўз аксини топди.

Сўнгги йилларда насрий асарларим билан бирга драматургия соҳасида ҳам маълум ютуқларга эришдим, деб ўйлайман. Абдулла Қаҳҳор номидаги республика сатира театри ижодий жамоаси томонидан саҳналаштирилган ва бугунги кунгача саҳнадан тушмай, театр мухлисларини хурсанд қилиб келаётган «Бугуннинг шум боласи», Сирдарё театрида саҳналаштирилган «Тўй» спектакли, Хоразм вилоят театри саҳналарида қўйилган «Махтумқули», «Қасам

ва виждон», «Айбдорлар» пьесалари бунга яққол мисол бўла олади. Бу асарларнинг кўпчилиги Республика телевидениеси ва радиоси орқали бир неча бора халқимизга намойиш қилинди.

Ижодий изланишларим давомида Марказий Осиё халқлари ҳаётини яқиндан ўрганишга ҳаракат қилдим. Бу мақсадда туркман ёзувчилари Берди Кербобоев, Товшон Эсенова, Ашир Назаров, Раимбой Собиров, Хонкелди Қорабоев, қорақалпоқ халқининг севимли адиблари Ибройим Юсупов, Тўлепберген Қайипбергенов, қозоқ шоираси Олтинсоҷ Жаганова, тоҷик шоираси Зулфия Атойи каби таниқли адиблар билан бир қанча мулоқотларда бўлдим. Қардош ижодкор дўстларимизнинг шеърларини, асарларини ўзбек тилига таржима қилдим. Жумладан, тоҷикистонлик таниқли шоира Зулфия Атойи, мумтоз туркман адабиёти вакилларидан Камина ва Сейидий, Туркманистон халқ шоиrlари, Махтумкули номидаги Давлат мукофоти совриндорлари Гурбонназар Азизов, Карим Қурбоннапасов ва бошқаларнинг бир қанча шеъларини туркман тилидан ўзбекчага таржима қилиб, турли газета ва журнallарда, китобларда чоп эттирудим.

Дарҳақиқат, умрим китоб ва китобот ишлари ичida кечмоқда. Мен бундан нолимайман. Яратганинг бу неъмати учун ҳар қанча шукrona этсам оз. Кўнглимда ҳали яна бир талай ижодий режаларим, орзуларим бор. Бу эзгу ишларни амалга оширишимда Ўзидан мадад сўраб қоламан.

АДИБ ҲАҚИДА

Қурбон Муҳаммадризо – 1938 йил 18 февралда туғилган. Хоразм Даъват педагогика институтининг тарих-филология факультетини тамомланган. Дастраси фаолиятини ўқитувчиликдан бошлигар. Сўнгра Хоразм радиосида мухбир, телевидениесида мухаррир, бош мухаррир ва раис вазифаларида фаолият олиб борган. Шунингдек, 1982-86 йилларда Ўзбекистон ёзувчилари уюшмасининг вилоят бўлими раҳбари бўлиб хизмат қилган. Шу йиллар давомида адабининг “Гул ва кўнгил”, “Юрак титраганд”, “Хоразмда бир гўзал бор” шеърий тўпламлари, “Фалакнинг гардиши”, “Нурли излар” қисса ва публицистик асарлари нашр этилган. Сўнгги йилларда “Махтумқули” романи, “Назм дафтари” ва ўнлаб драматик асарларни ўзида жамлаган “Сайланма”си чоп этилган. Оилали, етти нафар фарзанди бор ва ўнлаб невара-чевараларнинг севикли бобосидир.





Шамсия ХУДОЙНАЗАРОВА

Соңидим тоғлағиниң үні виқорғағин



* * *

Күп нарсаны анголмай қолдим,
Күп нарсаны англаб, чарчадим.
Бурда-бурда бўлган руҳимни
Бутлаш керак парча-парчадин...

Нина санчиб кир ахтардилар,
Заифлашиб қолди тирногим.
Қани менинг олов юрагим,
Журъатларим қани бурноги?..

Мен шунчаки яшолмайман, иўқ.
Мен шунчаки ўлгим келмайди.
Номардларнинг қўллари баланд
Келишига кўнгим келмайди.

Дунё яралгандан то ҳануз,
Ғолиб чиққан эзгулик иўли.
Ким гирромдан ёқса машъала,
Самоларга соврилгай кули!

Ё Худойим, қувват бер Ўзинг,
Ҳақиқатни суйгувчи дирман.
Ватан отлиғ бир улуг ўтнинг
Ўртасида куйгувчи дирман!

О, биламан, ёқмайди феълим,
Эл дардига эши бўлмаганларга.
Ҳасадлардан ичи қораийб,
Толеи ҳеч кулмаганларга.

Бадбинларга баттар ўчлашдим,
Ўр ҳисларга ўралашибимми?



Дунё, рангинг тортдими хира,
Ё кўзларим хиралашдими?..

Күп нарсаны анголмай қолдим,
Күп нарсаны англаб чарчадим...
Ватан, сенинг ёдинг билан мен
Бутунландим парча-парчадин...

* * *

Ииллар мени ийқди, Онажон,
Сочларимга қўнди илк қиров.
Вақт ер экан ҳамма нарсани,
Бирор билар, билмайди бироров.

Ҳатто баланд-баланд тоғлар ҳам
Ҷўққисидан нари ўтмаскан.
Тик қолмоқ ҳам жасорат экан,
Бу саботга ҳар ким етмаскан...

Сўзларимнинг зарофатини,
Беманзират луқмалар кесди.
Хаёлимнинг учқур отини,
Учунтирган бўронлар эсди...

Руҳнинг зангор водийларига,
Сараторнлар кирди саргайиб.
Кузакларнинг жиоддийлигидан,
Қаҳратоннинг қаҳри-да майиб...

Ииллар мени ийқди, Онажон,
Улгайтириб қўйди ўйларим.
Шу накирон ёшимда баъзан,
Нуронийга ўхшаб сўйладим.

Ким кулди, ким қотирди энса,
Ким мақтади, кимдир алқади.
Она, қора қайғуингизни
Оппок умрим билан оқлагум!...

* * *

Рўйинг аро бокқан қалбми ул,
Ё бармоқда рангингму ёнар.
О, мұхаббат, хүшибүй атиргул,
Бандинг узиб, бармогим қонар...

Орзулар-ла бўлиб ман машгул,
Ой нурини ичмоқ истадим.
О, мұхаббат, хүшибүй атиргул,
Бўйларингни құчмоқ истадим.

Балки ҳаддан ошибман буткул,
(Телба рұхим байрамлади-да...)
О, мұхаббат, хүшибүй атиргул!...
Ошиқ йигит найрангларида:

Нагмаланаар найнинг навоси,
Айт, не сирни англатмоқда ул?
Хаётимнинг мушкін ҳавоси –
О, мұхаббат, хүшибүй атиргул!...

* * *

Соғинчлар юртида кездим дарбадар,
Мен қысмат қўлида ночор қаландар.
Оҳ чекиб чирқиллар, рұхим – самандар,
Айт, қачон бағрингга қайтгум, Олтинсой?

Тоши шаҳар тошларин елкамга ортди,
Айролиқ таъмини кўп ва хўп топдим.
Сочдан тирноққача соғинчга ботдим,
Айт, қачон бағрингга қайтгум, Олтинсой?

Ки ўзга кентларда ўзни топмадим,
Самими бир оғиз сўзни топмадим.
Кўйимда чин қуйган кўзни топмадим,
Айт, қачон бағрингга қайтгум, Олтинсой?

Дунёларга сизмас, о, шавқим, дардим,
Менсиз юзларига майсалар тортиб,
Қаровсиз қолди-ку отамнинг қабри...
Айт, қачон бағрингга қайтгум, Олтинсой?

Соғиндим тоғларнинг чўнг виқорларин,
Элчи бинафшанинг хушифорларин.
Йиглади кўнглимнинг нишӯфарлари,
Айт, қачон бағрингга қайтгум, Олтинсой?

Мусофир кўнгилда муқаддас азоб,
Ё, фалак, жиссими ми айлама сазо.
Ки сенга етмасдан етмасин қазо,
Айт, қачон бағрингга қайтгум, Олтинсой?

Бошга соя соган булутлар қайтди,
Олис сафар қилган бургутлар қайтди.
Ва шайхлар қошига муридолар қайтди,
Мен қачон бағрингга қайтгум, Олтинсой?..

* * *

Шоури кўп бу элда
менам битта шоурман,
Бус-бутунимча Ҳайрат,
Сўз, Ҳасратга доирман.
Ўзгалар ўгайламтмай,
ўстирса бир чинордай,
Ўзагимни ўзники
кеасса, кимни койирман?..



Симиллаган кўнглимни
ситиб кетиб бораман,
Ишт-ишт ишлар измида
йтиб кетиб бораман.
Тирноқдай бир саволга
энг зўр жавобни излаб,
Тоғ-тоғ ҳикмат дарсларин
титиб кетиб бораман.

Ерга боқсам ерланиб,
ер ёрилди қарсилаб,
Кўкка боқсам куйманиб,
чақмоқ чақди қарсилаб.
Ўзингдан чиқса бало,
ҳайҳот, йўқ экан даво,
Ич-ичимда қонланиб,
чинқон пишиди тарсиллаб...



“Ёрил-ёрил” деганда,
ёрилмади тошлар ҳам,
Қаро тортиб келмади
қаро-қаро қошлилар ҳам.
Ёр ўлмаган ётларга
ёролмайман кўнглимни,
Бордур мендай – тоши тегиб,
ёрилмаган бошлилар ҳам!...





ЖИЗНЬ


ДРАМАТУРГИЯ



Құчқор НОРҚОБИЛ

ҚҮЁШНИ СЕН ҮЙФОТАСАН...

Пьеса





Қатнашувчилар:

Шабнам – 35 ёшда.

Ойдин момо – 70-75 ёшлар атрофида.

Замон Ашрафович – 35 ёшда.

Дилдора – Шабнамнинг қизи, 12-14 ёшлар атрофида.

Қодир – 35 ёшда

Қудрат қўйни – 45-50 ёшлар атрофида.

Йўлдош – 45-50 ёшлар атрофида.

Ирина Андреевна – ишибилармон, 35-40 ёшлар атрофида.

Чори бобо – Қудратнинг отаси, 75-80 ёшлар атрофида.

Тоҳиржон – Шамнамнинг укаси, 30 ёшлар атрофида

Йигитча – 20-25 ёшлар атрофида.

БИРИНЧИ САҲНА

Москва. Вокзал. Вокзал манзараси – саҳна тепасида улкан осма соат, у-бу нарса сотиладиган кўчма дўконча, йўлак четида оққайинлар қад ростлаган, йўлакнинг икки четида иккита ўриндиқ. Унинг ёнида чиқинди қути. Вокзалга хос шовқин эштилиади, аллақаердаги радио карнайдан аллақаерларгидир жўнаб кетаётган поездларнинг нечанчидир йўлдан жилаётгани диспетчер қиз томонидан рус тилида эълон қилинмоқда.

Одми, лекин адл қаддига ярашикли кийинган, истараси иссик, чехрасида ўзига хос ёрқинлик зоҳир, Шабнам ўриндиқда ўтириб, дастрўмоли билан қизарган, ёшли кўзларини артмоқда. Ўриндиқ ёнида вокзалдан йўлга тушган (уига қайтаётган) йўловчига хос у-бу нарсалар – елим халта, тугунтўшак ёки кичик жомадон ва ҳоказо шунга ўхаш нарсалар. Аёл йиғлаляпти. Шу пайт унинг эри Қодир пайдо бўлади. Эгнида сўнгги русумдаги футболка, жинси шим, оёғига эса крассовка илиб олган, қора кўзойнакни манглайига олифтанамо қўндирган. Туруш-тутиши ҳеч кимдан кам эмас: кучли, бақувват. Эркак ўриндиқ олдида бироз тик туриб, ғижинган бўлиб, гўёки ерга туфлайди, сўнг кўл силтаб аёлнинг ёнига ўтиради. Аёл эркакка умидвор бўлиб қарайди. Эркак қўли билан бошини чанглалаб, аёлга ғамгин кўз ташлайди. Сўнг жинси шими чўнтагидан бир даста пул олиб аёлига узатади.

Қодир: – Ма. Ол !

Шабнам: – (Қодирга анграйиб қараб) – Беш йил!.. Беш йилдан бери пул жўнатмаган одам энди беряпсизми? Йўқ, бу пулни ололмайман, Худо билади, бу пулни қайси йўл билан топаяпсиз. Ундан кўра бирга кетсан яхши бўларди.

Қодир: – (Уфф, тортиб...) – Тушунсанг-чи, айтдиму боролмайман... Ол. Мана бу пулни ол. Пулга ҳалол ёки ҳаром деб ёзиб қўймайдилар-ку.

Шабнам: – (Хафсаласизлик билан худди ўзига ўзи гапиргандек... Бир нуқтага тикилиб) Менга сизни

пулингиз эмас, ўзингиз кераксиз. Нега уйга боролмай-сиз? Нега?

Қодир: – (Ўрнидан туриб кетади) Яна нега дейсан-а! Ахир кечадан бери қулогингга танбур черта-ялманни, иложим йўқ. Ишимни ташлаб кетолмайман, Шабнам.

Шабнам: – (Кескин қараб, кинояли) Ахир иш ҳамма жойда ҳам кўп. Уйингизда ҳам иш етарли.

Қодир: – (Ғижиниб) Нима қиласман қишлоқда. Мен бу ерда топаётган пулимни у ерда ҳеч ким бермайди.

Шабнам: – (У ҳам ўрнидан туради... Эрига илтижоли қараб) Ахир ўттиз беш сотих томорқамиз бор, отангиздан қолган шу боққа қарасак ҳам бир рўзгорга етиб ортади-ку...

Қодир: – (Ижирганиб) Томорқа...

Шабнам: – (Бир нуқтага тикилиб, худди ўзига ўзи гапиргандай) Ҳа, томорқа. Қодир ака, сиз мени тушунмайди дейсизми, мен нима учун бегона юртларда юрганинг сабабини биламан. Сиз менга уйланиб қишлоққа олиб келгач, оиласиз ҳеч кимдан кам бўлмаслигини хоҳладингиз, олдимда ўзингизни гуноҳкор ҳис қилдингиз, ана шу ҳислар касрига қолдик. Баҳт, оила, севги деган тушунчалар бойлик васвасаси соясида қолиб кетди.

Қодир: – (Хотинига ғамгин тикилиб) Сенинг айбинг йўқ, мен ўзим шу йўлни танладим.

Шабнам: – (Афсусланиб) Мен сиздан ҳеч нарса сўрамаган эдим-ку.

Қодир: – (Чукур тин олиб) Ҳа, сўрамаган эдинг, бироқ ота-онанг бир қишлоқи, ялангоёқнинг ортидан эргашиб кетдинг, деб сендан юз ўгирмаганда мен шундай қилармидим. Мен уларга бойлими, мана сенларга бойлик деб кўрсатмоқчи эдим. Шу йўлда топган-тутганимни бизнесга тикдим, лекин ҳаёт мен ўйлаганчалик енгил бўлиб чиқмади.

Шабнам: – Мен ўшандада сиз билан дунёни нариги бурчагига қуш кўнмас, ит ўтмас, азобу укубатхонасига бўлса ҳам эргашиб кетишга рози эдим. Ахир мен сизни севаман.

Қодир: – (Бош чайқаб) Бас. Бас қил... Қишлоққа қайтаман, Шабнам, фақат вақти келганда қайтаман.

Шабнам: – (Титраб-қалтираб яна ўриндиққа ўтириб олади...) Бизнинг айбимиз нима? Орзуларимиз шумиди? Сиз билан қишлоқ ҳаётини ўзгартирамиз, у ерда ҳам яхши яшаш мумкинлигини одамларга исботлай оламиз, деб ўйлагандик. Режаларимиз бор эди.

Қодир: – (Хотинининг ёнига келиб ўтиради.) Сўнг у ҳам бир нуқтага тикилади, бир оз жимлик чўқади) Тушун, ёшлиқдаги ҳою-ҳаваслар ўтди, илтинос, ҳозирча мени тинч қўй...

Шабнам: – (Эрига анграйиб қараб) Қачонгача бу юришингиз давом этади, қачонгача тинч қўй, дейсиз!

Қодир: – (Ўрнидан шаҳд билан туриб кетади.) Шабнам ҳам туради) Билмадим, Шабнам, билмадим.

Шабнам: – (Илтижоли ҳолда) Қизингизнинг бўйи чўзилиб қолди. Фақат сизни сўраяпти. Беш йил бўлди. Бизнес йўлга қўйилса қўйиларди-да, беш йилдан бери сарсонсиз. Ўша ўрис аёлни ишончли одамимисиз ёки?..



Қодир: – Шабнам, қўй энди! Ирина Андреевна-нинг ишончли одамиман, у ўзимга ресторон очиб бермоқчи.

Шабнам: – Қодир ака, ўйлаб кўринг... Ахир у ёқда онангиз, қизингиз... Жон Қодир ака, қишлоққа қайтинг... Ахир...

Қодир: – Ахир айтдим-ку сенга! Ҳозир кетолмайман.

Шабнам: – (Энди ўзини қўлга олишга уриниб...) Йўлингизга термулавериб, онангизнинг кўзи хиралашиб қолди. Бир кўзи кўрмаяпти. Шўрлик энага ачинаман. Девдай ўғли тирик бўла туриб, ер билан битта бўлиб ётган кампирга ачинаман... Лекин сиз... на фарзанд, на онага ачинасиз... Сиз айниб бўлган экансиз. Беш йилда кўзингиз кўр, юрагингиз тош бўлиб қопти... Қодир ака! Майли онангизга ҳам ўзим қарайман, тирик етим қизингизни ҳам ўзим боқаман.

Қодир: – Сен пушаймонсан-а, Шабнам? Мен билан турмуш қурганингга пушаймонсан, менга қара, сен яхшиси оиласнгга қайт ...

Шабнам: – (Хўрсиниб) Тақдири азал шу аслида... Мен сиздан, қисматидан бунчалар жабру ситам кўраман демагандим... Кошки эди энди мен ота-онам, жигаргўшаларимнинг олдига боролсам. Йўқ. Энди мен йўлимдан қайтмайман, сиз бу ерда умрингизни бекорга ўтказаётганингизни сизга исбот қиласман.

ИККИНЧИ САҲНА

Девор билан ўралган оддий қишлоқ ҳовлиси. Ўртасида супа. Тандир-ўчоқ, ошхона. Хуллас, батартиб ва саронжон ҳовли. Ойдин момо ҳовлида у-бу нарсаларга уриниб юрибди. Шу маҳал қўлида жомадон кўтариб Шабнам кириб келади. Кампир уни пайқаб шошиб қолади. Шабнам томонга бир-икки қадам қўйиб, ҳолсизланади. Беихтиёр ўтириб қолади. Шабнам қўлидаги жомадонни ерга қўйиб кампир ёққа интилади, уни қўлтиғидан олиб, турғазмоқчи бўлади, кампир базўр Шабнамнинг қистови ҳамда ёрдамида ўрнидан қўзғалади. Шабнам инқиллаган кампирни супага суюб олиб келади ва супага ўтиришига ёрдамлашади.

Ойдинмомо: – (Шабнамни қучиб) Келдингми болажоним, келдингми? Нима бўлди... Ҳа... Тушунарли. Келмабди-да...

Шабнам: – (Кампирнинг бу аҳволига ҳавотир билан қарайди) Йўқ, эна! Кейин гаплашамиз, ўзингиз тузукмисиз, қийналиб қолмадингизми? Неварангиз қани, эна, ҳали машғулотдан қайтмадими?

Момо: – Демак, келмайди де?! Ўзим ҳам сезгандим... Энди нима қиласми, қизим?

Шабнам: – Билмасам, эна, бошим қотди.

Момо: – Сени хор қилди у. Бу ҳам етмагандай, мен ҳам оёқ-қўлингни боғлаб ўтирибман. Ўйнаб-куладиган пайтингда қора бошингга оқ оралади.

Шабнам: – Нега ундан дейсиз, эна! Сиздан сира ҳам ёмонлик кўрмадим.

Момо: – Мендан бўлмаса, мен туғиб ўстирган боладан ёмонлик кўрдинг... Бу номард ўғлим шундай оиласи билмади-я... Э, нодон-а, нодон.

Шабнам: – Қўйинг... Куйинманг, эна.

Момо: (Ўйчан. Анча тараффудланиб) – Куйинмай бўларканми, қизим? Сендан розиман. Мени қўй, ўз кунимни кўрарман. Сени бу ерларда бева-бечора қилиб олиб ўтиришга ҳаққим йўқ, қизим... Қизингнинг ҳам бўйи чўзилиб қолди... Шаҳарга, ота-онангнинг олдига бор, болам... Биздан кўрмаган меҳрни улардан кўр, қизим...

Шабнам: (Титраб) – Эна, нима деяпсиз? Сизга оғирлигим тушаяпти, энажон, сизни ташлаб кетолмайман .

Момо: (Уввос тортиб йиглайди. Шабнам унинг қучогига бош қўяди) – Йўқ, қизим, йўқ... сизларга менинг оғирлигим тушаяпти, оёқларингизга тушов бўлдим, қафас бўлдим, болам. Бу кунимдан ўлганим яхши, болам! Элда бош кўтариб юролмайман. Ёлғиз ўғлини Худо бехабар, бемеҳр қилиб ўстирган нотавонман, болам! Неварасини тирик етим, кепинини бева қилган ношудман, болам! Шабнам, сендан розиман... Биламан, Қодир энди қайтмайди. Йўлидан адашди болам тушмагур. Оҳ, номард бола-я, нималар килдинг, бошимни ҳам, дунёмни ғам қилиб кетдинг-а. Сени шу ниятда туққанмидим, шу ниятда катта қилганмидим, болам.

Шабнам: (Ўрнидан туриб кетади) – Жон эна, йигламанг, тобингиз қочиб қолади.

Момо: (Жимиб қолади) – Қизим, неварамни эҳтиёт қил! Сизларни Худо ташлаб қўймайди, болам. Омин, Оллоҳу акбар. Бошинг тошдан бўлсин, тупроқ олсанг тилло бўлсин, эна қизим.

Шабнам: – Энажон, қўйинг, йигламанг! Эна, мана бу чойни ичиб олинг, эна, ўзингизни босинг.

Момо: – (Бир оз жим туриб) Болам... Болам...

Шабнам: – Эна, манавини ичиб олинг, (Кампир жим, сўнг қўл чўзади. Аммо қўлини пиёлага эмас бошқа томонга узатади. Шабнам ҳайрон ва қўркув билан қарайди. Момо кўр бўлиб қолған эди).

Момо: – (Шивирлаб) Болам...

Шабнам: – Энажон, сизга нима бўлди, эна...

Момо: – (Хомуш пичирлайди. Қўли билан ҳавони пайпаслади) Болам...

Шабнам: – (Қўлидан пиёлани ташлаб юборади.) Энажон, мени қўрқитманг. Эна, сизга нима бўлди?

Момо: – (Ҳамон карахт, ҳавода қўл чўзиб турибди) Мен жазоимни олдим, болам.

УЧИНЧИ САҲНА

Ойдин момонинг ҳовлиси. Эшик тақиллаб очилади. Қудрат кириб келади. Келин ва кампир супада гаплашиб ўтиришибди. Қудрат уларга сирли қараб қўяди, сўнг томоқ қириб гап бошлайди:

Қудрат: – Ассалому алайкум, Ойдин момо, яҳшимисиз, дамликинамисиз, димогингиз чоғми, суяқ енгилми, момо. Ассалом, бойбича, сиз ҳам дурустгинамисиз? Олис манзиллардан шамоллаб келдингизми, бойбича? Ўрис оғайниларимиз ҳам тинчмикан?

Куёвтўра-бизнестўра қалай экан, ҳозиргина сизни у ёқлардан келганингизни эшитиб, югуриб келавердим шамолдай бўлиб... Ҳар ҳолда, Қодир бизнес бизга ҳам салом дегандирлар.

Кампир билан келин жимиб қолади. Шабнам ерга қарайди. Ер ёрилсаю ерга кириб кетгудай ҳолатда...

Момо: – (Ўрнидан туришга уринади ва ёстиққа суюниб ўтиради) Бунча чакагинг тинмайди-я, Қудрат! Ҳўш, нега келдинг, менда гапинг борми?

Қудрат: – (Кинояли жилмайиб) Энамиз бизни гапга түқканда, момо!

Момо: – (Бир оз пичинг билан) Энанг Турдихол кампир ҳам гапчи эди.

Қудрат: – (Шабнамнинг кетишини истамай, муддаога ўтади...) Мен кетаман ҳозир. Шабнам бойбича, сиз ҳам тўхтанг! Яхши бўлди, икковингиз ҳам эшитинг. Мен бир иш юзасидан келгандим.

Момо: – (Хушёр тортиб) Нима иш экан у, Қудратбой?

Қудрат: – Келингиз айтмадими?

Шабнам: – Нимани айтаман? (Сўнг довдираб қолади...)

Момо: – (Таажжубланиб) Очикроқ айт, нима демоқчисан.

Қудрат: – (Томоқ қириб) Ойдин момо! Мен эртага анави жойдан девор ураман, сим тортаман.

Шабнам: – Нима?

Момо: – Бу нима деганинг?

Қудрат: – Шу деганим!

Шабнам: – Бекор айтибсиз!

Қудрат: – Ўзингизни билмаганга олманг! Бизнесмен эрингиз айтгандир?

Момо: – Ҳой, эзмаланмай бўлар гапдан гапир!

Қудрат: – (Иккала қўлни бир-бирига қарсилатиб) Гапнинг бўлари шу. Мен томорқангизни ўша муттаҳам ўғлингиздан сотиб олганман! Менинг у ерларда еб-ичганим қолди холос. Эрталабдан-кечгача 5 йил қозоннинг тепасида турганим учун бир тийин ҳам тўламади, номард.

Момо: – Бу томорқа менини, Шабнамни, неварамники... Қодирнинг бунда ҳақи ўйқ.

Қудрат: – (Энди бор овозда бақириб) Момо, нима қиласиз закун сўраб, закунчи экансиз-ку... У номард ўғлингиз томорқангизга қўшиб ҳатто сизни ҳам, неварангизниям, келингизни ҳам аллақаердаги ўрис хотинга сотиб юбориши ҳам мумкин эди.

Момо: – (Бошига муштлаб) Вой болам-а, вой болам! Бу кўргулигинг ҳам бормиди!

Қудрат: – (Қўл силтаб) Бўлди-да энди, бунча дунёни бошингизга кўтарасиз, момо.

Шабнам: – Сизда инсоф борми? Сизда зигирчилик одамгарчилик борми? Қодирнинг ўчини биздан оласизми?

Қудрат: – Тилингизга эрк берманг! Майли, ҳеч бўлмаса 10 сотихини беринглар... Ахир менга пул керак, рўзгорим бор менинг ҳам...

Момо: – (Ўзига келиб...) Қудрат болам, бу жойлар чолимдан қолган, кимсан Шердулло тўқсобо ўз ўғли

Азим Мерганга колдириб кетган... Бу нима дегани болам! Мени тириклайн кўммоқчимисанлар.

Шабнам: – Шу 10 сотих ўрнига пул берсак нима дейсиз?

Қудрат: – (Хайратланиб) Нима, нима? Сизлар пул берасизларми? (Қаҳ-қаҳ отиб кулади...) Егани нони ўйқ, итининг отини маржон қўйибди деган мақол бор.

Шабнам: – (Энди овозини баландлатиб) Эркак ер бўлгач, ҳеч бўлмаса аёл осмон бўлиши керак!

Қудрат: – Ўқиган-да, ўқиган... Ҳемири бўлмаса ҳам гап билан осмонни ағдараман дейди. (Яна қаҳ-қаҳ отиб кулади) Отангни кўрдим Аҳмади Чориқ, энангни кўрдим товони ёриқ, деган гап бор элда. Ё бизнес тўра худо инсоф бериб, белингизни бақувват қилиб жўнатдими?

Шабнам: – (Қудратга ғазабланиб) Бас қилинг, кетинг ўйдан! Пулингизни оласиз...

Қудрат: – (Чираниб қўлни пахса қилиб) Майли, яна келаман! 10 сотихга 10 миллион тайёрлаб қўйинг. Тушундингизми?

Шабнам: – Хавотир олманг, пул бўлади!..

Қудрат: – (Киноя билан) Этик киймасам ҳам этағим ёпиқ демоқчисиз-да... (Кулади).

Момо: – Ҳой бола, қани жўна-чи!

Қудрат: – Сиз арапашманг... (Қўл силтайди. Чиқиб кетади...) Оғир мусиқа чалинади, кампир йиғлайди... Шабнам супа четига омонат ўтириб ўйга толади...)

Момо: – (Хўрсиниб) 10 миллион дейдими?

Шабнам: – (Оҳиста) Ҳа, эна....

Шу пайт саҳнага Шабнамнинг қизи Дилдора кириб келади. Елкасида осма халта (спорт кийимлари бор...) Ялангоёқ. Оқсаб кириб келяпти. Қўлида пойабзали – бир жуфт кида! Оёғи бармоқлари орасидан қон сизган, қонталаш. Зўрга, инграб оёқ босаяпти. Дилдоранинг бу ҳолатини кўриб Шабнам ўрнидан туриб кетади. Кампир ҳамвой-войлаб ўрнидан қўзгалмоқчи бўлади... Шабнам қизи томон юради. Дилдора оқсаб онаси томон келаяпти.

Шабнам: – (Қизи томонга юргургилаб) Сенга нима бўлди, болажоним? Нега оқсаяпсан, қизим?

Дилдора: – (Зўрга) Кида оёғимга сифмаяпти...

Шабнам: – (Қизини қучиб) Вой болам-а... Аввалдан сиқиб юрган бўлса, айтмайсанми, шуни каттарогини олиб берардим-ку.

Дилдора: – (Ётган жойида) Ойи, дўконда кўрдим, қиммат экан.

Момо: – Ҳой болам-а! Сенга шу зорманда пойабзалини олиб беролмасмидик. Шабнам, бор, нариги ўйга кириб тахмондагини олиб кел!

Шабнам ўйга кириб ўралган тугунни олиб чиқади.

Шабнам: – Эна, бу нима?

Момо: – Ўлимликка йиққаним. Ҳаммасини ол!

Шабнам: – Йўқ, эна, мен бу пулни ополмайман... Ахир...



Момо: – (Юзида қатъиятли табассум билан қўлни саҳнага ишора қилиб) Худога шукур, қўни-қўшни, маҳала-кўй бор! Эл-юрт бор! Ўлигим кўчада қолмайди, болам, мени норози қилмайин десанг, шу пулни олиб бугунок қизингга оёқкийим, уст-бош, ўзингга ҳам нима керак бўлса сотиб ол, болам...

Шабнам: – (Йиғлаб кампирнинг қучогига отилади) Энажон. Энажоним. Ҳали кўрасиз, бу кунлар ҳам ўтади эна... Сизни яхши кўраман, энажон...

Момо: – (Сукут сақлаб) Менга қара, кел шу томорқамизнинг 10 сотихини Құдрат мижғовга бериб юборайлик... Бўлмаса Құдратдан күтололмаймиз...

Шабнам: – (Қатъиятли тарзда) Йўқ, энажон, бунинг иложи йўқ! Бир қарич ҳам ерни бермаймиз!

Момо: – Иложимиз йўқ, болам!

Шабнам: – (Яна ўша шаҳд билан) Бор, эна, бор иложимиз... Бу ёғини менга қўйиб беринг.

Момо: – Нима қилмоқчисан?

Шабнам: – Режаларим бор, эна... Гилам тўқиши цехи қураман... Бошқа йўлимиз йўқ... Тадбиркорлик билан шуғулланаман. Ахир бекорга институтда 5 йил ўқимаганман-ку!

Момо: – (Ўйчан) Гилам тўқиши цехи дедингми?

Шабнам: – Ҳа!

Момо: – (Шабнамнинг ёнига келади. Уни саҳна четига, яъни ҳовли адогига олиб келади. Гўёки ҳовли адогидаги омборхонани ишора қилиб кўрсатади) Болам, анаву омборхонанинг ичида нима борлигини биласан-а?

Шабнам: – (Хижолатли ҳолатда) Йўқ, энажон, келин бўлиб тушганимдан бери бир марта очган эдингиз. Аллакандай ашқол-дашқоллар чанг босиб, ис бошиб ётибида.

Момо: – (Кулимсирайди) Тўғри, ашқол-дашқоллар! Улар Тўқсона бобомизга бобосидан қолган ускуналар, болам.

Шабнам: – Улар шунчалик эскими?

Момо: – (Хотиржам) Ҳа, уларни катта бобомиз Чин юртидан, Хитойдан олиб келган, авлоддан-авлодга қолиб келяпти. Аслида мен раҳматли чолим Азим мерган билан ака-уканинг болалари эдик. У замонларда қизларни қариндош-париндош деб ўтируй ўзиникига эрга бериб юбораверишар эди. Хуллас, бу қадимдан қолган ускуна!

Шабнам: – Бу ускуналар нимага керак бўлган, эна?

Момо: – Эй, болам-э! Отамнинг айтишича, бу дастгоҳ етти иқлимини ҳайратта соглан жудаям чиройли матолар тўқир экан. Боболаримиз шунинг орқасидан бой бўлиб кетишган экан. Буёғи Бухоро, бу ёғи Афғонистон, бу ёғи то Хитойга машҳур бўлган чиройли матолар тўқилган... Икки асрки, бу ашқол-дашқоллар авлодимизга ардоқли нарса. Омборхонани бўшатиб, кўчага олиб чиқиб ташлай десам кўзим қиймайди. Боболаримнинг руҳидан қўрқаман.

Шабнам: – (Бир оз ҳаяжонда) Энажон, сиз ускунани ишлатишганини кўрганмисиз?

Момо: – Ҳа, бир марта. Ҳув ҳовли адогидаги сўри ёнига отам раҳматли амаким билан ўрнатиб ишла-

тишган эди. Мен унда 6-7 ёшлар чамасидаги қизалоқ эдим. Сўнг шўродан қўрқиб, яна оғилхонага солиб, сомон остига кўмиб ташлашди.

Шабнам: – Нима учун ?

Момо: – Боболаримиз бой бўлгани учун қулоқ қилиниб Сибирга сургун қилишган эдилар. Отала-римизни катагонда отишди. Эримга ҳам, менга ҳам душманинг боласи деб қарашарди. Ўша замонларда фалончи уйда фабрика очиби деса, шўронинг куни туғарди-да. Обориб қамарди ёки отарди. Фалати оғир замонлар ўтди-да, болам.

Шабнам: – Мана шу ускуналарни олиб ишлатсан майлими, энажон?

Момо: – Қўй, қизим, қўрқаман.

Шабнам: – Қўрқманг, эна! У замонлар ўтиб кетди.

ТЎРТИНЧИ САҲНА

Спорт мактабининг машғулот хоналаридан бири. Машғулот ўтказиш учун спорт анжомлари жойлаштирилган кенг ва ёруғ хона. Шабнам ана шу машғулотхонанинг полини юваб артаяпти. Елим чеълакда сувга пол латтани ботириб пол артаётган онасига Дилдора ёрдамлашяпти. У ҳам хонанинг бир четидаги спорт анжомлари чангни артади, сўнг анжомлар ёнидаги чеълакни ва швабрани олиб хонанинг бир бурчида пол артишга тушади. Шабнам қизга қараб қўяди. Сўнг ишдан тўхтайди, қизига бироз ўқинч, бироз қониқиши билан разм солади. Сидқидилдан берилиб ишлаётган қизга боқкан нигоҳида ўқинч ёшлари қалқади:

Шабнам: – Қўй, болам, уст-бошингни тўғрила. Душга тушиб спорт кийимингни кийиб ол.

Дилдора: – (Ойисига меҳрибонлик билан) Бир ўзингизга иш оғирлик қилмайдими?

Шабнам: – (Мехри иийиб) Айтганимни қил, болам. Ойингга бу ишлар нима бўпти, сен соғ-омон бўлсанг бас, мен ишлаб чарчамайман.

Дилдора: – (Пол латтани ва чеълакни, швабрани четга қўйиб, онаси ёнига келади. Уни қучиб юзидан ўлади) Майли, ойижон, машғулот тугаши билан тезда уйга бораман.

Шабнам: – (Қизини мангалайидан ўпиб) Оёғинг оғриса устозингдан жавоб олиб уйга қайтавер!

Дилдора: – Хавотир олманг, ойижон!

Дилдора чиқиб кетади. Шабнам хона поли-ни артиб-сидиришга тушади. Шу пайт нимадир тарақлаб кетади. Хонага спорт мактабининг директори Йўлдош кириб келади. У халати бари очилиб, тиззаси, бўлиқ сонлари кўриниб турган ҳолатда пол артаётган Шабнамнинг соғлом ва адл қад-қоматига суқланиб қараб туради. Шабнам ўз иши билан андармон бўлиб Йўлдошнинг кириб келганини сезмайди. Йўлдош унга яқинлашади. Яна бир оз Шабнамга маҳлиё бўлиб термулиб туради. Сўнг томоқ қириб ўталаади. Шабнам ёнида қаққайиб турган Йўлдошни туйқус кўриб чўчиб тушади,

ўрнидан туриб кетади, зудлик билан ҳалати ёқаси ва тутмаларини ўтқазади. Ҳалати барини ёпади, уст-бошини тартибга солади. Йўлдошнинг кириб келганидан хижолат чекади.

Йўлдош: – (Гуёки беларво) Ассалому алайкум, ҳорман! Чарчамаяпсизми? Айтмайсиз ҳам, ёрдамлашиб юборардим?

Шабнам: – (Унинг бу мулозаматини самимий деб билган ҳолатда) Раҳмат. Шундоғам менга катта ёрдам бердингиз. Барака топинг, Йўлдош ака, сиз борақанси, иш ҳам топилди.

Йўлдош: – (Энди ғуурланиб, бироз керилиб) Нима деяпсиз, Шабнам! Мен сизга ҳали ҳеч қанақа ёрдам бермадим?

Шабнам: – Раҳмат, шунинг ўзи етади менга.

Йўлдош: – (Қўлларини ёйиб) Йўқ, етмайди... (Бир оз чўзуброқ) Етмайди... Етмайди. Ҳали кўрасиз, яхши бўлади, қизингизни устозлари зўр дейишяпти. Келажаги бор дейишяпти. Шундай экан, қизингизга нима ёрдам бўлса қиласиз.

Шабнам: – Умрингиздан барака топинг.

Йўлдош: – (Талтайиб) Қўйсангиз-чи, яхшилик ерда қолмайди дейдилар, Шабнамхон. Хуллас, яна бир янгилик бор.

Шабнам: – (Ҳайратланиб) Қанақа янгилик?

Йўлдош: – (Кўрсаткич бармогини ҳавога никаф) Қизингиз Дилдорани вилоятга мусобақага юбораяпман. Кеча топшириқ бердим, барча ҳужжатлар, сарф-харажатлар тайёр. Устозлар энди жиддий шуғулланишиади.

Шабнам: – (Шошиб қолиб миннатдорчилигини яширолмай) Раҳмат сизга, Йўлдош ака. Ҳаётда сиздай яхши одамлар бор! Худо хоҳласа бу яхшилигинизни қайтарамиз, биздан қайтмаса Худодан қайтсин!

Йўлдош: – (Кулемисираб) Шабнамхон, менинг вилоятда ҳам яхши танишларим бор. Уларга ҳам тайинлаб кўйдим. Хуллас, қизингиз Дилдора особий назоратда.

Шабнам: – Умрингиздан барака топинг!

Йўлдош: – Хўш, Шабнамхон, вилоятда ишлайдиган ўша танишларимдан бири эртага меҳмонга келапти. Тоққа чиқмоқчимиз, бир дам олиб кепайлик дейди. Хўш... Шунга сизни таклиф этсам, мазза қилиб, тоғ ҳавоси, нима дейсиз?

Шабнам: – (Хушёр тортиб) Мен боролмайман... Уйда ишим кўп.

Йўлдош: – (Энди дадилланиб) Эй, Шабнамхон, иш қачон тамом бўлибди, эртага якшанба-ку! Сиз, мен, ҳалиги меҳмонимиз. Қўрқманг, яна бир аёл ҳам бор. Закомпания-да.

Шабнам: – (Энди уни ниятини фаҳмлаб) Закомпания денг. Яъни улфатчилик.

Йўлдош: – Ўлманг, Шабнамхон, топдингиз.

Шабнам: – (Қатъий) Мен боролмайман.

Йўлдош: – (Энди бироз пастга тушиб, шалеираб) Ахир, Шабнамхон, ёмон бир нарсани ўйламанг, тоғда дам олсак нимаси...

Шабнам: – (Унинг сўзини бўлиб) Мен бундай қилолмайман.

Йўлдош: – (Шабнамга яқин келиб) Ахир ҳали танишим сизга ёрдам беради. Мен унга ваъда бердим.

Шабнам: – (Қаҳр билан жилмайиб) Мени тоққа олиб чиқиб бераман деб ваъда бердингизми?

Йўлдош: – (Энди у ҳам ғазаби тошиб) Ахир у катта одам, мен сизга ёрдам бердим, яна ёрдам бераман.

Шабнам: – (Ағсус билан бош чайқаб) Демак, одамгарчилик орсизлик эвазига қилинибди-да.

Йўлдош: – (Шабнамга сукланниб термулиб, унинг қўлидан ушлайди. Ўзига тортмоқчи бўлади) Шабнам, йўқ дема, жоним. Тўғрисини айтсам, мен сени яхши кўраман.

Шабнам: – (Ундан қутулмоқчи бўлади) Қўйворинг... Қўйвор, қўйвор, ҳайвон.

Йўлдош: – (Уни бағрига олиб,) Шабнам, мен олдиндан сени яхши кўраман, истаган нарсанги муҳайё қиласман, менини бўл, Шабнам.

Шабнам: – (Унинг қўлини тишлаб олади) Йўлдош жон ҳолатда ўтириб қолади. Шабнам хонадаги елим чепакни олиб Йўлдошнинг бошига солади... Шабнам уевос солиб йиғлаб юборади) Ифлос... Мараз! Сен ифлосни Худога солдим, ишинг бошингдан қолсин! Ма, ол, ишинг билан кўшмозор бўл. (У шундай деб ёнидаги шеабра ва пол латтани ҳам Йўлдошга қаратса отиб юборади. Шабнам йиғлаб саҳнадан чиқиб кетади).

САҲНА

Ойдин момонинг ҳовлиси... Шабнам спорт мактабидан афтодаҳол қиёфада ҳовлига кириб келади. Супада ўтирган сўқир қайноаси Ойдин момо жун титаяпти. У кимнидир кириб келганини сезиб жим қолади, қўллари жун титишдан тўхтайди. Шабнам ҳам кампирга эзғин қиёфада қараб жойида тўхтаб қолади. Сўнг овозини чиқармай эзилиб йиғлай бошлайди. Кампир ҳамон Шабнам томонга тош қотиб қараб турибди. Ҳеч нарсани кўрмаяпти.

Момо: – (Оҳиста) Ким у? Ким келди? (Шабнам ҳеч нарса демай, яна йиғлайверади). Кимсан?

Шабнам: – (Ўрнидан туриб йиғлаганини сезидир-масликка уриниб...) Мен... Мен! Мен, эна!

Момо: – (Момо таажжубли оҳанѓа) Шабнам?

Шабнам: – (Кампир томонга оҳиста юриб) Ҳа, энажон, мениман.

Момо: – Нега йиғляяпсан, болам?

Шабнам: – (Кампирга тикилиб қараб қолади...) Сўнг кампирга томон отилиб йиғлаб юборади) Эна, энажон! Чарчаб кетдим, энажон. (У кампирнинг тиззасига бош қўйиб йиғлайди. Ўксиб-ўксиб йиғлайди. Кампир нимадир юз берганини сезиб бошини силайди...) Уни овутмоқчи бўлади...)

Момо: – Ўзингни қўлга ол, болам, ўзингни қўлга ол! Биламан, қийналиб кетдинг, осон эмас, ёлғизсан.

Шабнам: – Банқдан кредит олиш ҳам қийин экан, ҳамма жойда тўсиқ. Қаерга борсанг қўлинингга қарашибади, нимадир кутишади.



Момо: – Хор бўлсанг ҳам хас бўлма, болам! Бизга ҳам Худонинг ёруғ куни бордир, болам! Ҳали бу кунларни кўрмагандай бўлиб кетамиш.

Шабнам: – Шу кунлар келармикан, энажон?

Момо: – Келади! Албатта келади, болам. Фақат сен астойдил ишон. Ишонсанг келади. Нур сояда қолмайди, болам.

Шу маҳал эшикнинг тарақ-туруқ қилиб очи-либ ёпилгани эшитилади. Ҳовлига Дилдора кириб келади. У ҳам йиғлаган. Тушкун алфозда. Ҳорғин қадам ташлайди. Супа томон юради.

Дилдора: – (Эзғин ҳолда) Ассалому алайкум, момкон! Ассалому алайкум, ойижон!

Момо: – (сергак тортиб) Ва алайкум ассалом, эна қизим!

Шабнам: (Қизига ўкиниб узоқ термулиб, базўр) – Нима бўлди? Нега йиғляпсан?

Дилдора: – (Уф тортиб, сўнг кўз ёшини артолмай) Бормасаканман.

Момо: – (Сергак) Қаёққа?

Шабнам: – Вилоятгами?

Дилдора: – (Бош эгиб) ...

Шабнам: – Билардим, болам, шундай бўлишини билардим. Эна, неварангиз вилоят мусобақасига боролмайдиган бўлди.

Момо: – Нима учун?

Дилдора: – Кеча борасан дейишувди. Бугун бормайсан дейишди. Ойи, энди нима бўлади?

Шабнам: (Қизининг ёнига бориб унинг бошидан қучади) Ҳаммаси яхши бўлади. Келаси ҳафтадан бошлаб туман марказида интернатда ўқийсан, ўша ёқда машгулотга қатнашасан!

Саҳна қоронгулашади.

БЕШИНЧИ САҲНА

Ойдин момонинг ҳовлиси. Шабнам у-бу нарса-га уриниб, уй юмушларини бажарайти. Шу маҳал ҳовлига бир йигит кириб келади. Йигит анча ўзига тўқ ва руҳи тетик, яхши кийинган. Бой-бадавлатлиги сезилиб туриди.

Йигит: – (Ачиниши қиёфасида) Опа!

Шабнам: – (Илкистисланиб) Тоҳиржон, Тоҳиржон! Укажоним!

Улар бир-бирига қараб туришади. Шабнам югуриб келиб, укасининг юз- кўзидан ўпади. Укаси уни бағрига олади. Сўнг укаси уни бағридан бўшатиб, бироз норози қиёфада ерга қарайди. У ёқ-бу ёққа аланглайди.

Тоҳиржон: – (Ердан кўз узмайди. Сўнг супада ўз куйича нималарнидир қилиб ўтирган кампирга ачи-ниб қарайди) Мен сизни уйга олиб кетгани келдим... Ҳаммасидан хабарим бор. У барибир қайтмайди. Нима кераги бор ўзингизни алдаб яшашнинг?

Шабнам: – (Укасига меҳр билан тикилиб) Тоҳиржон, биз ҳеч қачон сизлашиб гаплашмаганмиз-ку! Сиз деб гапирсанг бегонага ўхшаб қолаяпсан...

Тоҳиржон: – (Опасига қараб йиғлаб юборади). Қучогини очиб, яна опаси ёнига келиб уни қучади). Опа-опажоним! Юр уйга! Бу ерларда сени қолдириб кетолмайман! Ёлғиз опамсан, ёлғиз укангман!

Шабнам: – (Укаси бағридан чиқиб унинг юзига термулади) – Айтавер дилингдагини, укажон! Сени хору зор ташлаб кетолмайман демоқчи бўлдинг-а?

Тоҳиржон: – Опа! Ҳали ҳам кўзинг очилмадими? Ўша номардни деб умрингни хазон қилдинг-а! Йўқ! Йўқ, мен сизларни олиб кетаман. Жиянимга ҳам ўзим ёрдамлашман. Фирмамга ишга жойлайман. Ахир сен яхши иқтисодчисан, сендан мутахассис менга керак. Ҳамма нарсанг етарли бўлади, опа! Биз билан турмайман дессанг, алоҳида уй олиб бераман.

Шабнам: – Мен ҳеч каерга кетмайман... Ҳеч бўлмаса сен мени тушун, Тоҳиржон!

Тоҳиржон: – Умуман қайсарлигинг қолмабди.

Шабнам: – (Лабларини тишлаб, кўзига ёш олиб) Ука... Дадам... Ойим...

Тоҳиржон: – Опа, улар аллақачон сени кечиришган... Дадам... Дадам... опангни олиб кел дедилар...

Шабнам: – Тоҳиржон, укажоним, ёлғон гапирма! Дадам ҳеч қачон бундай демайдилар. Мен сизлардай бўлолмадим. Бошқа йўлни танладим.

Тоҳиржон: – Сен кўра-била туриб ўзингни ўтга ташладинг. Ановингга ишондинг!

Шабнам: – Мен ўз ҳаётимни ўзим барпо этмоқчи эдим. Ўз оиласмини ўзим тикласам девдим.

Тоҳиржон: – Йўқ. Сен ўз ҳаётингни барпо этмадинг, барбод килдинг, опа.

Шу пайт ҳовли эшиги тарақ- туруқ қилиб очи-либ Қудрат кириб келади.

Қудрат: – Ассалому алайкум, жамоа! Оҳ-ҳов, зўр-ку! (Тоҳирга қараб) Бу дейман ташқарида Жеебб (Жип демоқчи) машинаси турибди. Чатоқсиз, бойбича, чатоқсиз! Хўш, демак (У Тоҳирга разм солиб, уни айланиб ўтади) Хўш, пул тайёрми? Ваъдага вафо деб келавердим...

Тоҳир: – (Ижирганиб Қудратга қарайди... Сўнг опасига қараб) Ким бу? Нима деб валдираяпти?

Қудрат: – (Кинояли жилмайиб) Биз валдирамаймиз.

Шабнам: – (Ерга қараб) Бу ҳалиги қўшнимиз....

Қудрат: – (Киноя билан) Исмимиз Қудрат. Ўзлари ким бўладилар?

Тоҳиржон: – Ишингиз бўлмасин.

Қудрат: – (Бош чайқаб) Ҳай, ҳай, каттажон! Узр. Майли, ишимиз бўлмаса, бўлмабди-да. Бойбичанинг ҳалиги бизнестўра эри томорқасини сотган. Шунинг пулини сўраб кепдим.

Тоҳиржон: – Аблаҳ!

Қудрат: – Ким аблаҳ? Менми ё анави Россиядаги бизнестўрами?

Тоҳиржон: – Икковинг ҳам!



Кудрат: – Ҳой-ҳой, биз бу ерга ҳақорат эшиш учун келмадик. Ҳақимизни талаб қиласайпмиз, ҳақимизни, Жеббингизнинг балонига қурбон бўлай!

Шабнам: – Тоҳиржон, сен аралашма. Майли, ер сизники, сим тортасизми, девор урасизми, хоҳишингиз!

Тоҳиржон: – Сенга қанча пул керак?

Кудрат: – (Жонланиб) Ўн миллион!

Тоҳиржон: – Яхши, юр орқамдан! (Уни эргаштириб чиқиб кетади)

Шу пайтгача гўёки ҳеч нарсани эшитмаган каби супада ўз иши билан андармон бўлиб ўтирган Ойдин момо тилга киради:

Момо: – Болам, уканг келдими?

Шабнам: – Ҳа, эна! Укам келди.

Момо: – Обкетаман деяптими? Яхши бола экан! Бирга кетсанг яхши бўларди, болам... Сен мени деб бунчалар азобланма! Уйингга, ота-онанг олдига қайтсанг яхши бўларди, болам.

Шабнам: – (Оғриниб) Менга бошқа бундай деманг, эна! Ҳеч бўлмаса Сиз азобламанг, эна. (Шабнам саҳна ўртасида ийғлаб юборади...)

Шу маҳал Қудрат югуриб келади-да, Шабнамга таъзим қилиб дейди:

Кудрат: – (Таъзим билан) Қойил, бойбича! Ҳал бўлди. Кўкидан.

Қудрат иргишлаб саҳнадан чиқиб кетади. Саҳнага Тоҳиржон киради. Шабнам ўрнидан туриб укасига ҳолсизланган овозда:

Шабнам: – Раҳмат, укажон! Бир куни қайтараман!

Тоҳиржон: – Қўйсанг-чи, опа! Демак, шу ерда...

Шабнам: – Ҳа, Тоҳиржон! Мен мана шу ерда ўз кунимни кўраман...

Улар бир-бирига термулиб туришади.

Тоҳиржон: – (Оласининг бошини силаб) Сендан хабар олиб турсам майлими?

Шабнам: – (Ийғлаб) Майли, Тоҳиржон, майли.

Тоҳиржон: – Бўпти, келаси ой келаман.

Шабнам: – Раҳмат, укажон.

Тоҳиржон опаси билан хайрлашиб чиқиб кетади. Шабнам саҳна ўртасида елкалари силкиниб ийғлайди. Бир нуқтага тикилиб қолади.

ОЛТИНЧИ САҲНА

Туман ҳокимининг қабулхонаси. Стол-стул. Юмшоқ ўриндиқ, ўриндиқда столга кўксини тираб ўтириб компьютерда нималарнидир ёзаётган сипо ва расмий кийинган, мақсад-муддаоси раҳбарлик шоҳсупаси-ю, унинг ҳавосидан тўйиб баҳраманд бўлиш учун жон-жаҳди билан тирмашган ёш йи-

гитчалардан бири, яъни туман ҳокимининг ёрдамчиси ёнидаги столда қатор териб қўйилган, бири кўйиб бири тинимсиз жиринглаётган беш-олтита телефонга узлуксиз жавоб бераяпти. Ёнидаги кичик столдаги ўша беш-олтита телефон навбатманавбат тинимсиз жиринглайди.

Йигитча: – (Қизил телефон гўшагига) Айтдим-ку, бандлар. Билмадим. Йўқ, мен билмайман. Мувонига учрашиб кўринг.

Яна телефон жиринглайди. Бу галгиси қораси.

Йигитча: – (Қора телефон қўлида.) Ҳа, бандлар. Эртага келинг.

Яна телефон жиринглади: (Бу галгиси сариқ телефон) – Ассалому алайкум, Тўра Ботирович! Ҳозир улайман, Тўра Ботирович! (Ҳоким билан боғлайди) – Алло, Замон Ашрафович сиз билан Тўра Ботирович гаплашмоқчилар, улайми? Хўп бўлади! Алло, Тўра Ботирович, хўжайн алоқадалар, гаплашинг! (Сўнг табассум билан кўлларини бир-бирига ишқаб ўтиради. Яна телефон жиринглайди.)

Йигитча: – (Хўмрайиб) – Йўқлар! Йўқ, ишдамаслар! (Тарақлатиб трубкани кўяди. Телефон яна жиринглайди.)

Йигитча: – (Шартта қора телефонни қўлига олиб) – Алло! Эй сизмисиз? Қаерда юрибсиз? Хўжайн сўрадилар. Шамолдай учиб келинг! (Яна телефон жиринглайди. Бу галгиси қизил телефон) У киши бандлар! Банд, вассалом! Эртага телефон қилиб кўринг!

Сўнг Шабнамга қарайди

Йигитча: – Опа, сизга нима керак?

Шабнам: – (Ўрнидан туриб, бироз ноқулай ҳолатда) Менга... ҳоким керак эдилар.

Йигитча: – (Мийигида кулиб, менсимай) Нима масалада?

Шабнам: – Кредит масаласида!

Йигитча: – (Бепарво) Ундей бўлса, банкка боринг! Кредитни банк ҳал қиласди!

Шабнам: – (Энди ўнғайсизланиб) Тўғри. Лекин...

Йигитча: – Лекин-пекини йўқ. Ҳоким сизни қабул қилолмайди. Бугун қабул куни эмас. Сизнинг масалангиз бевосита ҳокимга таалуқли эмас. Тегишли идораларда ечилади.

Шабнам: – Тегишли идораларда ҳал қилиб беришмаганликлари учун ҳам бу ерга келдим.

Йигитча: – Кутишингизга тўғри келади.

Шабнам: – Бир кун ҳам, бир соат ҳам кутолмайман. Шароит шуни тақозо этаяпти.

Шу вақт кабинет эшиги очилиб, қабулхонага Замон Ашрафович кириб келади.

Шабнам: – (Шошиб) – Ассалому алайкум, Замон Ашрафович! Мен сизнинг қабулингизга келгандим. Мен Шабнам Мардоноваман. Касбим иқтисодчи. Биз-



нен режаларим бор эди. Ярим йилдан буён бу масалани тегишли идораларда ҳал қилиб беришмаяпти. Илтимос, мана шуларни бир кўриб чиқсангиз. Менга ёрдам берсангиз.

Замон Ашрафович: – Қани, менга беринг-чи. Биласизми, Шабнам, мен ҳам иқтисодчиман. Бугун кечкурун тадбиркорликни ривожлантириш масаласи бўйича йигилишимиз бор эди. Сиз ҳам келинг. Шу ерда фикрлашамиз.

Шабнам: – Раҳмат сизга, Замон Ашрафович!

Замон Ашрафович: – Сизга раҳмат, Шабнам! Режалар тузиб, қишлоқ шароитини яхшилаб, туман иқтисодига ҳисса кўшаман деб турибсиз. Бунинг учун сиздан миннатдор бўлиш керак. Бугун кечкурун йигилишда кўришамиз.

ЕТТИНЧИ САҲНА

Туман ҳокими қабулхонаси ёки шунга ўхшаш хона. Ҳоким банкир, молиячи, ўз ўринбосари билан мажлис ўтказаяпти. Шабнам ҳам шу ерда.

Замон Ашрафович: – (туман ҳокими ўринбосарига қараб) Сиз Мардонова Шабнамнинг иш режасидан хабардормисиз?

Ҳоким ўринбосари: – Йўқ.

Замон Ашрафович: – (Банкирга қараб киноя билан) Бироқ манави жаноб хабардор. Олти ойдан бери бўлажак тадбиркор бу кишининг идорасига қатнайвериб, умидини узиб бўлган. Шундайми?

Банкир: – Мен... Мен... Ҳалиги

Замон Ашрафович: – Довдирманг, қачонгача кўриб чиқасизлар? Мамлакатимизга тўсиқ бўлаётган сансоларликка чек кўйилаётган бир пайтда тадбиркор мурожаатини кўриб чиқиш шунчалик қийинми? Одамда инсоф бўлиши керак. Ишни эплай олмасангиз топширинг. Одамларни сарсон қилиш, уларга нисбатан хиёнат, керак бўлса жиноят. Шуни биласизми? Қани, Мардонова, бизнес режангиз билан бизларни таниширинг.

Шабнам: – Замон Ашрафович! Спорт мактаби ёнидаги жарликка кўзингиз тушгандир... Қишлоқдошларимиз кузда ириб-чириб ётган сабзавотларни тонналаб ана шу жарликка олиб бориб тўкишади. Чунки Худога шукур, бизда мўл-кўлчилик. Маҳсулот кўп бўлгач, туман миқёсидаги бозорда уни сотишнинг иложи йўқ. Шундай жанннати еримизнинг маҳсулотларини исроф қилсак, уволи тутмасмикан. Ахир шу маҳсулотларни қайта ишлайдиган завод қуриш мумкин-ку! Бундан ташқари боғларимиздан чиқаётган меваларимиз ҳам шу аҳволда.

Замон Ашрафович: – Давом этинг, хўш ...

Шабнам: – Қишлоқ адогида “Оқтепа” деган тепалик бор. Атрофи поёнсиз узумзор... Тепалик сатҳи 2-3 гектар келади. Тайёр жой, ана шу тепалик сатҳини бир оз текисласак кифоя! Боғдан чиқадиган узумларни йиғиб ёйиб чиқсан, таппа-тайёр офтоби майиз! Ҳаттоқи, тепалик ёнида майиз қадоқлаш цехи қуриб кўйсан ҳам бўлади. Бекор ётган жойдан унумли фойдалансанк яхши-ку...

Замон Ашрафович: – Демак сиз полиз маҳсулотларини ва мева-чеваларни қайта ишлаб консервация қиладиган кичик завод қуришни таклиф қиласиз, шундайми?

Шабнам: – Ҳа.

Замон Ашрафович: – Яхши, Шабнам, яхши, қани, давом этинг.

Шабнам: – Қишлоқ адогида узунлиги 30 метр, эни 15 метр келадиган омборхона нураб, тўқилиб ётиди. Бир пайтлар минерал ўғитлар сақланадиган омборхона бўлган. Ана шу омборхонани таъмирлатиб, мато тўқиши цехига айлантирасак дегандим. Тўқидиган ускуналарни ўрнатиб чиқамиз. Мен ҳисоблаб чиқдим. Омборхона ичидаги бемалол 5 та ускуна жойлашади. Бу ускуналар деярли ҳамма хонадонда бор. Уни кўлда ясасак ҳам бўлади. Демак, 30-35 нафар хотин-қиз доимий иш билан таъминланади. Мато учун керак бўладиган хомашё, ипакни маҳаллий шароитда етиштирса бўлади. Қадим момоларимиздан қолган бу матоларнинг хорижда ҳам бозори чаққон.

Замон Ашрафович: – Хўш, гапингиз тугадими? Сизлар нима дейсизлар?

Ҳоким ўринбосари: – (туттилиб банкирнинг ёнини олмоқчи бўлади) Замон Ашрафович! Шабнамхоннинг бизнес режасига кўра винзаводни реконструкция қилиш керак. Бунинг учун катта маблағ керак бўлади. Қолаверса, вин завод яхшигина даромад келтириб туриби.

Шабнам: – Замон Ашрафович! Мени бу режаларни тузишдан мақсадим, одамларни иш билан таъминлаш. Қанчадан-қанча иқтидорли юртдошларимиз ўз Ватанини ташлаб бошқа юртларга иш қидириб кетмоқда. Агар режаларим амалга ошса, уларни шу ерда иш билан таъминлаган бўламиз. Завод келтиридиган фойда ҳам яхши бўлади.

Замон Ашрафович: – (Шабнамга қаратса) Шабнам, сизга албатта ёрдам берамиш. Демак, маблағ тошиш керак. Ўрол Сафарович, тушундингизми?

Ҳоким муовини: – Режага киритиб иш бошлаймиз.

Замон Ашрафович: – Табриклайман сизни, Шабнам, ишни бошлаймиз. Бир ҳафтадан кейин менга ҳисобот берасизлар.

САККИЗИНЧИ САҲНА

Россия. Москва. Иринанинг оғиси. Ўзига хос анжомлар билан тузатилган оғис.

Ирина: – Қодир, сенга топшириқ бор! Ҳозир Славик билет олиб келади. Тошкентта учасан. Аэропорта сени Вадим билан ҳалиги ўзбек ҳамкоримиз кутиб олишади, биз олишимиз керак бўлган заводни қўлдан чиқиб кетиш хавфи борга ўхшаб қолди.

Қодир: – Ҳаммаси яхши бўлади. Завод қўлдан чиқмайди.

Ирина: – Кўрамиз... Сен заводнинг қаерда жойлашганидан ҳам хабаринг йўқ. Ҳамкорларимизни ҳам билмайсан. Кўзинг кўр, кулогинг кар! Яна ҳаммаси яхши бўлади дейсан...



Қодир: – Ҳечқиси йўқ. Ўзбекистонга боргач билиб оларман.

Ирина: – Гапнинг қисқаси, ўша ҳудуд маъмурияти ўзгариб, янги раҳбарлар келибди. Шерикларимизнинг думини тугишибди. Демак, ўзбеклар билан қилинадиган иқтисодий алоқаларга қонун аралашмоқда. Қонун арашдими, даромаднинг чўғи пасаяди. Тушундингми?

Қодир: – Тушундим.

Ирина: – Тушунган бўлсанг яхши... Мана бу заводнинг манзили. Мана бу қилиниши керак бўлган ишлар режаси. Танишиб чиқ. Нега жимсан? Борасанми?

Қодир: – Бораман, албатта бораман.

Ирина: – Фақат ақл билан иш тут. Бу дейман, ўзбеклар ҳам бизнес, тадбиркорликнинг сирини билб олибдиларми? Ўша заводни бир ўзбек аёли олиб ишплатмоқчи эмиш. Тасавур қил, ўзбек аёли завод эгаси. Бизнесмен!

Қодир: – Бунинг нимаси кулгили?

Ирина: – Ўша аёлни нима қилиб бўлса ҳам кўнглини олиш керак. Йўлини топ! Вадимга айт. Қурумсоқлик қилмасин. У аёл мен таклиф қилган пулни эшитса, рози бўлади. Бўпти. Омадингни берсин. Тўхта! Яна бир гапим бор!

Қодир: – Нима дейсан?

Ирина: – Тўғрисини айт, ичингдагини яширма. Барибири кўзларинг айтиб турибди.

Қодир: – Нимани?

Ирина: – Сен ўзгариб қолгансан... Анавинг келиб кетгандан бери ўзгаргансан.

Қодир: – Гапинг шумиди?

Ирина: – Хотининг келиб, бир бало қилиб кетди сени. Сезиб турибман, мендан ... кўнглинг совиган.

Қодир: – Қўйсанг-чи шу гапларингни.

Ирина: – Мен сени яхши кўраман, Қодир. Ана вилар шаҳарнинг қоқ марказида ўзбекча миллий ресторан очиш учун тўллаган пулларингни тортиб олиб, ўзингни чалажон қилиб ташлаб кетганида ҳам, бир ярим йил касалхонада даволаниб ётганингда ҳам, хотининг эмас, мана мен турганман ёнингда.

Қодир: – Ўша ярамаслар мени синдиришмаганида, аллақачон бизнесим юришиб кетарди! Мени даволаганинг уларнинг кўлидан қутқариб қолганинг учун, мана беш йилдирки, сендан бир чақа ҳам сўрамадим. Ҳатто уйимга ҳам бир тийин жўнатмадим.

Ирина: – Ҳа, мендан ҳеч нарса сўрамадинг. Сен гўёки ўз ҳаётинг учун менга бож тўладинг. Чунки сен... жудаям мағурсан. Қодир, мана шунинг учун ҳам сени яхши кўраман.

Қодир: – Мен ҳам сени яхши кўраман, Ирина. Қилган яхшиликларинг эвазигагина эмас, мендек синиб бўлган одамнинг кўнглига нур бера олганинг учун ҳам яхши кўраман.

Ирина: – Мен сенга ишонаман, Қодир! Агар анави завод муаммосини ҳал қиласанг, ҳаммаси бошқача бўлади. Сенга ресторанимни бераман. Ўзинг юргизасан... Бизнесни мендан кам тушунмайсан... Жуда катта даромадга эга бўласан... Кейин оилангга ҳам яхши бўлади. Шунча йил тортган азобларингга чек қўйилади.

Қодир: – Хавотир олма, қолган гапни қайтиб келганимда гаплашамиз.

Ирина: – Қодир, кўнглим сезиб турибди. Сен энди... Қайтиб келмасанг керак...

Қодир: – Қўйсанг-чи, нега ундаи дейсан?

Ирина: – Билмадим, билмадим. Сенга қаттиқ боғланаби қолганман. Қайтиб келмасанг... мен нима қилман?

Қодир: – Ҳаммаси яхши бўлади.

Қодир Иринани қучади. Улар бир зум бир-бирига термулиб туришади.

ТЎҚҚИЗИНЧИ САҲНА

Ойдин момонингховлиси. Яна ўша манзара. Ойдин момо супада ўтирибди. Нимадир тақиллайди. Ойдин момо ҳушёр тортиб қараб қолади. Атрофа синчилкаб қулоқ тутади. Саҳнага худди ўғри каби Қодир кириб келади. У онасининг ўзи томон қараб турганини кўриб, жойида тўхтаб қолади. Кампир сўниқ нигоҳлари билан у томонга қараб турибди.

Ойдин момо: – Ҳой ким кепди? Ҳовлида ким бор? (Қодир тўхтаб турган жойида тахта бўлиб қотиб қолади) – Ким у? (Қодир турган жойида онасининг кўр бўлиб қолганини сезади. Ортига бир-икки қадам тисланади)

Шу пайт ҳовли эшиги томонидан нимадир тарақлайди. Кимнингдир жаҳл билан бақиргани эшитилади. “Туш олдимга, қани юр, сендай боланинг боридан йўғи яхши, номард!” Қодир шошиб қолади ва ҳовлидаги сават ортига бекиниб олади. Саҳнага кўлида таёқ, ўғли Қудратни олдига солиб Чори бобо кириб келади. Бобо ўғлига таёқ ўқталади.

Чори бобо: – (Ўдағайлаб) Юр! Тез-тез юр! Сендей нокас ўғилнинг боридан йўғинг яхши.

Қудрат: – (Бироз тисланаб) Ота, кўйинг, ота! Айтдим-ку, керак эмас деб! Мана! (Қўлидағи тугун халтани супага қаратма отади. Бу Шабнамдан олиб кетилган елим халтадаги пул) Ота, энди қутулдимми?

Чори бобо: – (Ғазабланиб, супада ўтириб нима бўлаётганини англаб-англамаган Ойдин момога боши билан ишора қилиб) – Момондан кечирим сўра, бола! Сўра кечирим.

Ойдин момо: – (Аланглаб) Нима гап? Нима бўлди. Чори бобо, сизми? Тинчлики?

Чори бобо: – (Ўқиниб) Тинчлик бўлса шу ерга келармидим. Қариганимда манави бўйнинг узилгур шарманда қилиб ўтирибди-да, Ойдин момо! Нимасини айттай. (Бобо супага ўтиради. Қудрат ҳовли ўртасида сўллайиб, ерга қараб турибди... Бобо энди ўғлига қаратма) Нега қоқкан қозиқдайсан! Тили забонинг танглайнингга ёпишмаган бўлса, момондан кечирим сўра! Ҳой, Қудрат, нега гарангсийсан?

Ойдин момо: – (Нима гаплигини англаб) Қўйинг, Чори бово, уришманг? Қудратингизда айб йўқ, айб менда... Менинг боламда. Қудрат нима қилсан? Бизниям ахволимизни танг қилган менинг болам, описларда саргардон болам айбдор.



Құдрат: – (Тутылиб) Мени кечириң, момо! Тавба құлдим, момо! Пулингиз ҳам, ерингиз ҳам керакмас, момо! (Күзига ҳам ёш олади...) Фақат қарғаманг, оғринманг, момо, тавба құлдим! Ўша кундан бери ҳаловатимиз йүк. Кенжә болам ўрнидан туролмай қолди. Ёш болакайнинг алаҳсигани ёмон бўларкан! Иositmasi тушмаяпти, момо! Қарғиш боламни уриб кетмасин, момо!

Чори бобо: – (Уф тортиб) Ойдин момо, бу гўр-сўхтани кечириң, момо! Харом-хариш билан ҳалолнинг фарқига бормай қолишган булар...

Ойдин момо: – (Кўлини силтаб) Ҳай-ҳай, Чори бово! Унда деманг! Мен ҳеч кимни қарғамадим. Қарғамайман ҳам. Менинг ўзимни Худо қарғаб, Худо уриб қўйибди. Йўқса тойдай тосирлаган болам ит изгимайдиган ерларда элдан чиқиб, дину диёнатдан чиқиб гулдай хотинини ташлаб, ғунчадай қизини хору зор қилиб санқиб, сандироқлаб юармиди, Чори бово! Мени бирони мұхокама қилиш, бирони қарғашга ҳолим борми, Чори бово! Қарғасам мен ўзимни қарғайман, Чори бобо...

Чори бобо: – (Ўйчан...) Унда деманг, Ойдин момо, унда деманг!

Құдрат: – (Супадаги пул солинган елимхалтани олиб Ойдин момонинг ёнига қўяди) Мана, моможон! Кечириң, мени шайтон йўлдан урди, момо!

Ойдин момо: – (Синчковлик билан) Құдрат, Сен ҳам менинг боламни, Қодирни қарғама, Құдрат! (Құдрат чопнинг ёнига ўтиради)

Чори бобо: – (Ойдин момога ачиниб қараб) Ҳей, Ойдин момо, Ойдин момо! Ёшлигимизда не бир азоб-уқубатларни кўрмадик-а? Бир бурда зофора нон учун ишлардик – ўрни ўриб, қирни қираардик.

Ойдин момо: – Нимасини айтасиз!

Чори бобо: – Бугун, шу дейман одамлар орасида оқибат кўтарилаётими дейман! Эсингиздами, эналаримиз болалигимизда хирмон бошига етаклаб борарди. Оталаримиз урушда, биз оч. Шундай пайтда раисимиз эл оқсоқоли Ориф бово, жойи жаннатда бўлсин, охирати обод бўлиб, гўри нурга тўлсин, хуллас, шу Ориф раҳматли энамга, қишлоқ аёлларига айтаркан, шу ўзларинг ҳам, болаларинг ҳам хирмонга оёқларингга нисбатан икки-уч размер катта калиш кийиб келинглар, болаларинг ўзларингнинг калишларингни кийисин деркан... Сабаби катта калиш билан хирмон ораласанг, калиш ичига дон кириб қоларкан... Ўйга қайтишаётганда бирор текшириб ўтираскан... Ўша калишларда қолган донни кечқурун эналаримиз уйда дастурхонга тўкиб, бола-бақрага курмоч қилиб бераркан. Ҳеей, не-не замонлар ўтди-да. Худога шукр, бугун қаранг, тинч-хотиржамлик, тўкин- сочинлик... Фақат осонни ости, енгилнинг устидан ўтмай ишлаш керак. Кўнглингизга келмасину, мана шу томорқангиз ҳам (Құдрат шу пайт безовталаниб отасига қарайди...) Бемалол уч-тўрт рўзгорнинг қозонини қайнатади.

Ойдин момо: – Шунга куяман-да... Ўйнгда имконинг бўп туриб, аллақаерларда изғиганинг нимаси?

Чори бобо: – (Құдратга қараб) Биздикиям шу! Аллақаерларга йўртгани йўртган.

Құдрат: – (Норози оҳангда) Ота... Ота!

Ойдин момо: – Ҳа, энди боладан ёлчимасак қийин экан... Элдан чиқиб қоларкансан!

Чори бобо: – Гапингизда жон бор! Элнинг дуоси яхши-да! Эл суйганинн Худойим ҳам қўллади. Гап келди, айтай, ўшандай оғир қаҳатчиликларда элдан дуо олган раҳматли Ориф раиснинг икки дунёси обод бўлди. Болалари тагли-тугли. Бир ўғлини бутун мамлакат таниди. Қаҳрамон бўлди. Ўзбекистон Қаҳрамони! Кўпнинг дуоси кўл деб шуни айтадилар-да...

Ойдин момо: – Гап сотиб ўтирганимни қаранг! Чори бобо, кўзим шутиб қолди... Қани, дастурхонга қаранглар...

Чори бобо: – (Хижолатли ҳолатда) Дардини берган Худойим шифосини ҳам беради. Энди биз қайтсан! (Құдратга қараб) Энди, бу, адашган болани кечирдингизми?

Ойдин момо: – Кечирдим. Кечирмай ўлдимми?

Құдрат: – Раҳмат, момо, раҳмат.

Чори бобо: – (Дуога қўл очиб) Омин, Оллоҳни ўзи асрасин. Қодир болангиз ҳам эсон-омон келиб, Сизни бағрига олсин, суянч бўлсин! Оллоҳу Акбар.

Ойдин момо: – (Фотиха ўқиб) Айтганинг келсин!

Саҳнага юигиргилаб Шабнам кириб келади. Хурсанд-хушчақақ... Кампирни бориб қучади...

Шабнам: – (Хөвлиқиб) – Эна, энажон! Жоним энам!

Кампир: – (Ҳайрон ҳолатда) Ҳа... Нима бўлди. Нима бўлди, қизим.

Шабнам: – Эна, энажон! Энажоним, зўр иш бўлди. Кредит олдим. Завод ўзимизда қоладиган бўлди. Кейин ҳалиги тўкув дастгоҳини ҳам ишлатамиз. Қишлоқ аёллари ишли бўлади, эна! Заводга ёшларни жалб этамиз. Энажон, ҳали кўрасиз, кўзингизни ҳам даволатаман. Яхши дўхтирларга олиб бориб кўрсатаман, эна!

Момо: – (Шабнамни эркалаб) Айланай, она қизим, барака топ. Менинг сендан, набирам Дилдорамдан бошқа суянчиғим қолмаган. Шулар эл-юрт корига яраса бас... Ҳой қизим (Шабнамга қаратса) Неварамдан хабар борми?

Шабнам: – Набирангиз Тошкентда. Мусобақага қатнашайти. Энажон, кечириң, сизга айтмагандим. Хавотирланасиз деб ўйлагандим, эна. Бутун қишлоқ кузатиб туриби, эна. Худо хоҳласа ҳаммаси яхши бўлади, энажон!.

ҮНИНЧИ САҲНА

Тун маҳали. Қоронғилик. Супада Шабнам телевизор кўриб ўтириби. Телевизорда спорт ўйинларидан лавҳа берилаяпти. Ҳовли эшиги тақилайди.

Шабнам: – Ким у? Ким?

Ташқаридаги овоз: – (Құдратнинг овози) Менман, бойбича, эшикни очинг!

Шабнам: – Алламаҳалда нима қиласайпсиз? Яна нима керак сизга?



Кудратнинг овози: – Очинг-е, бойбича, очинг, гап бор!

(Эшик баттар тақиллайди. Шабнам супа томонга қараб кампир уйғониб қолмасин деб хавотирланиб қарайди.)

Шабнам: – Ҳозир.

Кудрат: – Асс... Асс... Ассалом, бойбича!

Шабнам: – Тинчликми, нега бунча пишнайсиз?

Кудрат: – Пишнайманми, кишнайманми, сизга зўр янгилик бор ... Ташқарига юринг.

Шабнам: – Қайга борамиз? Ҳозир телевизор кўриб ўтирибман. Бир оздан сўнг мусобақани кўрсатишади.

Кудрат: – Мусобақадан кўра зўр янгилик бор.

Ноилож қолган Шабнам унга эргашади. Улар Кудратнинг ҳовлисига ўтишади. Нураган девор.

Кудрат: – Ана, кечадан бери сомонхонада ўтириди. Икки кўзи ҳовлингизга қадалган. Охири, Шабнамни чақириб келинг, деди.

Шабнам нураган деворга суюниб турган қора шарпага қарайди. Ўша ёққа юради. Кейин бирдан тўхтаб қолади. Ортига тисланади. Оғир мусиқа. Ҳалиги шарпа ҳам ўрнидан туради.

Шабнам: – (Оҳиста) Келдингизми, Қодир ака!..

Қодир: – (Шабнамга қараб юриб) Шабнам! Шабнам!.. Мени кечир... Мен номардни кечир... Менинг юзим йўқ, юзим йўқ, Шабнам! Энамнинг кўзини кўр, қизимни етим қилган, сени хўрлаган дайдиман, Шабнам.

Шабнам: – (Йиглаб) Қодир ака, ундаи деманг! Мен Сизни қайтишингизни билардим. Сиз ўзингизни ўзингиз айбладингиз, ўзингизни ўзингиз кечирмадингиз. Лекин мен Сизни билардим...

Қодир: – (Ўқинч билан Шабнамга қараб туради. Саҳна нимқоронғусида икки шарпа бир-бирига қараб турибди) – Шабнам, мен ўзимни кечиролмайман! Мен энди ҳеч кимга керакмасман, Шабнам! Ҳа, ҳатто Сенга ҳам! Қизимизга ҳам! Онамга ҳам! Ҳа, ҳатто ўзимга ўзим керакмасман. Мен ҳаётни бой бердим.

Шабнам: – (Унга яқинлашиб) Йўқ... Йўқ! Сиз яна ўзингизга ўзингиз ҳукм ўқияпсиз. Сиз, Сиз менга, оиласизга кераксиз, Қодир ака! Мен ҳаммасини тушуман, Қодир ака! Сизнинг ниятингиз, мақсадингиз яхши эди, бироқ, мақсадга борар йўлда адашдингиз. Буни тузатса бўлади. Мен Сизни соғинганман, Қодир ака... (Ерга тиззалаб чўкиб ўтириб олади... Увос тутубиб йиглайди. Қодир ҳам келиб унинг қаршисида тиззалаб ўтириб олади ва улар шу ҳолатда бир-бираини кучишиади.)

Қодир: – (Титраб) Мени кечирдингми, Шабнам?

Шабнам: – (Титраб) – Ундаи деманг, Қодир ака! Ундаи деманг. Сиз яхши одамсиз, Қодир ака!

Қодир: – (Ўқинч ва ҳаяжонли ҳолда) Сен менинг зимиштон дунёмни ёритдинг, Шабнам!

Шабнам: – (Эркаланиб) Бу дунёда ҳар бир одамнинг қуёши бўладими?

Қодир: – (Уни қучиб) Ҳа... Ҳар бир одамнинг ўз қуёши бор! Менинг қуёшим Сен! Менинг қуёшим уйғонди, Шабнам! Уни Сен уйғотдинг.

Мусиқа янграйди. Шу пайт саҳнага шаталоқ отиб, шайтонлаган ҳолда, қўлларини ҳавога силкитиб, бақириб-чақириб Қудрат кириб келади. Шабнам билан Қодир ўрнидан туриб, ҳайрат билан бир-бирига суюниб турешади.

Кудрат: – (Бақириб хурсанд ва ҳушчақчақ ҳолда) Оҳ-ҳо-ҳай! Чемпион бўлдик! Яшасин... Қойил... Чемпион бўлди. Қизларинг... Сизнинг қизингиз Дилдора чемпион бўлди!.. Нега қоқкан қозиқдай турибсизлар! Дилдора чемпион бўлди... Ана, телевизорни кўринглар! Яшасин Дилдора!..

Қодир билан Шабнам кутилмаган бу хабардан жойида бир лаҳза серрайиб турешади-да, мажолисизланиб деворга суюниб ўтириб қолишиади.

Шабнам: – Дадаси, қизингиз чемпион бўлди!... Энди армоним йўқ, Қодир ака! Худога шукур, ўзингиз бизга эгалик қилинг, қизингизга, онангизга, оиласизга эга бўлинг, Қодир ака!..

Кудрат яна ҳушчақчақ ҳолда саҳнадан чиқиб кетади. Улар яна серрайиб, бир-бирига қараб турешади. Шу маҳал юргурганча саҳнага Қудрат Ойдин момо билан кириб келишиади.

Момо: – (Қоқиниб-суриниб) Болам!.. Келдингми, болам!..

Қодир: – Энажон.. Мени кечиринг, эна...

Қодир сўқир энасининг кўксига бош қўйиб йиглайди.

ҮН БИРИНЧИ САҲНА

Ясаниб кийиниб олган Шабнам, Қодир, Ойдин момо, Кудрат, Чори боболар янги қурилган дастгоҳ олдида туршишибди. Ҳамманинг кайфияти кўтаринки. Ҳамма қарсак чалади.

Чори бобо: – Қойилман, қизим, барака топ! Анави ипак ўрамини чапдаги ғалтакка боғласанг яхши бўлади, дастгоҳнинг ўқини озроқ пастга туширинглар. Ана шундай. Биринчи йўлдан қизил ипни қўйинглар. Ҳа, яшавор!

Шабнам: – (Завқланиб) Бу дейман, дастгоҳни ишлатиши ҳалиям ёдингизда экан-да, Чори бобо!

Чори бобо: – Раҳматли бобомнинг олдида пилдираб юрардим-да. Ўшанда олти-етти ёшли бола эдим. Қаранг, барибир ёдимда қолиби.

Шу маҳал саҳнага уст-бошига спорт кийими кийиб олган Дилдора кириб келади. У югуриб келиб онасининг бўйнидан қучиб олади. Она йиглаб қизини бағрига олади.

Дилдора: – (Ҳаяжонда) – Ойижон! Сизни соғиндим, ойижон



Шабнам: – (Кўз ёш тўкиб) Мен ҳам! Табриклийман қизим!

Дилдора: – Раҳмат, ойижон! (Яна онасининг бўйнига осилади)

Шу пайт Дилдора чопиб бориб кампирни ҳам кучади

Дилдора: – Моможон, жоним момом! Сизни яхши кўраман, момо!

Момо: – (Дилдоранинг юз-кўзларидан тинимсиз ўпib) – Болажоним, Дилдора болам! Келдингми? Келдингми, болам!

Шу пайт саҳнадаги Қодир ўнғайсизланади, ўз ҳаяжонини яширолмайди. Қўзига ёш келиб, қизи томон юради. Қизи ҳам отаси томон қараб тош қотиб туради. Сўнг бор овозда чинқириб юборади.

Дилдора: – Отажоним! Отажоооним! (Дилдора югуриб бориб ўзини отасининг бағрига отади. Орага жимлик чўқади. Замон ҳам бир оз сукут сақлади. Сўнг.)

Замон Ашрафович: – (Бағрини очиб) Қодиржон, қўйворинг! Қизимни мен ҳам қутлай! (Отаси бағридан базўр бўшаган Дилдорани бағрига босади.) Табриклийман, Дилдора! (Сўнг саҳнага қаратма) Хўш, ҳаммаси тайёрми? Бошлаймизми? Қани, эна, битта дуо килинг!

Ойдин момо: – Умрларингдан барака топинглар! Ризқи насибаларинг мўл бўлсин. Бошлаган ишларингни роҳатини кўринглар. Бу тўқув дастгоҳи менинг отабоболаримдан қолган. Вақти-соати келиб, неча йилдан бери ёруғлик кутиб ётган дастгоҳлар ишлай бошласа, ажлодлар руҳи ҳам шод бўлади.

Замон Ашрафович: – (Қатъият ва ишонч билан завқланиб) Раҳмат, Шабнамхон! Раҳмат, ҳаммангизга ташаккур! Эзгулик йўлида қўйилган қадам барибир хайрли бўлади! Ўзингиз кўриб турибисиз! Тўғри йўл туашган манзил чароғон бўлади! Оддий, ўзбекона, содда ва соғ фалсафанинг нечоғлик ҳаётйлигига сизлар, бутун қишлоқ, туман аҳли гувоҳ бўлиб туриби.

Халқимизда бир асл гап бор: “Бирники мингга, мингники туманга” деган. Бу гап бежиз айтилмаганига бугун гувоҳсизлар. Ҳаётдаги исботини кўриб турибиз.

Шу ёруғ ният, шу ёруғ ўй билан озод Ватанимиз равнақи, халқимиз фаровонлигига хизмат қиласпиз.

Ватан! Ватан аслида мана шу ердан, ҳа, мана шу ўй, мана шу остоңадан бошланади. Халқнинг жипслиги, халқнинг аҳиллиги эса мана сиз каби содда ва самимий инсонларнинг ҳамкорлиги, бир ёқадан бош чиқариб эзгу мақсад йўлида бирдам ва бардам бирлашишидан бошланади.

Шундай экан, шу Ватан эртаси йўлида қилинган ҳар бир ишнинг ўзи бугунги кунда чин маънодаги қаҳрамонликдир. Ватан боғида бир туп кўчкат эккан инсон тўғри маънода қаҳрамондир. Ватаннинг мустаҳкам иморати учун сидқидилдан бир ғишт қўйган инсон ҳам қаҳрамондир. Барча буюк ишлар ана шундай қаҳрамонликлар эвазига амалга ошади. Эзгуликнинг эса катта-кичиғи, эрта-кечи бўлмайди!

Бизга ҳеч ким ҳеч қачон ташқаридан келиб, биз хоҳлаганимизчалик ҳеч нарсани яратиб, бунёд этиб бермайди. Биз нимага эришсак ўз кучимиз билан эришамиз. Ақл-идрокимиз, ўз меҳнатимиз эвазига эришамиз. Чунки Ватан биз билан! Биз ўз уйимизни обод қилсак, демак Ватанимизни обод қилган бўламиз.

Юртимизда тадбиркорликка кенг йўл берилганлиги эса, улкан тарихий бунёдкорлик ва тараққиётга ҳар биримизнинг дахлдор эканлигимизни кўрсатади. Улуғ соҳибқирион бобомизнинг бир гапи бор: “Азми қатъий, тадбиркор, хушёр, мард ва шижаотли бир киши мингта тадбирсиз ва лоқайд кишидан афзалдир”.

Шундай ҳақиқатни англаған ҳар бир кишининг юрагида Юртбошимизнинг “Биз ҳеч кимдан кам эмасмиз. Биз ҳеч кимдан кам бўлмаймиз!” деган қатъиятли, ўтли даъватлари акс-садо бериб туради.

Раҳмат, Шабнамхон! Ҳаммангизга ташаккур! Бугун сизлар бунёдкор халқнинг бунёдкор вакиллари сифатида ўзингизни намоён қилдингиз! Раҳмат!

Тамом.





Бахтиёр ТЕМУР

Оташ қоғаримга соғинč бўлди ёр

* * *

Гулюзим, гулгун юзим, сенга гул уздим ўзим,
Шул экан иқрори ишқ даста гул чўздим ўзим.

Севги бу осмон экан, вулқон экан, тўфон экан,
Бу ишқ уммонаида шодланиб суздим ўзим.

Васлига етмоқ учун изладим минг битта йўл,
Гофилу ошиқларин баридан ўздим ўзим.

Энг ширин тушилар мисол қолсин висоли тасвири,
Кетгали ёр куймадим завқини чўздим ўзим.

Дўстларо, айб этмангиз олдадур сидқ фурсати,
Бу маҳал улфатчилик аҳдини буздим ўзим.


СОҒИНЧ

Дилимда уйғонди кўхна ғамларим,
Кечди юрагимда олтин дамларим.

Оташ чоғларимга соғинч бўлди ёр,
Қайтмас лаҳзаларда бор аламларим.

Нечун наволарга солди ўйлари,
Шуъла сочди ичда ўчган шаъмларим.

Ёдга тушиар дўстим содда, камтарин,
Дилрабо ҳажридан нақд ситамларим.



Роҳи норавонда йўқотдим, ҳайҳот,
Бежавоб бўлди-ё меҳр, қарамларим.

Йўқлик юҳо экан, борлиқ чаманзор,
Умр ҳикматлиги бўлди англарим.

“Етар, кетгум” демоқ на мушкул, Раббим,
Бир замон тўлмади кангул, камларим.

Бахтиёр, не тутдинг шитоб дунёда,
Сатру сўзда бори ииғиб – жамларим.

* * *

Сиз қоғоздан ясалган одам,
Қалтирайди елкаларингиз.
Йўқ, суяниб бўлмайди ҳеч ҳам –
Сиз қоғоздан ясалган одам...

Сиз ёлғондан ясалган одам,
Ҳақ устида туролмас ҳар он.
Ростлик завқин билолмас гирён,
Сиз ёлғондан ясалган одам...

Сув устига қаср қургансиз,
Сув парига ошиқ бўлсангиз.
Ошиқ бўлиб нима қилсангиз?..
Сиз хаёлдан ясалган одам...



Қундузхон ҲУСАНБОЕВА,
педагогика фанлари доктори

КЎНГИЛДАН СИЗГАН САТРЛАР

Ўзбекистон халқ шоири Ҳалима Худойбердиева қаламига мансуб “Мен сени топгандим...” шеъри мазмун-моҳияти билан кўнгил битиги ҳисобланади. Унда баланд орзулар дунёсида кезган ёш бир қалбнинг изтироблари самимий тасвирланган.

Бу асарнинг қаҳрамонини барча шеърларга “эгалик” қилувчи қиёфасиз “лирик қаҳрамон” дейиш, менимча, ўринли эмас. У ҳеч кимга ўхшамаган, ўз қалби ва ўзгача туйғулар соҳиби. Шунинг учун шеър қаҳрамонини оддийгина қилиб Қиз деб аташ мумкин. Унда, аввало, Қизнинг ёшлиқда билиб-билмай қилиб кўйган хатоларидан чеккан изтироби, бунинг устига шу хатолар туфайли иккинчи бир қалбнинг бесабабдан-бесабаб жабрланганини ҳис қила туриб кўнглидан кечачётган руҳий қийноқлари тасвирланган. Мазкур битикдаги ҳар бир мисра рост. Бор-йўғи уч банддан иборат бу шеърнинг ҳар бир сатридан кўнгил дардининг зардobi сизиб турибди.

Бу шеърга, менимча, адабиёттанувдаги назарий ўлчовлардан кўра руҳият мезонлари билан ёндашиш маъкулроқ бўлади. Чунки қаҳрамон руҳиятидан тў-килган туйғулар кўнгил кишиси бўлган шеърхонни мувозанатдан чиқаради, қалбини жунбушга келтиради. Бундай безовта вазиятда шеърхон ҳам самимий бўлади.

Ўрни келганда шуни ҳам айтиб ўтиш жоизdir, бу шеърасосида яратилган Ҳилола Ҳамидова ижросидаги қўшиқ сўзнинг таъсир кучини янада оширган. Маълумки, шеърни ҳамма ҳам ўқийвермайди. Айримлар ўқиса ҳам моҳиятига киравермайди. Шеър қўшиқка айланганда, хусусан, сўз билан куй бир-бирига монанд келиб, ҳар иккиси кўнгилдаги туйғулар билан ҳамоҳанг бўлгандা, сўзнинг таъсир курдати янада ортади. Баъзи қўшиқлар бор, мусиқаси ёқимсизлигидан таниш шеърнинг, гўзал сўзнинг таъсир кучи ҳам йўқолиб кетади. Ҳ. Худойбердиеванинг мазкур шеърига куй ёзган бастакор сўзни шунчалар нозик ҳис қилган, унга монанд куйни кўнгли билан топганки, қўшиқ самимий ижроси

билан тингловчига ҳузур бағишлиайди. Унинг асаб томирларини бўшаштириб, маънавий озуқа беради.

Шеърнинг биринчи мисрасидаёқ қаҳрамоннинг романтик туйғулар соҳиби эканлигини кўриш мумкин:

Мен сени топгандим, аммо яхши қол,
Сен: “Яхши қол!” – дегил, “Кўришгунча” мас.
Бул қуёш ҳали кўп ол бўладир, ол,
Бул ой ҳам умримга кўп қиладир қасд.

Мисрадаги “**топгандим**” сўзи шундан далолат беради. Инсон “топдим” деган сўзни қидирган, истаган ёки орзу қилган нарсасига эришганда кўллади. Демак, Қиз Жабрланувчи тимсолида ўзининг орзусидаги илк муҳаббатини, унинг ишқида телбавор Мажнунни топдим деб ўйлаган. Шу мисранинг ўзидаёқ “**аммо**” сўзининг келтирилиши унинг адашганлигини, муҳаббат борасида биринчи хатога йўл кўйганлигини кўрсатади. Тийиксиз туйғулар етовида юрган, хаёлан оқ отлик шаҳзодани кутган бўй қиз ўз наздида истаклари, баландпарвоз орзуларига эришган эди, лекин у висолдан кутилган натижани – баҳтдан мастлик лаззатини түёлмади. Орзулари сароб бўлиб чиққанини тезда пайқади.

Албатта, шеърда кўнгилдаги муҳаббатнинг топилиши билан унинг сароб эканлигини англаш ва бу муҳаббатдан воз кечунгача бўлган оралиқдаги ҳаёт мashaқатлари, “**яхши қол**” деган қарорга келгунгача руҳиятда рўй берган кураш ҳамда бу жараёндаги қийноқлар ҳақида ҳеч сўз дейилмайди. Орадаги бутун бошли ҳаёт “**топгандим**” ва “**аммо**” сўзлари ҳамда улар орасидаги тиниш белгига жойлаштирилгандек тасаввур пайдо бўлади кишида: “Мен сени топгандим, аммо яхши қол”. Буни руҳи безовта шеърхон ўзи англаб олади.

Кўринадики, Қиз жуда катта журъят эгаси. Одатда аёллар итоаткор, тақдир етовига бўйсунувчан яратиқ бўлади. Аёл табиатан орқасида суюнчиғи бўлишига мойил. Шоиранинг қаҳрамони эса исёнкор. У тақдирга

қарши чиқа олган, узул-кесил қарорни қабул қилишга ўзида куч топа билган аёл. Бунга ҳамма аёл ҳам қодир эмас. Қиз эртага ҳаётида нималар бўлишини, келажакка да уни қандай синовлар кутаётганини билмайди, лекин муҳаббатсиз яшашни, айбиз бир одамни алдашни истамайди. Қолаверса, нега шундай қилаётганини асослаб ҳам ўтирумайди. Унинг асоси шеърхонга бутун матн мутолааси давомида аён бўлади.

Шеърнинг иккинчи бандида ғамга ботган «айбдор» ўз ёғига ўзи қовурилаётгани тасвирланган:

Сен шерик бўлмайсан энди ғамимга,
Дарвоқе, ҳеч қачон шерик қилмадим.
Хайр энди, маъзур тут ортиқ-камимга,
Мен сени Лайлидай сева олмадим.

Қиз дард-изтиробларини ҳеч ким билан бўлишолмайди, жабрдийда йигит билан-ку, инчунун. Чунки у билан авваллари ҳам ҳеч нарсани ўртоқлашмаган, на ғамига, на шодлигига уни шерик қилган. Боиси – улар бошқа-бошқа дунёнинг одамлари. Қиз жабрдийда йигитни камситмайди, лекин йигит уни ҳеч қачон тушунмаслигини ҳам яхши билади. Йигитдан ёзғирмайди ҳам. Бу йигитнинг ҳам айби эмас. Балки мана шу ҳақиқат Қизнинг дардини енгиллаштирас?! Виждони олдида ўзини оқлашга асос бўлар?! Буларнинг ҳаммасини англаб етган, фақат кечроқ тушунган Қиз ошиғига бор вазиятни тушунтиришга ҳаракат қиларкан, ҳамма-ҳаммаси учун уни кечиришини сўрайди: “...маъзур тут ортиқ-камимга”.

Ҳаммасига ақли етиб турган Қиз қандай қилип ошиғини Лайлидек сева олсин? Маъшуғини Лайлидек севиш – ошиқ учун ўзликдан кечиш-ку! Шеърда жабрланувчининг ўзи, унинг табиати ҳақида ҳеч нарса дейилмаган. Лекин Қизнинг назарида у Лайлидек севишга муносиб эмас, туйғулари жўш урган, орзулар қанотида учibur юрган қиз истаган одам эмас. Шундан келиб чиқиб жабрланувчи йигитнинг табиатини тахмин қилиш мумкин. Агар у туйғулар кишиси бўлганида шоиранинг қаҳрамони: уни “Лайлидай сев”иб қолиши табиий ҳам эди ва “Лайлидай сева олма”гани учун ҳижопат чекмаган бўларди. Қолаверса, севиш ёки севмаслик инсоннинг ихтиёрида эмас. Севиш – кўнгилнинг иши. Уни одам ақли билан бошқаролмайди. Агар муҳаббат ишига ақл аралашса, у муҳаббат эмас, манфаатга айланади. Демакки, бу туйғу рост бўлмайди. Шеърнинг қаҳрамони – Қиз эса ёлғонларга қодир эмас. Ўзини ҳам, ўзгани ҳам алдагиси йўқ. Шунинг учун ўзида мардона кетишга журъат топа олган. У тақдирга тан бериб, борига шукур қилиб, кўнишиб яшайверадиганлардан эмас. У бошқача яшашга буюрилган одам. Шу боис ошиғидан

чинакамига рози-ризолик тиламоқда, абадул-абад видолашмоқда: “Хайр энди...”.

Шеърнинг учинчи бандида асар қаҳрамонининг жабрланувчига ачинаётгани яққол сезилади:

Ўртманма бул хато мушкулларидан,
Ё раббий, лаҳзада бор орзулар пуч.
Мен ҳам қайдан билай ишқ ўўлларида –
Мажнун эмас, Сенга келаримни дуч...

Мазкур вазият – ҳар икки қаҳрамон тушиб қолган ҳолат хато. Бу хатода, балки ҳар икки тарафнинг ҳам айби бордир. Балки улар иккаласи ҳам бир-бирини севмас. Фақат тақдирларида шу кўргилик борлиги учун қовушишгандир. Тўғри, бир хато ортидан кишининг бошига олам-олам ташвишлар ёғилиши мумкин. Улар кишини ҳам жисман, ҳам маънан қийнайди. Айниқса, фикр кишиси кўпроқ кийналади. Демак, шеърнинг иккинчи қаҳрамони ҳам маълум даражада фикр кишиси, буни қиз билади. Шунинг учун уни қийналмасликка даъват қилмоқда. Ўртамасликнинг, албатта, иложи йўқ. Маънан соғлом одам тақдиридаги, ҳаётидаги муаммолардан, айниқса, бу каби номутаносиблиқдан, ўйламай босиб кўйилган қадамлардан фикрга толмаслиги мумкин эмас, албатта. “Ё раббий, лаҳзада бор орзулар пуч” мисраси мазкур вазиятдан Қиз ҳам, шоира ҳам ларзага тушаётганини кўрсатади. Бу мисрадаги “лаҳза” сўзида “аммо яхши қол” деган видолашув иборасининг айтилгунигача бўлган оралиқ назарда тутилган. Бу сўзни айтган Қизнинг ўзини ҳам бирданнига кўркув босган. Лекин айтилган гап, отилган ўқ – ҳаммаси тамом бўлди.

Банднинг сўнгги икки мисрасида шеър қаҳрамонининг орзузи билан бирга армонлари ҳам ўз аксими топган. У “ишқ ўўлларида” Мажнунни учратишини, ўз Мажнунига дуч келишни истаган, Лайлидек севилишни, севишини орзу қилганди. Тақдирларида бундай бурилиш бўлгани учун, албатта Қиз айбдор эмас, лекин инсофли бир одам сифатида у ўзини гуноҳкор ҳис қиляпти. “Мен ҳам қайдан билай ишқ ўўлларида – Мажнун эмас, Сенга келаримни дуч...”. Бу Қизга бир умрлик армон бўлиши ҳам мумкин. Ким билади, энди умрининг қолган қисмида у ўз Мажнунини балки топар, балки топмас. Балки шу баҳтдир-у, қаҳрамонимиз бунинг қадрига етмай, унинг баҳт эканлигини билмай қўя қолар?! Буни келажак кўрсатади. Инсон олдида нималар борлигини, ҳаётда уни нималар кутиб турганини билмайди.

Хуллас, шоира бу шеърида ўз фикри ва қарашига эга бўлган кўнгил кишисининг чин туйғуларини унинг ўзидек ҳис қилган ва самимий ифодалай билган. Бунга ўқувчисини ҳам ишонтира олган.





Мәҳмонимиз – Навоий вилояти ижодкорлари

Азиз журналхонлар! Мустақиллигимизнинг 20 йиллик байрами арафасида турли гўшаларда адабий гурунглар, мушоиралар, нуфузли учрашувлар ўтказилмоқда. Байрам муносабати билан вилоятларнинг ўзига хос адабий даврасини ташкил этяпмиз. Дастробабки наебат – Навоий вилоятига!

Сиз ушбу саҳифаларда Навоийда туғилиб ижод қилаётган, миллий адабий муҳитда танилиб қолган ёхуд энди қўлига ҳаваскорлик қаламини тутган ёшлар ижоди билан танишасиз.

Улар Сизда бир хил таассурот уйғотмаслиги табиий, албатта. Аммо фикр айтишига, ижтимоий фаол бўлишга интилиш бор, баъзан адабий шаклларда ўзгариш қилишга интилувчилар учрайди. Марҳамат, Навоий вилояти ижодкорлари хузурингизда.

Таҳририят.

Давр билан ҳамнафас

XXI аср интеллектуал салоҳият, тафаккур ва маънавият асри сифатида инсоният олдида янги-янги уфқлар очиш билан бирга, биз илгари кўрмаган, дуч келмаган кескин муаммоларни ҳам келтириб чиқармоқда. Бугун ёзувчининг башарият эртасини ўйлаб, одамларни эзгуликка, инсоф-диёнат, меҳр-оқибат ва бағрикенглигка даъват этишга қаратилган ҳароратли сўзи ҳар қачонидан ҳам мухим аҳамият касб этмоқда.

Мамлакатимиз раҳбарининг “Адабиётга эътибор – маънавиятга, келажакка эътибор” деб номланган жиддий мушоҳадаларга ундовчи, теран фикр-мулоҳазаларларга бой рисоласини ҳаммамиз ўқидик.

“Миллат адабиёти – миллий мафкурадан озиқ олади”. Шу маънода, Президентимизнинг бу рисоласида миллий мафкура бобида амалга оширилиши зарур бўлган кенг кўламли ишлар ҳақида сўз кетади.

Президентимизнинг фикр-мулоҳазалари буғунги ўзбек адабиётининг ютуқ ва камчилклари рўй-рост айтилгани, амалга оширилиши зарур бўлган қатор масалалар юзасидан тегишли тавсия ва кўрсатмалар берилгани, бинобарин давримизнинг бадиий солномаси бўлгугулик етук асарлар яратиш талабини адиблар олдига кўйишга ҳақли эканимиз ўқтирилгани билан ҳам қимматлидир.

“Адабиёт, сўз санъати азалдан ҳалқ қалбининг ифодачиси, ҳақиқат ва адолат жарчиси бўлиб келади” дейди муаллиф. Тарихни бадиий тасвирлаш борасида анча асарлар яратилгани, бироқ замонавий қаҳрамон образини яратиш борасида ҳануз жиддий

асарлар йўқлигини, мустақиллик йилларида асосан шеърият ривожланганини таъкидлайди. Ва “Агар биз Ўзбекистонимизни дунёга тараннум этмоқчи бўлсак, унинг қадимиј тарихи ва ёруғ келажагини улуғламоқчи, уни автолодлар хотирасида боқий сақламоқчи бўлсак, авваламбор буюк ёзувчиларни, буюк шоирларни, буюк ижодкорларни тарбиялашимиз керак. Нега деганда, улуғ адаби Чўлпон айтганидек, адабиёт яшаса – миллат яшайди”.

Ҳақиқатан ҳам ота-боболаримизнинг кечмишлари, минг йиллардан ортиқ тарихимизнинг бугунгача етиб келгани, аввало адабиёт туфайлидир.

“Адабиётга эътибор – маънавиятга, келажакка эътибор” рисоласининг ҳар бир саҳифасида теран кузатиш ва хulosалар, дадил таклифлар бор. Бугун юртимиз адабиётчилари, ижодкорлари улкан кулайликларни кўлга киритишид. Вилоятимиз раҳбарлари ҳар бир “йилт” этган истеъдодни этибордан соқит қилаётгани йўқ. Улар қаноти остида бугун кўплаб ёш йигит-қизлар қалам тебратмоқда. Бизнинг Навоий вилоятимизда ҳам адабиёт учун мисқолча ҳисса қўшиш ниятида бўлган юзлаб ижод ахли фаолият кўрсатади. Биз улар ижодидан айримларини “Ёшлик” журнали мухлислари эътиборига ҳавола этишга жазм қилдик.

Азамат ЗАРИПОВ,
Республика Маънавият тарғибот маркази
Навоий вилояти бўлими раҳбари.



Ашурали ЖҮРАЕВ



ТИНЧЛИК ДАРАХТИ

Публицистик эссе

**Тинчлигинг – ҳурлигинг.
Халқ мақоли**

Инсон ва тинчлик сўзи ҳаво билан сувдек эгизак. Чунки инсон ҳамиша тинчликка ташна бўлиб, ҳар куни тинчликни соғиниб яшайди, мудом тинчлик осмонидан нафас олишга интилади. Ҳар тонг тинчлик билан уйғонишни истайди. У қўёшга талпингандай тинчликка талпинади. Тинчликни ота-онасидай, фарзандидай, жигаргўшасидай яхши кўради. Тинчлик инсоннинг жони-жаҳонидир, борлиги ва ҳаётидир. Шу боис у ҳамиша тинчликка таъзим қилишни муқаддас бурчи, деб билади. Тинчлик пойига бош эгади. Тинчликни бошига тож қилади. Тинчликни жонига жойлайди.

Шоир ёзганидек:

*Ер оҳиста кезар экан самода,
Тинчлик деган зўр неъматга бош эгдим...*

– Бешикда ётган гўдакларнинг осмондай тиниқ кўзларида, беғубор ва пок табассумида нима акс этган?

– Тинчлик!

– Оналарнинг алласида, ҳар кунги илтижосида, оталарнинг энг ёрқин орзу-тилакларида нима мужасам?

– Тинчлик!

– Боболарнинг дуосида, момоларнинг ўланида айтиладиган биринчи калом қандай сўз?

– Тинчлик!

Тоғнинг улкан чўққисида турган бургутга ҳам, полапонларига тумшуғида сув олиб учайтган қалдирғочга ҳам тинчлик керак. Сувдаги балиқ ҳам тинчлик истайди. Ям-яшил майсалар, ниҳоллар, дараҳтларга ҳам тинчлик бағрида ўсади. Табиат эса тинчлик билан барҳаёт, тинчлик туфайли гуллаб яшнайди. Тинчлик билан барқарор. Табиат тинчлик билан умрбоқийдир.

Табиатнинг борлиги ва борлиги тинчликдан.
Табиатнинг боқийлиги ва баҳори тинчликдан.
Ер шари ҳар лаҳза нафас олар тинчликдан.
Табиатнинг ҳар шоми-ю ҳар наҳори тинчликдан.

Эй одамзот, сен тинч-тотув яшашни истасанг, уни дараҳтлардан ўрган. Тинчлик қандай бебаҳо қудратли кучлигини билмоқчи бўлсанг, тоғларга боқ. Тинчлик умримизни безаб турсин десанг, дарёю денгизлардан ибрат ол! Тинчлик ҳаётимнинг мазмунига айлансан десанг, болаларнинг беғубор кўшиғига жўр бўлгин!

Афсус ва надоматлар бўлсинким, одамнинг душманиям, кушандасиям одам боласи экан. Тинчликнинг бунёдкори ҳам, бузғунчиси ҳам одам экан. Бири тинчликни қанчалар асраб-авайлласа ва тинчлик учун курашса, бошқа бири уруш оловини ёқишига шунчалар ўч бўларкан. Бири тушларида тинчликни кўриб қувонса, бири урушни кўриб севинаркан. Бири тинчлик билан фахрланса, бошқаси уруш кўзғаб ғурурланаркан. Бири тинчликсевар, деган ном қозонса, яна бири урушда давлат этади, уруш оловини ёқиши учун зимдан гугурт тайёрлайди.

Инсон ва тинчлик, инсон ва уруш мавзулари минг-минг йиллик тарих саҳифалари узра ҳамон баҳс қилади, ҳануз мунозара юритади. Бу икки қарамакарши тўлқин тинимсиз курашда:

Тинчлик – жон дейди, уруш эса қон.

Тинчлик – ҳаёт дейди, уруш эса қурбон.

Тинчлик – меҳнат дейди, уруш эса кулфат,

Тинчлик – обод дейди, уруш дейди, вайрон.

Она замин ҳар қандай катта-кичик урушлардан чарчади, бениҳоя толиқди. Бирор-бир гўшада ўқ овози эшитилса, ернинг бағри титрайди. Портлашлардан тупроқларга титроқ киради. Ҳатто бомбалардан тоғу



тошлар ларзага келади. Құдратли денгизлар ҳам уруш овозидан чўчийди, дарё тўлқинлари озор чекади.

Энг даҳшатлиси, тарих урушлардан зада бўлиб кетди, урушлардан зериқди тарих саҳифалари. Бу ҳасратли саҳифалар нолаларга, чексиз фарёдларга, дарду аламларга тўлиб кетди, уруш дастидан. Одам нега уруш қилади, нега урушларни ўйлаб топади, нега уруш учун замин ҳозирлайди? Наҳотки, одам боласи дунёга фақат уруш қилиш, қон тўкиш ва вайрон қилиш учун келса? Тарих ҳали-ҳануз ушбу саволларга жавоб топа олгани йўқ.

*Беҳуда тўқилган қоннинг ниドосида
тинчлик оҳ уради.
Бегуноҳ узилган жоннинг ниДосида
тинчлик оҳ уради.
Урушдан ким фойда кўрди, эй жоҳил бандा!
Бесабр сохта шоннинг ниДосида
тинчлик оҳ уради.*

* * *

Бугун урушлардан аффончалик жафо чекаётган ҳалқни топиш қийин. Болалар уруш майдонларида туғилиб, уруш оловлари ичра улғайиб, уруш билан ҳаётлари барҳам топмоқда, келажаги уруш туфайли барбод бўлмоқда. Бир нафас бўлсин бу заминда урушнинг ажал тегирмони тўхтагани йўқ.

*Афғон тупроғи ҳануз тинчликни қўмсаб яшайди.
Афғон тупроғи ҳамон осойишталикни
истаб яшайди.
Бу қадим юрт урушлардан зада бўлиб кетди-ку!
Афғон тупроғи Яратгандан тинчлик
сўраб яшайди.*

Уруш болалаган бу юртнинг тупроғидан уруш ҳиди келади, тош бўлаклари урилганда уруш чинқириғи эшитилади, куйган дараҳтларнинг илдизларидан уруш тутуни бурқсийди, майсалар ўқ овозидан титрайди. Шўрлик чумолининг бели лаънати бомбалардан яғир бўлиб кетди...

Юртбошимиз қайта-қайта таъкидлаганидек, Аффонистон масаласини фақат тинчлик йўли билан ҳал этиш мумкин.

* * *

Агар бешик тепасига қарға келиб қўнса, у қағиллаб, бешикда ётган гўдакнинг тинчлигини албатта бузади. Агар уйга бехосдан илон кириб қолса, тамом, уйдагилар тинчлигини йўқотадилар. Агар қишлоққа бўри ораласа, фақат одамларнинг эмас, балки ҳайвонларнинг ҳам тинчлиги бузилиши тайин. Агар Ватанга душман кўз олайтиrsa, юрт тинчлиги хавф остида қолади. Агар душман ўзингдан чиқса, тинчликнинг ҳоли танг бўлади. Бундай хавфли душмандан Яратганинг Ўзи асрасин ва Ўзи унинг жазосини берсин!

Ҳар бир даврнинг, замоннинг ўз кушандаси бўлганидек, бугунги тинч ва осойишта дунёнинг хатарли болоси – терроризм номини олди. Терроризм оғатлар ва кулфатлар занжирига айланди, энг даҳшатли ва хатарли урушларнинг ўғоги бўлиб қолди. XX аср –

тариҳда атом асри, дея қайд этилган бўлса, XXI асрнинг бошланиши аллақачон терроризм тамғаси билан муҳрланаётир. Камиқадзелар асрига айланашётir. Терроризм – диний экстремистик гуруҳнинг уруш ўғоги ва ашаддий қуроли сифатида кенг қанот ёзаётir. Улар бу қурол билан тинч диёрларни бузишга, тинч шахарларни вайрон қилишга, осойишта юракларга ғулгула солишга таҳдид қилаётir. Сокин мухитларни, тинч гўшаларни бузашётir.

*Даҳшатларнинг энг даҳшати – терроризм,
Ёвзликнинг энг ёвзи – терроризм.
Жаҳолат, ваҳшийлик мужассам унда,
Оғатларнинг энг оғати – терроризм.*

Жаҳолат илдиз отган вужудда тинчлик қабутари ин куролмайди. Лекин жаҳолат қанчалар даҳшат солмасин, барибири тинчлик шиддатини тўхтатолмайди, тинчликнинг йўлига ғов бўлмайди, тинчлик тўлқинини кесолмайди. Тинчлик шамолини тўсишнинг асло иложи йўқ. Тинчлик темирдан ҳам мустаҳкам, пўлатдан ҳам қаттиқ, тошдан ҳам қувватли.

Мустақиллигимизнинг энг олий неъматларидан бири – бу, шубҳасиз, тинчлик ва яна тинчлик. Тинчлик барқарорлашиб, мустаҳкамланиб боргани сари, айрим ҳаётий масалалар ўз-ўзидан ечилиб, жамиятда учрайдиган айрим камчиликлар барҳам топиб, муаммолар ҳал бўлаётir. Президентимиз ҳар бир маъруза ва нутқларида ҳалқимиз ва юртимиз тинч, осмонимиз мусаффо бўлсин, деб қайта-қайта таъкидлайдилар ва буни Яратгандан илтижо қилиб сўрайдилар.

*Тинчлик бор экан, миллат юксалаверади,
Тинчлик бор экан, юрт обод бўлаверади.
Тинчлик бор экан, бало-қазо йўламайди,
Тинчлик бор экан, ҳурлик асло ҳатар билмайди.*

Мамлакатимизда бўлаётган улкан ўзгаришлар, юқсан тараққиёт замирида тинчлик ётибди. Энг қадимий обидаларнинг қайта тикланиши ёки таъмирланиши тинчлик туфайли амалга ошяпти. Шаҳарлар, қишлоқлар ободлиги тинчликдандир. Маҳаллалар чиройи тинчлик оҳанглари билан йўғрилган. Ба бу обод, кўркам ва чиройли гўшаларда яшаш, ўқиш, ишлаш тинчлик билан ўйғунлашиб кетган. Қурилаётган равон йўллар, улкан иморатлар, гўзал боғлар, кўркам мактаблар, замонавий коллежлар, ҳашаматли кўприклар тинчликка хизмат қиляпти. Кўчаларда одамлар бир-бирларининг эмас, гўё тинчликнинг қўлларидан ушлаб юргандай эркин кезадилар, тинчлик билан қадам ташлайдилар, тинчлик осмонидан нафас оладилар.

*Сўзлардаги ҳароратда тинчлик бор.
Кўзлардаги жасоратда тинчлик бор.
Тинчлик учун фидойилик бурчимиз,
Қалблардаги нафосатда тинчлик бор.*

Далаларда тинчлик шамоли эсади. Бу шамол мўл-кўл ҳосил хирмонларини ҳадя этади. Дехқоннинг, боғбоннинг ва чўпоннинг ҳам асосий нияти – тинчлик. Ўзбекистонда тинчликнинг ҳамиша барқарор

ва мустаҳкам бўлишидан фақат ўзбекистонликлар эмас, балки бу тинчликдан қўшни давлатлар ҳам манфаатдордирлар. Тинчлик қўшниларнинг бир-бирига меҳрини оширади, дўстлик ришталарини мустаҳкамлайди. Улар ўртасида фаравонлик, бағрикенглик яратади.

Ўзбекистон давлат сиёсатининг ўзагини тинчлик ташкил этишини дунё аҳли кўриб-билиб турибди. Ўзбекистон Раҳбари дунёнинг энг нуфузли минбарларидан туриб, тинчлик ҳақида барадла сўзлаётир, ҳар қандай муаммони фақат тинчлик йўли билан ҳал этишга қайта-қайта даъват этади. Ҳақиқатан ҳам тинчликсевар Президентимиз танлаган йўл бу – тинчлик йўлидир!

Навоий вилоятида бўлган фаоллар учрашувида кўпни кўрган бир отахон шундай деди: “Яхши биламизки, бозордаги, дўконлардаги маҳсулотларнинг, буюмларнинг нархи аниқ кўрсатилган. Қани ким айтади: тинчликнинг баҳоси қанча? Бир кунлик, бир ойлик ёки бир йиллик тинчликнинг нархи қанча туради? Ким айтади? Умуман, тинчликнинг баҳоси борми?!.”

Олтиннинг баҳоси бор, нефтнинг баҳоси бор ва яна қанча-қанча бойликларнинг баҳолари белгили. Лекин ҳақиқатан ҳам тинчликнинг баҳоси борми? Баҳолаш лозим бўлганда унинг нархи қанчага белгиланарди? Буни Оллоҳдан бошқаси билмайди...

Тинчлик бебаҳо неъмат! Тинчлик – фарзандини бағрига маҳкам босиб олган она каби заминни кучиб турган қудратли куч. Тинчлик ою қўёш каби ерни турли бало-қазолар, тасодифий урушлардан асррабайлашга интилаётган яна бир сайёрадир.

Юртбошимиз ўзининг “Юксак маънавият – енгилмас куч” китобида ёзганидек: “Бежиз эмаски, юртимиздаги қайси хонадонга кирсанг, қандай йигин ёки маърака бўлмасин, фотиҳага қўл очилганда, ёшу қари, эркагу аёл – барчамиз Яратгандан тинчлик ва осоийшталикни сўраб дуо қиласиз”. Бунда катта ҳикмат бор.

Чунки:

*Ўғлим инишо ёзар тинчлик ҳақида,
Қизим дафтарига тинчлик сўзини битар.
Номингдан айланай, сенинг, эй, тинчлик,
Набирам тинчлик кабутарини чизар.*

Айниқса, кабутарнинг маржондай тиниқ кўзларини меҳр билан, завқ билан чизади.

Ҳар куни Оллоҳдан тинчлик сўраймиз. Сўнг қуёшдан тинчлик сўраймиз. Ойдан-да, юлдуздан-да мудом тинчлик бўлишини илтико қиласиз. Тинчлик дарахти ҳамиша, ҳар доим кўзларни яшнатиб, дилларни яирашиб, гуллаб-яшнаб туришини истаймиз.

АЗИЗ ДЎСТИМ, СЕН ТИНЧЛИК ДАРАХТИНИ АВВАЛО, ўЗ ҚАЛБИНГА ЭК, ҲАЁТИНГГА ЭК! Сўнг ҳовлингга, маҳалла ва қишлоғингга эк. Кейин бу муқаддас дарахтни Ватанинг бағрига эккин. Унинг мустаҳкам илдизлари, улкан шоҳлари, ям-яшил барглари дунёни тутсин, тинчликсеварлар қалбини, бир-бирига занжирдай боғласин. БУ ДАРАХТ ТИНЧЛИКНИНГ ҲАҚИҚИЙ ТИМСОЛИГА АЙЛАНСИН.

Тинчлик дарахти!

Сен худа-бехудага бу дарахтга тегма, озор берма, бўлар-бўлмасга унинг шоҳларини синдирма, баргларини сарғайтирма, бехуда тўкма. Уни ҳамиша онангни, фарзандингни, Ватанингни асрагандай асра.

Мангу гуллаб турсин – тинчлик дарахти.

Мангу мева берсин – тинчлик дарахти.

Бу дарахтни асрашдан асло эринмайлик.

Мангу боқий бўлсин тинчлик дарахти!

Дарахт кўркам боғларга айлансин, тинчликзорга айлансин!

Мен тинчликни яхши кўраман ва унга ҳамиша таъзимдаман. Сен ҳам тинчликка талпин, тинчликка таъзим қил! Токи ер юзини тутсин, ер юзи бўйлаб янграсин тинчлик руҳи, тинчлик садоси, тинчлик овози!





Бахридин САДРИДДИНОВ

Ният ~ қүшиғи, ниятиға айлан!..



* * *


Ўзбекистон – улуг Юрт,
Толеи қуёшга тенг,
Ҳар тонг нурин кўзга сурт –
Бўлгин ёқа, бўлгин енг!

Тиён шону Оролнинг
Боққил этаклариға,
Ўлани бўл,
Бўл достони,
Киргин эртаклариға.

Ҳурлиқ ранги қоришган –
Қишилоқлари Чамбидир, Осмонга қад
керишган –
Шаҳарлар Сусамбидир.

Ўзбекистон – улуг Юрт,
Осмонлар қизғонарлар.
Қаламингдан чиқса ўт –
Маънингдан уйғонарлар!

Бўлгин дарё – шодлан, тоши,
Кўклами бўл бу Юртнинг.
Ёмғири бўл, бағринг оч –
Гулга бурка бу Юртни.



Айлансиң қароқларинг –
Она жон, деб сўйлагин.
Истиқлол – қизғалдогинг –
Бошга қўйиб куйлагин!

Ўзбекистон – улуг Юрт,
Толеи шеърдек суюк.
Дардинг бўлса тўқунут –
Сувратига боқиб тик...

Дунё, дея бонг урсанг
“Ўзбек”, деб садо келгай,
Тарихин агар сўрсанг –
Тошлардан нидо келгай!

Ватан надир?
Ватан – ор!
Қабринг унга жойлансин.
Боланг қилсан ифтихор –
«Отам – Юрт» деб айлансин.

Ватан асли қутлуғ дарс:
Келиш бор, йўқ – қайтмоқлик.
Улуг Юрт-чун ярашмас –
Ёлғондан шеър айтмоқлик!

* * *

Мен зўр хато қилибман,
Э, воҳ, билмай қолибман:
Сизни куйлай дебман –
Куйга зўрга солибман.

Муғаний зоти Сизга,
Азал интизор экан!
Эрта-кеч ҳуснингизга
Таърифлар бисёр экан.

Ўзимни атаб осмон,
Сизни эса ой дебман.
Сўзларим чиқди ёлгон –
Жилгаларни сой дебман.

Тунлар бедор куйлайман,
Куйимнинг зори Сизсиз.
Ўйим билан бўйлайман –
Ўйларим синар, эс-сиз...

Тунда бездим майдан ҳам
Рангим бўзга ўхшайдир.
Сиз гўзалсиз ойдан ҳам:
Ой қизарган шишадир!

ДЕВОР

Бизни ўраб турган манов дево
Тоидан ясалганми: ёғочми, гишитми?..
Сўранг-чи, шўрликнинг қулоги борми,
Бизнинг шивирларни эшишибдими?...

Нега у қаққаяр сукутни ямлаб,
Уйнинг устунларин тишилаб турибди.
Бу девор – қизганчиқ:
сабрни гамлаб –
Тунлари ромларга парда урибди.

Тунлару кундузнинг унга фарқи йўқ,
Фурсатни минг йилга алмашар кимдир.
Бу деворнинг ранги яшил, сариқ, кўк...
Рангни ажратишлик балки, иримдир.



Уйгондинг. Девордан тонгни сўрайсан,
Анқовим, осмонни согинмадингми?
Саволинг ханжарми? Не пармалайсан –
Юрагимга санчиб, огринмадингми?

Нимадан ясалган мана бу девор,
Пахсаданми, чўпми... ёки гулданми?
Тўрт томонни тутган гаддор ва ҳушёр –
“Осмон – ёлгон”, дейди .
Бу ақлданми?

Юришини хоҳламас оёгинг, гарчанд,
Қанотингни ростлаб ,учишига шайлан.
Ният асли қушидир, парвози баланд –
Девордан баланддир.
Ниятга айлан...

Сойлар дарёман, – дер гарчи, тўлмаса!
Тушларимни сувга ташлаб қайтаман.
Чанчи кўрадим девор бўлмаса –
Сорнинг макрини кимга айтаман!?

* * *

Ишқинг бир синовмикан,
Синиб кетдим. Синама!

Кўлларинг оловмикан –
Ўт туташди танамга.
Йўл йўқотган бандангман –
Эй Худойим, йўлга сол.
Жодугар қиз алдаган:
Ойни атаган
Хилол...
Йўлим излар йўлини –
Туташтир йўлни йўлга.
Кўлим тутсин қўлини –
Туташтир қўлни қўлга!
Гапиролмай... тилим лол –
Гапни гапга топиштир.
Лаблар пичирлар беҳол –
Лабни лабга ёпиштир!





Рахим ҚОДИРОВ

ТИЛНИИ ТИЙГАН ЯХШИИ



ЕР МЕХРИ

- Намунча ерга ёпишмасанг, – дебди Шамол.
- Ернинг меҳри, бағри иссиқ-да, – дебди Қор.

ШАКЛ

- Кўп сиқмагин, эзилдим-ку! – зорланибди Лой.
- Сиқмасам, ғишт шаклига кириб бўпсан! – деб жавоб қилибди қолип.

ГЎЗАЛЛИК

- Одамлар нега доим сенга интилади? Сиринг нимада? – сўрабди Жар.
- Уларни бошимга кўтариб, дунёни кўрсатаман, – дебди Чўққи.

АЛАМ ВА ҒАМ

- Алам шериги Ғамга дебди:
- Табассум билан гаплашма, у бизни кўролмайди.

БАҒРИ ИССИҚ

- Тошкўмир бунча қоп-қора, хунук бўлмаса? – дебди Кесак.
- Сиртдан баҳо бермагин, унинг бағри нақадар иссиқ, – дебди Тош.

ГУЛ ВА ЗАРПЕЧАК

- Зарпечак Гулга ўшқирибди:
- Қуриб кетгур. Одамлар бўйи-бастинг учун доим бизни юладилар!..
 - Э, нодон, шунга қуритадилар, деб ўйланасанми? Ахир, барча нарсани бўғиб кўкартирумайсан-ку?!

ТЎГРИЛИК УЧУН

- Болға эгри михни тўғрилашга ҳаракат қиласади. Шунда эгри Михдан нидо чиқибди:
- Раҳминг келсин...
 - Бўлмаса, тўғри тур-да, – дебди Болға.

ҚЎНИМСИЗЛИК

- Мени нега шамол қувлагани қувлаган? – сўрабди Сомон.
- Илдизингдан айрилгансан! Шунга қўниминг йўқ, – жавоб берибди Чинор.

УЛУФ БАХТ

- Оқибатинг шу экан: бир зум ёниб, кейин кераксиз бўлиб қолдинг-ку! – дебди Кулга Кесак.
- Ахир, олов бўлиб, одамларнинг хизматини ўтаб, бурчимни адо этдим. Бундан улуф баҳт борми! – дебди Кул.

ВАЗИФА

- Кўп гапириб, бошимизни оғритиб юбординг, – деди Тишлар.
 - Вазифам гапириш-да, – дея ялтоқланибди Тил.
 - Тилни тийиш ҳам бизнинг вазифамиз доирасига киради!
- Тишлар бирлашиб, оғизни очирмабди.

ДЕВОР

- Одамлар ғалати-да, деворнинг қулоғи бор, секин гапиринглар, деб мени гуноҳкор қилишади, – дебди Девор.
- Эътибор берма, улар бир-бирларидан кўрқканларидан сендан хавотирланишади, – дебди шифт.

ҚАДР

- Қисқич ўзи нима-ю, хизмати қанча бўларди?
- Хизматини қадрлаймиз. Бизларни бирлаштириб турса, бўлгани, – изоҳ берибди Қофоз.

БАҒРИ КЕНГЛИК


- Тошлардан ўтаётган иссиқ ҳарорат тупроқни қиздиради.
- Тошбағирсан, дейишарди. Ҳақ экан, бунчалик куйдирмасанг?
 - Нима қилай, Қуёшни кўрдим дегунча тафтида ёнаман, – дебди тош.

АЛҲАЗАР

- Бошни мен омон сақлаб турибман, – дебди Тил.
- Алҳазар! Тавба! – деб ҳайрон қолибди Ақл.

ОҚИБАТ

- Фарзин Филга изоҳ берибди:
- Рух ўзини тўғриликка уравериб, оқибат ўрнини четдан топди-ку.
 - Үндоқ эмас. Шоҳимиз унинг садоқатини билиб, ўз ўрнини топширган, – дебди Фил.



Шойим ШЕРНАЗАР

Бизни Ватан кутади...

* * *

Тупрогида меҳр унар, оқибат унар,
Гулзоридан кетмас сира булбул, қумрилар.
Илҳом жўшиб шоирлари қаламин йўнар,
Боғларида фаришталар тунаган қишлоқ.

Бунда тонглар ўзгачадир, отар бошқача,
Булоқлари зилол сувин тутар бошқача,
Йигит қизнинг висолини кутар бошқача,
Хаёлларни ўз ҳолига қўймаган қишлоқ.

Фиску фасод бунда йўқдир, тамом бегона,
Кўнгил олиб бир-бираға бўлар парвона,
ЛАфзи борлар, сурори бор бунда ягона,
Мардни суйиб, номардларни суймаган қишлоқ.

Савоб деса Чин Мочинга бориб келади,
Дард чекканга анқони ҳам топиб келади,
Кучогига сизга шодлик солиб келади,
Яхшиларнинг дийдорига тўймаган қишлоқ.

УМР МАЗМУНИ

Бир кунлик умр билан
Кувнаб яшар капалак.
Уч юз йил яшаса ҳам,
Қарга турага ҳурпайиб.

МАРДЛИК

Жонинг сабил, бунча ширин,
Талвасага тушисан, одам...
Табиатга қара,
Тикка туриб жон берар
Дарахт..



* * *

Ўланлар тугилади –
Ҳаётнинг бешигидан.
Бир қатим нур тўшади –
Орзунинг эшигидан.

Дунё ўзи синоат –
Ҳикмати кўп хазина.
Ақл қайроғи – фурсат,
Чиқасан зина-зина.

Момомнинг чанқовузи,
Мозийларга етаклар.
Келажак боласини
Улгайтирас эртаклар.

Тоғларга боқ, тоғларга,
Кўкдан ҳайрат тутади.
Етаклаб гулбогларга
Бизни Ватан кутади...

УМР ТАРОЗИСИ

Умр ўтар. Йиллар – тарози –
Сарҳисоб этади вақт билан.
Кимлардир ўлчовдан норози,
Ким безар умрни баҳт билан.



ТЎРТЛИКЛАР

Ҳамма отга минмоқ истайди,
Мансаб қули ҳаммаси, ҳайҳот.
Кўриб туриб кулгум қистайди,
Нима қилай битта бўлса от...



Холида ФАЙЗИЕВА

МАСАЈІЛАР

БҮРИ ВА ТУЛКИ

Бүри билан тулки баҳспашиб қолишиди.

– Сен ҳеч қачон дадил ҳаракат қилолмайсан, – деди Бүри Тулкига. – Мен эса истаган пайтимда чўпоннинг кўйларига ҳамла қилиб, қорнимни тўйғазаман.

Тулки индамай мийигида кулиб қўйди ва Бўри овга чиқадиган кунни кутди. Бўри бир қўйни бўғизлагунча у чўпонга хабар берди. Чўпон бўрини қувиб кетгач, Тулки бўғизланган қўй гўштидан тўйиб олди. Сўнг бориб Бўрининг ҳолидан хабар олди ва деди:

– Есанг ҳам, емасанг ҳам сенинг оғзинг қон. Мен эса айёргилем туфайли ҳам ейман, ҳам «бегуноҳ»лигимча қоламан.

ОЛМАХОН ВА ТИПРАТИКАН

– Сен қўрқоқсан, – деди Олмахон Типратиканга. – Доим елкангни ичингга тортиб, ер бағирлаб юрасан. Мен эса қоматимни тик тутиб, виқор билан юраман.

Шу пайт бирдан илон пайдо бўлди-ю, уларга ҳамла қилди. Олмахон қўрққанидан сакраб, дараҳт тепасига чиқиб кетди. Типратикан эса пайт пойлаб илонга ташланди...

АРИҚ ВА СУВ

– Сени икки ёнингдан тутиб, доим ҳимоя қиласман. Шу орқали тўғри йўналишга тушиб опасан, менга эса нағинг тегмайди, – деди ариқ сувга.



Сув жавоб қилди:

– Агар мен бўлмасам, ташландиқ ҳандакка айланиб қолишинг мумкинлигини унутма.

ҚУЛФ ВА КАЛИТ

– Сен фақат ташқарида бўласан, мен эса уйни қўриқлаб, хўжайинга кўпроқ фойдам тегади, – деди қулф қалитга.

– Аммо менсиз хўжайнини ичкари киритиб қўр-чи, – деди қалит.

МЕВАЛИ ВА МЕВАСИЗ ДАРАХТ

Мевали дараҳт мақтаниб қолди:

– Менинг уруғимни бекорга кўпайтиришмайди. Меваларим инсонларга керак. Парваришларига яраша бошимни, шоҳларимни эгиб бераман, меваларимни териб олишади. Сенга эса қиё ҳам боқишимайди.

– Ҳа, – деди мевасиз дараҳт, – сенга тош отишиди, шоҳларингни эгиб, меваларингни теришади. Бу ҳам етмагандек, бошинга чиқиб олиб, шоҳларингни синдиришади. Инсонлардан хушёр бўл: уларга бosh эгганинг сари, баттар сенга осилишади...

Лайло ОРЗИЕВА,

Навоий педагогика коллажи талабаси

Гўзал боғлар яратиш учун, яхши боғбон бўлмоқ керак.

Хаёлларим мендан олдинлаб кетибди. Етол-маямман...

Менинг энг баҳтли куним қачон? Бугун.

Холисона баҳо бермоқ учун адолатли ҳакам бўлмоқ керак.

Бизга сирли бўлиб туюлган нарса, аслида бизнинг илмсизлигимизdir.

Билим олишдан чарчасанг, демак сен яшашдан тўхтабсан.

Кўрмаяпсизми, вақт ўтиб кетмоқда...

Ҳақиқатнинг таъми бираам аччиқки, лекин шифобахш.



Зиёвуддин ҚҰЗИЕВ

Азоблардан түтилар Сұз

* * *

Сирли оқшом, майин ел эсар,
Нишламоққа түшар куртаклар.
Ёдингдами, тинглаганимиз –
Дараҳтлардан уйғоқ әртаклар.

Энди бунга келмай яшаймиз,
Лоқайд вә құрс одамларга хос.
Эсиз, эсиз тутзорлар ичра,
Қолиб кетди пичирлаган сас...

Мудроқ уфқларни уйғотиб ҳар күн,
Күеші күтарила бошлайды күкка.
Дунё нафас ола бошлайды әркін,
Гүёки зулматтадан чиққандай әркін.

Ортимда қуюндең әшилиб қолди,
Армон билан ўтган үиллар түзони.
Мендан оларини бу ҳаётт олди,
Энди бошқа йүлда умр ўзани.

Нима бўлгандаям ҳаммаси ўтди,
Қолмади ҳисоби чекилмаган гам.

Тавба! Сезмас экан на چүг, на ўтни,
Ўзи олов бўлиб юрганда одам.

* * *

Азоблардан түгилган Сұзни,
Тутиб олар қалбнинг қўрига.
Аямайди бир нафас ўзни,
Шоир бўлар шури қуриган!

Заррин итдан қаср яратган,
Ипак қуртга шоир ўхшайди .
Шундай қисмат берган Яратган:
Дунёдан ўтса ҳам шеъри яшайди ...



БИРИНЧИ УЧРАШУВ

Латофатбегим НАРЗИЕВА

ТУН ҚҮЙНИДА

Мени ўз бағрига чорлар табиат,
Ташвишу ўйлардан зериккан пайтда.
Дунё қайгулардан эмас иборат,
Хаёлга чўкаман шу сўзни айта.

Ҳаёт гўзалроқдир янада тунда,
Нақадар чиройли чироқ ўйини.
Яхши-ю ёмонлар акс этиб унда,
Тинмай чалаверар баҳтнинг куйини.

Дилимда гашликдан қолмайди асар,
Юлдузлар порлаши чиройли бирам.
Ҳар ўткинчи нигоҳ сукланиб қарап,
Бу ҳолат эритар тошибагирни ҳам.

ИМЗО ВА САНА

Капалакдек учгим келганди,
Зулматларни этиб нурафишон.
Нега қалбим сенга ўрганди,
Бўғзимга жим тиқилади жон.

Мудом ёдинг этади таъқиб,
Парво қилмай кўз ёшлиларимга.
Гүё ўзим-ўзимга рақиб,
Путур етар бардошлиларимга.

Тақдир, дедим, курашимадим ҳеч,
Бўйин эгдим, дадил бўлмадим.
Қийналганди ақлим кирди кеч,
Нега аввал парво қилмадим?!



Кўлда қалам – ўйлайман узоқ,
Бекитмайман эшикни ҳатто.
Келасанми кутганим муштоқ,
Қачон келар сендан бир садо?

Яна тунлар бедор ўтмоқда,
Хаёл ҳар ён етаклар яна.
Илҳом мени ташлаб кетмоқда,
Шеър тугайди: имзо ва сана...



Дилшод МУҲАММАДРАЖАБ

ЎКИИНЧ

Хикоя



“Дадажон. Қишлоқда ҳамма яхши. Мен, укаларим, бобом – ҳаммамиз соғ-саломатмиз. Мен еттинчи синфда ўқияпман. Баҳоларим ҳаммаси “5”.

...Сигиримиз туғди. Бобом сизнинг келишингизга атаб боқаётган қўчкоримизни Икром амакининг тўйига тўёна қилдилар.

...Сизни янги йилда Қорбобо бўлиб келади, деб кўп кутдик. Келмадингиз. Онамнинг айтишича, мен мактабни тугатадиган йили, баҳорда келаркансиз.

Лекин бобом тез-тез касал бўлиб қоляптилар. Шу йил узум пишиғида у киши тўқсонга киарканлар. Сизни доим дуоқиладилар...

Авваллари уйга қайтишни ўйласа, кўз олдидан бирин-кетин норасидалари ўтар, ҳатто уларни тез-тез тушида ҳам кўрарди. Айниқса, кичик ўғлининг беғубор нигоҳлари уни доим таъқиб этгандек бўлаверарди.

Катталари-ку, майли, дадасининг кимлигини, қаердалигини яхши билишади. Кичик ўғли уч ойлик чақалоқ эди, тузукроқ эркаламабди ҳам. Шунча йил ўтиб, уйга кириб борса-ю, “мен отангман” деса...

Ҳар гал болаларини кўз олдига келтиришга ҳаракат қилар, аммо уларнинг чехраларини аниқ тасаввур қилолмасди. Фақатгина катта ўғлининг икки энлик хатлари орқали кўп нарсадан хабардор бўлишга ҳаракат қиласди.

Авф этилганлар орасида ўзининг борлигига ишонч ҳосил қилган Муродали чуқур энтиқди. Икки қўлини боши орқасига қўйиб,

ютинди.

Беш йиллик “қадрдон” каравотнинг ғижирлаши бутун ҳар галгидан ҳам ёқимсизроқ туюлар эди.

“...Тонг отишига ҳали анча бор. Бунча чўзилди бу кечада! Ё тавба, ҳатто бу ерга келган биринчи кунларим ҳам тез ўтганди хаёлимда. Кечагача олдиндаги икки йилни ўйлаб ҳам кўрмаган эканман. Умид ҳам йўқ эдидан. Кимим ҳам бор орқамда... Ҳақиқат бор экан, кечиришди.



Адвокат дегани ҳам қизиқ экан-да. “Заринг ё зўринг бўлмаса, нима қиласан мени ёллаб”, дейди. Нуқул пул сўрайди. Отамнинг бир умрлик топгани кетди-ку, барибир... оларини олиб, охирида кўл силтаб кетганига нима дейсан номарднинг!

Уф-ф... бошингга тушмаса ҳеч нарсани тушунмас экансан-да. Ўзимни ҳимоя қилишга жўяли гап ҳам айттолмадим ўшанда. “Айборман, урдим, озгина ичганим ҳам рост”, деганим-чи! Унинг асфальтга йиқилиб тушиб, калласини ёриб олиши кимнинг хаёлига келибди. Яна “ҳаёт учун хавфли” эмиш.

Ҳеч ким хайриҳо бўлмади қора кунларимда, ҳамма ўгай кўз билан қаради. Ҳаётда фақат пичоқнинг дастасидан эмас, баъзан тифидан ҳам ушлашга тўғри келишини қаердан билибман.

... Ўша бир тарсаки билан аҳмоқ ақлли бўлмагани аниқ, лекин менинг рўзгорим, ҳаётим, умрим синиб кетди-ку.

Энди мен ким деган одам бўлдим?

Қишлоққа қандай қайтаман, нима иш қиламан?

“Ўтириб келган”, дея қўлини бигиз қилишади. Сандиқдаги дипломни бошимга ураманми? Энди мактабга боролмаслигим аниқ...”

Сўнгги кунларда нима учундир мункайиб қолган отасининг “Болам, беш йил чидадим. Энди бардошим етмас-ов. Тезроқ уйга қайтмасонг, кўзим очиқ кетади”, деган сўзлари Муродалига тинчлик бермасди.

Хайрият, авф этишди. Қани энди ҳозироқ бу ердан учиб кетса.

Шом маҳал ҳаёллари чувалашиб, боши ғовлаб пиёда кетаёган Муродали йўловчи машинанинг кетмакет сигналидан ўзига келди. Хайрият, кеч бўлса-да, қишлоғига етиб оладиган бўлди...

Муродали қишлоққа яқинлашганда, саратоннинг чирилдоқ чигирткалидан бошқа бари жонзот уйкуга кетганди. Уйлари сийрак қишлоқнинг яккам-дуккам чироқлари кўрингач, машинадан тушиб, бу ёғига яёв кетди.

“Қандай бораман уйга, болалар ухлашгандир!”

Унинг чалкаш хаёлларини яқиндан эшитилаётган кўнғироқ овози ва чўпоннинг “күрэй-күрэй” и бузди. Машинадан кимнингдир тушиб қолганини кўриб турган чўпон у томон анча яқинлашиб қолганди.

Муродали таниди. Ҳошим чўпон-ку! Ҳеч ҳам ўзгармабди.

Муродалининг кўнгли ёришди.

– Ассалому алайкум, Ҳошим бобо! Ҳорманг, мен... Муродман!

– Ҳа, жигарим, бормисан? Келади, деб эшитиб эдик. Кутавериб, кўзимиз тўрт бўлди-ку, болам...

Ҳошим чўпон Муродалини бағрига босди. Бошини сарак-сарак қилиб, елкалари силкинганича эшитилар-эшитилмас бир неча бор “ҳай, аттанг, ҳай аттанг”, дея пичирлаб қўйди.

Кўйларни қир томондаги ётоғида қолдиришиб, йўлга тушишди. Нималарнидир сўрамоқчи бўлаётган Муродали Ҳошим чўпон бошлаган ёлғизоёқ йўлдан жимгина келаверди.

Қишлоққа етай, деб қолишганда чўпон ёрилди:

– Ўғлим, сен ёш бола эмассан. Кўп нарсани кўриб кўйдинг. Бошинг тошдан бўлсин, илоҳим. Бу ёғига маҳкам турасан-да энди...

Ҳеч нарсага фаҳми етмаган Муродали чўпон қоронгида тимисикиланиб қабристон тарафга бурилганида, кўнгилсиз ҳодисани сезгандай аъзойи бадани қалтирай бошлади.

Ҳали тупроқнинг нам ҳиди кетмаган, дўмпайиб турган янги қабр ёнида тўхташди. Ҳошим чўпон қабр олдида чўк тушиб қироат билан куръон тиловат қила бошлади.

Охирги марта раҳматли онасини қабрга кўйганда мозор кўрган Муродали ҳеч нарсага тушунмади, ерга тикилганча тиловатга қулоқ тутди.

Пичирлаб ўқилган дуодан сўнг Ҳошим чўпон таскин беришга уринди:

– Муродали, болам, буёғи энди бандалик. Икки кун бўлди, бобойни бериб қўйдик...

Муродали бошқа ҳеч нарса эшитмади. Ўпкаси тўлиб, ўкириб додлаганча нам қабр тупроғига ўзини отди...



*Мадина ХОТАМОВА*

Манзилларим ҳали олдинда

* * *

Ранглар жишлонашар ҳаёт қўйнида,
Шўхчан капалаклар айлайди мақом.
Гуллаб бораётган дараҳт – мўъжиза,
Ҳикоят сўйлайди гўзал ва равон.

Шамоллар хаёлни аллалаб суйиб,
Олис орзуларга элтади йўлдан.
Нафис ифорларга бағримиз тўйиб,
Гулларга айланиб бўламиз дилдош.

УСТОЗГА

Йўлидан адашича мададкор Тангри,
Нажот фарииштасин элтади ҳамроҳ.
Кўрмаган қуёши қалбига кириб,
Вужудин илитар оловли бир оҳ.

Кунларнинг, гулларнинг ёѓдуларини.
Кўради бу кўнгил айланиб кўзга,
Қалбига яшириб туйгуларини,
Рангин бардоши билан сўйлайди сизга.

Вужуди сабрдан қурилган қалъа.
Чунки тоғларнинг азму саботи,
Ҳаётга қайтариб беради далда,
Кўзи очиқларга ибрат Ҳаёти.

* * *

Ҳаёт тўхтадими, сувлар тиндими,
Орзулар қўлига илмайман кишин.
Киприкка қайгулар қори индиму,
Ён-ёруғ лаҳзалар келгуси, ишон.

Баҳорнинг баҳтидек бутун бўлгуси,
Күшлар сайроғидек сурарман хаёл.



Тўлин ой юзига юзимни босиб,
Булбул навосини англайман – иқбол.

Армонлар тогини ошиб муттасил,
Тангirim, юрсам дейман фақат ойдинда.
Куну тун алмашар, алмашар фасл,
Лекин манзилларим ҳали олдинда.

* * *

Куйларимни солиб ҳавога,
Шамолларга учирдим дилхун.
Тўлиб кетган йўлим жазога,
Йиғламайди бўғзимдаги ун.

Орзуларим бағримга босиб,
Жим яшириб топаман тўзим.
Юрагимни осмонга осиб,
Қаёқларга кетяпман ўзим.

* * *

Баҳор узоқ хайрлашиди мен билан,
Совгалари зор кўнглимга сизмади.
Армонимни кўради-ку кўзимдан,
Юракни сўнг азоби тирнади.

Осмони эслатди тагин ўзимдан,
Унум қўшиқларни, маъюс куйларни.
Айрилиқ соясиз солган сўзимдан,
Саргардон нидонинг келар бўйлари.



Кузак хаёллари йўлда саргашта,
Рангидан кўзларим секин туймоқда.
Орзулар хазондай саргайган бир-бир,
Кузим юрагимга қадам қўймоқда.



Дилбар РАЗЗОКОВА

АРМОН

Ҳикоя



...“Шарқ” тезюарар поездигачиқан йўловчининг жони роҳатда бўлади. Тоза, озода, шинам купеларда барча қулаликлар муҳайё. Сафарга чиққанлар ўзаро сұхбатлашиб, манзилига қандай етиб борганини ҳам сезмай қолишиади.

Ёнимдаги ҳамроҳим – ўрта ёшли, кўзлари маъюс аёл аввалига бир сўз демай вагоннинг ойнасидан олисларга боққанича хаёлларга берилиб кетаверди.

Йўловчиларга хизмат қилувчи қизларнинг чой ва ширинликлар улашганлари сұхбатимизнинг бошланишига сабаб бўлди.

– Каттароқ ўғилларингиз борми, опа, мана бу қизлар жуда ажойиб экан-а! Келин қилсангиз борми! – дея гап бошладим мен.

– Ҳа-я, – деб қўйди ҳамроҳим.

– Аммо ҳозирги ўшларга келин топиб бўладими, опажон, ўзлари топишишса-ку, бир нави! Онам раҳматли айтганларидек, болаларнинг бўйини ўстираркансиз-у, кўнглини тополмас экансиз...

Бу гапдан сўнг ҳамроҳимни нимадир безовта қиляётганлиги шундоққина сезилиб қолди. Бироқ илк бор кўрган одамингдан “Нима, бирор гап бўлдими?” деб сўраш ноқулай бўлганлиги учун индамадим. Аммо орадаги жимлик узоқча чўзилмади. Опа тўлиб турган экан...

– ...Инсон, унинг ички дунёси шунчалар ҳам мурракаб бир тилсим эканки, бу тилсимни англаш етдим, деган киши хато қиларкан, – ҳамроҳим секингинга ух тортиб қўйди-ю, гапини давом эттириди: – Мен турмуш ўртоғим билан уч йил гаплашиб юриб, сўнг оила курганмиз. Тўйимизга ҳам, мана чорак аср бўлай

деяпти. Аммо мен у кишини яхши билмаслигимни яқиндагина англаш етдим.

Беш нафар фарзандимиз бор: уч ўғил, икки қиз. Худога шукр, ўғилларим катта бўлиб қолишган. Икки ўғлим Тошкентда таҳсил олишади.

Ҳозир уларни кўргани кетяпман. Афсуски, бу галги боришим ўғилларимни хурсанд қилмайди-да. Шунинг учун ҳам кўнглим бирам ғашки...

– Ундей деманг. Дунёда она дийдоридан ҳам устун нима бор ўзи?

– дея кўнглини кўтармоқчи бўламан сұхбатдошимнинг.

– Аслида шундайқу-я, аммо... – опанинг кўзларида ёш йилтиллади. На дардини айтишни, на айтмасликни билмай қолгандек, яна дераза томонга тикилди. Сўнг бир ҳўплам чой ичди-да, гапини давом эттириди:

– Ўғилларимни жуда яхши кўраман. Улар учун жонимни ҳам беришга тайёрман. Улар ҳам мен билан очиқласига гаплашишади. Улар бир гал

Тошкентдан уйга келишганида яхши кўрган қизлари борлигига шама қилишди, аммо мен гапни бошка ёққа буриб юбордим. Яна шу ҳақда оғиз очишиганида “Бундай гапларни айтишга ҳали ўшлик қиласизлар. Келинларни биз ўзимиз топамиш. Сизлар овора бўлмай қўяқолинглар”, деб қўя қолдим.

Аммо ўғилларим яқинда қишики таътилга келганларида масалани кўндаланг қўйишиб, охирги курсда ўқиётганликлари учун ҳеч бўлмаса фотиҳа қилиб қўйишимизни талаб қилиб қолишиди. Шундан сўнгтина улардан топган қизлари ҳақида сўраб-суриштиришга мажбур бўлдим. Эшитганларимни дадасига оқизмайт томизмай айтиб бердим. Дадаси жаҳл билан:

– Ҳуш, сен уларга нима дединг? – деб қолди.



– Нима ҳам дердим. Даданг билан маслаҳатлашиб, кейин бирор фикр айтамиз, деб қутулдим, – дедим.

– Үндай бўлса уларга айтгинки, мен бунга мутлақо қаршиман. Йўқ, яхшиси уларни бу ёққа чақир. Ўзим уларга ҳаммасини тушунтириб қўяман. Сен эса тушликка бирор нарса тайёрлайвер, – деди эrim.

Шундай қилиб, ўғилларим ота ўтирган уйга кириб кетишиди. Мен эса овқат тайёрлайпман-у, хаёлим ичкарида.

“Ишқилиб дадаси уларни қаттиқ ранжитмасинда. Ҳозирги ёшлар бирам ўт-оловки, бирор маслаҳат беришга ҳам қўрқасан киши”, деб ўйлардим ўзимча.

Овқатга керакли масаллиқларни олиш учун балконга чиқишига тўғри келди. Зал ёнидан ўтаётганим маҳал қия очик эшикдан дадасининг ўғилларимга айтиётган зардали гаплари қулогимга чалиниб қолди:

– Ўзинг ўйлаб қўр, ахир сен топган қизнинг отаси йўқ бўлса. Оиласи катта, унинг устига онаси ҳам ногирон бўлса. Сеники эса оддий ўқитувчининг қизи экан. Бир бундоқ ўйлаб кўринглар! Эртага сенларни ким ҳимоя қилади. Ким сенларни қўллаб-куватлади?!

– Ахир ўзингиз ҳам кўп болали, оддий ишчининг қизи бўлган онамга уйлангансиз-ку. Нима, сиз баҳтли эмасмисиз? – ҳеч қачон отасининг юзига тик боқмаган тўнгичим жуда ҳам асабийлашганиданми, шундай деб қолди.

Буни кутмаган отаси зардали оҳангда ўшқириб берди:

– Э-ҳа, сенларни қаранглар-а. Ҳали сизлар менга гап қайтарадиган бўлиб қолдингларми. Шунча катта бўлиб қолибсизлар-у, сезмай ҳам қолибман-а. Билмаснгиз билиб қўйинглар. Менинг бугунги ҳолатга тушиб, ишдан бўшаб, уйда ўтириб қолишимга айнан онангизга уйланиб, хато қилганлигим сабаб бўлган, десам ишонмайсизлар-а, тўғрими? Аслида эса худди шундай. Нега, деб сўрасанг ҳам керак. Шундайми?! – Эрим борган сари асабийлашиб бораради. – Мана, масалан, мен билан бирга ўқиган курсдошларим мансабдор, қўлини қаёққа узатса етадиган кишиларнинг қизига уйланганликлари учун ҳам бугунги кунда юқори лавозимларда, бойбадавлат ҳаёт кечиришмоқда. Мени эса ҳатто оддий ишимдан ҳам четлаштиришди тирговучим йўқлиги

учун! Агар менинг ҳам қайнотам бирор мансабдор киши бўлганида борми, мен ҳозир...

Эшитганларим шу бўлди. Бирдан бошим гангиб, кўзим тиниб кетаётганини сездим...

Ўша кундан буён сира-сира ўзимга келолмайман. Наҳотки менга уйланганлиги туфайли турмуш ўртоғим бир умр армон билан яшаб келаётган бўлса? Наҳотки ҳаёт фақатгина мансабу бойлиқдан иборат бўлиб қолган бўлса?!

– Ҳа, – дедим мен беихтиёр. – Бундан ортиқ азоб борми, дунёда. Сен билан ҳамдарду ҳамқадам яшаб келаётган инсонинг сен туфайли пушаймонлик оловида ёниб яшаб келаётган бўлса-ю, сен эса буни билмасан...

– Шунинг учун ҳам куяман-да, айланай, – деди ҳамроҳим намланган кўзларини олиб қочар экан.

Қарасам, опахоннинг кўзларидан думалётган ёш юзларини аллақачон ювиб бўлган. Қандай бўлмасин, ҳамроҳимни яна гап билан чалғитишим кераклигини англадим. Шунда унинг суҳбатимиз бошида айтгандарини эсладим:

– Бу галги боришим ўғилларимни хурсанд қилмайди, дегандай бўлдингизми?

– Ҳа, гап шундаки, ўғилларим таътилни тугатиб, ўқишига кетишиди, бироқ дадаси ўз фикрини сира ўзгартирмади. Ўғилларимга бу гапларни телефон орқали айтишни лозим кўрмадим. Боргач дадасининг уларга келгусида “тирговуч” бўла оладиган мансабдор танишлари билан қуда бўлишга келишиб қўйганлигини айтишим керак. Шунинг учун энди улар гаплашиб юрган қизлари билан муносабатларини узишлари керак...

– Мени қийнаётган бундай ҳолатдан энди қандай кутулей, айтинг, – дея яна куйиб-пишиб гапида давом этди опахон. – Турмуш ўртоғимнинг “армон”ларини қандай қилиб ҳаёлимдан ўчириб ташлай?! Мен ўғилларимнинг мард, ориятли ва ор-номусли йигитлар бўлишини истайман. Ахир, ўзингиз ўйлаб кўринг. Ўша сиздан бир нечабаробар юқоримансабли, бойбадавлат хонадоннинг тантик қизи ўртаҳол оиласда қандай яшаб кета олади? Ўғилларим бир умрга қайнота-қайнонаси олдида бошини эгиг яшашига қандай чидайман?

Ҳамроҳимнинг елкалари силкина бошлади. Мен уни юпатишга ожиз эдим...





Мұхтарама ТУРКОЙ

Әрүт күнләр ётды соңағасқ ҳали

СЕНСИЗЛИКДА
Түркүм

I

Кипригимга инган инжаса ёши,
Ёмғирмиди? Саволим уйғоқ.
Юзларини беркитиб қуёши,
Ухларми ё билмадим бу чоқ?

Рутубатли куз оқшомида,
Қүкка боқдым юлдузим излаб.
Бода ичдим ҳижрон жомида
Сенсизликда бўтадай бўзлаб.

Кузни сен ҳам севардинг, жоним,
Чақмоқ янглиг бир чақнаб сўндинг.
Ёмғирларга айланди қоним,
Мўрт дарахтдай қарсиллаб синдим.

Хазонрезга боши қўйиб ётсанам,
Ослон пастлаб қолгандай гўё.
Сенсизликда юз йил тонг отса,
Юрагимга етмайди зиё.
Кипригимга инган инжаса ёши
Ёмғирмиди?

II

Умр карвонига юкланган қалбим
Хазонрезлар аро кетиб боради.
Кузнинг қўшигини тинглагандада жисим,
Юрагимга ҳайрат етиб боради.

Мен қандай яшадим? Ортга қарайман,



Армонлар кўринар ногоҳ кўзимга.
Орзулар сочини унсиз тараиман,
Зиёлар сочилин дея изимга.

Куз кулар... куз ииғлар... мен эса мағрур,
Оппоқ қогозга оқ сўзларни тўқдим.
Яшаяпман, кимдир шеъримни ўқир,
Кимнингдир кўнглига ишқ бўлиб
чўқдим.

Шу умид келади ортимдан бу кун,
Кузнинг рангин юзи, бунчалар тоза?
Эвоҳ, тугилдимми куйламоқ учун,
Қалбимдаги ишқни айлаб овоза.

Билмадим, мен кузни нега севаман?!
Ёмғирларига юз чаяман яйраб.
Намхуши ҳаволарга кўксим тўлдириб,
Ногаҳон булбулдай қоламан сайраб.

Умр карвонига юкланган қалбим
Хазонрезлар аро кетиб боради...

III

Ҳаёт кимларнидири сийлайди, дўстим,
Кимларгадир сочар аччиқ қаҳрини.
Бир кун йўлимизга мөхрини тўқар,
Бир кун кўрсатажасак жсаду сеҳрини.

Бахт ҳали олдинда кутиб турибди,
Ёрүг кунлар ёғду сочажасак ҳали.



Бус-бутун толени кимга берибди,
Чайқов бозор дунё, арzonдир моли.

Голиблик кимгадир, мағлублик кимга,
Ризқу-насибасин теради инсон.
Унсиз ииеглаётир бир қүши ичимда,
Бахт ярим, гам ярим, яримтадир жон.

Бутун баҳтга соҳиб бўлинг, илоҳим!
Бутун бўлсин танди жонингиз, дўстим.
Имонга харидор экансиз токи,
Кемтиқмас бут бўлар нонингиз, дўстим.

Чайқов бозор ичра сотилмас кўнгил,
Бахт ҳам, муҳаббат ҳам сотилмас асло.
Рӯҳнинг азобидан туғилајсак гул,
Гулнинг кулгучидан эзгулик пайдо.

Ҳаёт иккимизни сийлайди бир кун,
Ўша кунга умид боғлаб юрибман.
Юрагимда дардлар бўлди минг тугун,
Мен шундай, ўз кўнглим чоғлаб турибман.

Ҳаёт бизларни ҳам сийлайди, дўстим...

IV

Иродамни синдиrolмади
На гам, на дард, ҳижрон азоби.
Юрагимни кўндиrolмадим,
Ишқиз яшашига йўқ ҳеч тоби.

Сенсиз бутун бўлолмам ҳеч вақт,
Ғамим, баҳтим ярим-ёртидан.
Ўзга ҳаёт, излаб ўзга баҳт,
Кетдинг, менсиз мақсад ортидан.

Ўн икки ой қишини қаршилаб,
Яна баҳор қайтар, деб кутдим.
Ҳаёт – қимор, мен ўлжса, ё Раб!
Сен қиморбоз, бор умрим ютдинг.

* * *

Кетдим...
Сен қўлиmdан тутганча маҳкам
“Кетма”, дея тўсмадинг ўйлим.



Тўхтатмадим, қасдма-қасд мен ҳам,
Кетдинг...

Биз айрилдик, айирмай ўлим.

Кетдик...

Оёғимиз остидаги чоҳ

Иккимизни ютиб юборди.

Видо қолди айтилмай, эвоҳ!

Ҳамроҳимиз мангу ишқ дарди.

Кетдик...

Айри тушиби йўлимиz абад,

Севгимизни асраб қолмадик.

Гуруrimiz емасин деб лат,

“Кетма” сўзин тилга олмадик.

Музга босиб қайноқ туйгумиз,

Совушини кутдик кўп узоқ.

Жонга тузоқ қўйган севгимиз

Жафолари сочга солди оқ.

О, сен мени қандай севардинг?!

Туркой баҳтга етишган онда.

Қўлим қўйвормасанг нетарди?

Умрим тўзмасмиди ҳижронда.

Юрагимни юлар беаёв,

Муҳаббатим – ёвуз кушанда.

Нечун йўлларимга қуриб гов,

Олиб қолмадинг айт, ўшанда?!

Кетдим...

* * *

Дардманд юракларга мадор муҳаббат,
Сахийлар ҳиммати очни тўйдирар.
Раҳму шафқат ҳиссин янчади нафрат,
Хиёнат-чи, тоҷсу таҳтни куйдирар.



Туркой, юрагингга ишқни жойлагин,
Сахий бўл, нафратни йўлатма дилга.
Содиқ бўл, сен вафо йўлин ўйлагин,
Хиёнат ботмасин ошиқ кўнгилга.

Сени сийлаганлар баҳтдан кулсингар,
Дуо қил, сахийлар кўпайсин элда.
Севгувчи кўнгиллар нурга тўлсингар,
Муҳаббат қўшиғи тушимасин дилдан.





Озод МУСТАФО

БЕШ СУҲБАТ

Мансуралар

СУРАТ ВА СИЙРАТ

Сурат сийратдан сўради:

– Ҳар қанча уринмайин, сени кўрмоқ ва билмоқдан ғоғилман. Ўнгу сўлимга боқдим. Йўқсан. Қаердасан ўзинг?

Сийрат деди:

– Сен дунёга юз туттансан. Шу сабаб мени на англайсан, на тушунасан. Бас!

Ундан юзингни бур! Аммо унга орқа ўгирма! Ана шунда мен сенга кўринаман!

Суратхона – ажиг маскан.

Менинг ёдим – бир пиёла чой.

У ёдимга оққанд солиб, қўзғолон қилди.

Пиёла ичидаги чой қошиққа эргашди.

Кўпик ва шамалар унинг ортидан юрди.

Деганларим кандайдир ғалати.

Ҳар қадамимда учраган суратлар алланималарни эслатиб юборди менга.

Ҳозирги гаплар хаёлимга келди.

Оддийгина қоидани унугтаним йўқ.

Суратга унча яқин бормадим.

Жуда йироқ кетмадим ҳам.

Ўртада туриб барини билиб олдим.

Атрофимдаги ботинийликни туйдим.

Энди ҳеч нарса сир эмас.

Ҳаммаси менга зоҳирдек.

Мусаввирга қизикдим.

Уни кўриш иштиёқи туғилди.

Ҳар бир сурат менга уни эслатади.

Ажабландим.

Ҳали мусаввирни кўрганим йўғ-у, аммо унга яқин кишидайман.

Анча йиллик қадрронмиз гўё.

Жонсиз суратдан сас келди.

Мусаввир менга нимадир айтди.

Гапиришга ошиқмадим.

Ҳозирчалик тинглаганим маъкул.

Нима дердим мен?

Шунчаки синчков бўла қолдим.

Кейин бир нарса бошимга тақалди.

Тўғри-да!

Қайси сураткаш суратларида ўзининг ички кечинмаларини, қарашларини баён этмайди?

Мусаввирнинг нақадар нозик дид ва ақл эгаси эканлигини англадим.

Ўзимни унинг кўлидаги мўйқаламнинг ҳеч бир мўйига-да арзитмадим.

Қулоғимга яна бир овоз чалинди.

Қаршимдаги сурат гапирдими менга?

Илгари буларнинг барини жонсиз деб ўйлагандим.

Жони борга ўхшайди.

Унга яқин бордим.

Атрофимда ҳеч ким кўринмади.

Бемалол сўзлайвердим.

Мени чақирдингми?

Гапинг бормиди?

Айтакол.

Суратнинг сўзлашини пойладим.

Индамадим.

Чўчидимми дейман сени?

Нега жимсан?

Ўзимнинг ҳам сенда гапим бор.

Қанақа гаплигига қизикдингми?

“Сурат” отлиғ алланарсасан сен.

Сийратинг кани?

Ҳамма суратда бўладими у?

Биламан, сўзлашга узун тил керак.

Сенда у йўқ.

Юқорида бўрттириб гапирдим.

Қулоғимга бегона товуш эшитилгани рост.

Чучук тилинг билан мени чақирмоққа урингансан ҳойнаҳой?

Ишора қилсанг бас,

Сени дарров тушуниб оламан.

Ўзингни кўп ҳам қийнама.

Эҳтимол, орқангдаги тиргак сийратингдир.

Ёки сени девордаги михга илиб қўйганларида, ўша михни сийрат деб тушунсан бўлади.



Шундайми?
 Қаддингни ерга урмай, баландга кўтарадиган шулар-ку.
 Сен кабиларнинг бари тиргакка тиралиб, михга илинмаган.
 Улар қолип(рамка)га кирмаганлари учун шундай.
 Ҳайрон буламанки, сийрат нега яширин?
 Ошкор этса бўлмайдими ўзини?
 Балки, менинг фикр юритмоғим сабабидан ушбу навъ бўлса-чи?
 Қачонлардир ақлимни ишлатмоғим шарт-ку, ахир.
 Сийратни сен яшириб турганинг менга аён.
 Уни билишдан маҳрум этмоқчимисан мени?
 ...Туҳматга қолдинг.
 Адашдим чоғи.
 Жонкуярлигинг ёдимдан кўтарилиди.
 Эшикдан кирганлар суратларгагина қизиқишиади.
 Сийратни унутаёзадилар.
 Сен эса уларга орқа ўгирасан.
 Бирордан ранжимадинг.
 Бошқалардан юз ўгирганинг ҳам йўқ.
 Уларга сийратни кўрсатмоқчисан, холос.
 Бирор бемаънилик кўнглингга келмади.
 Томошага кирганлар буни ўзгача тушунишиди.
 Бошқача хаёл қилдилар.
 Куч ишлатиб сени дунё билан юзма-юз қилиб қўйишиди.
 Устингдан кулган каби ярамас нигоҳлар билан бечора ҳолингга бир зум тикилдилар.
 Улар кетишгач яна орқа ўгирдинг.
 Сени четроқдан кузатиб турувдим.
 Ўтган куним эсимга тушди.
 Ўзимни ўзимга эслатдинг.
 Бир пайтлар мен ҳам сендеқ иш тутганман.
 Бундан наф чиқмади.
 Сени тушунаман.
 Ҳозироқ бошқача йўл тутсанг қийналасан.
 Аста-аста кўникасан.
 Худди мендек.
 Ҳозирги қилмишинг нотўғрилигини тушуниб етасан.
 Ўз ҳолингча қолавер.
 Бошқаларнинг ўзи орtingдаги нарсани илғасин.
 Деворга қандайин илиниб турганинг қаддинг қай холда тик турганига ажабланишмайдими?
 Демак, орtingда нимадир бор.
 Ўзлари сурат орқасига яширин сейф қурмаганимидилар.
 Орtingда беҳисоб бойлик борлигини унугтиб қуишигани ақлга сифмайди.
 Сени кўриб эсламайдиларми?
 Бу суратларнинг бари Эслатма экани уларнинг ёди-дан кўтарилиган.
 Эслаганларнинг нажот топиши ҳақида хушхабар этиб келмаганимиди?
 Нега икки дунё саодатини кўзламайдилар?
 Уларнинг ҳаммасида очик кўз бор эмасми?
 Қўнгил кўзлари уйқудадир эҳтимол?
 Қандай уйғотсан бўларкан?
 Буниси менга қоронғи.
 Шу жумбоқقا жавоб излаб юрибман.
 Сенга айтадиганларим ушбу.
 Бошқа гап-сўз қолмади.
 Кейинги суратларга ҳам тикила қолай.
 Лозим топсан улар билан суҳбат кураман.

Айтганча, менга Мусавирнинг қаердалигини айтольмайсанми?

Шу ҳақида бирор ишора қилмадинг.

Ҳечқиси йўқ.

Бошқалардан сўраб кўрай.

Улар билишлари мумкин.

Томошага келганман.

Токи томоша вақтим тугамагунча шу атрофда изғиб юраман.

ИККИНЧИ СУҲБАТ

Тобут ва бешик

Тобут бешикдан сўради:

– Бу не ҳол? Дам олдинга юрмоқчидексан, дам орқага? Мақсадинг не?

Бешик айтди:

– Қаршимда турли йўллар турибди. Шуларнинг қай биридан юришга ҳайронман. Бошим қотди. Ўзинг-чи? Ўзинг шошилиб қаерга бораётисан?

Тобут деди:

– Ўйлаб нима қилдим. Менинг борар ерим аниқ...

Бешикка пиҷирладим.

Ҳой, эшитяпсанми?

Мени танимадинг чоғи?

Мен анави жиннинман.

“Дарвеш” деган лақабим бор.

Бир ишнинг бошини тутмай кўча санқиб юрадиган бола бор-ку.

Ўша менинман.

Танидингми?

Таниган бўлсанг кел.

Бирпас гаплашиб ўтирайлик.

Бошқалар билан гаплашгим келмайди.

Улар нуқул майда-чуйда нарсалар ҳақида талашиб тортишадилар.

Менинг гапларимни эшитмайдилар.

Сўрамасалар гапирмайман.

Сен эса гапимни бўлмай мени эшитиб ўтиравессан.

Гапларим чин бўлса ҳам, уйдирма бўлса ҳам эътирозинг йўқ.

Ҳозирги демоқчи бўлғанларим сенга тааллуқли.

Сен бешиксан.

Устингдаги қават-қават матолар мен учун сени дунёдан тўсиб турган пардалардай туюлмоқда.

Бу пардалар бир четга сурилсагина уни кўра олишинг мумкин.

Нега дунёни сендан яширадилар-а?

Эҳтимол сени ундан яшираётган бўлсалар-чи?

Ёмон хаёлларга берилма.

Шундай ҳам бўлса бордир.

Ўйлайсан-ки, тагингдаги икки қават кўрпачани ҳисқилиб, бу дунё деганлари нақадар юмшоқ, нақадар майнин, оромбахш.

Мен аниқ кўриб турибман.

Кўрпачадан бир қадам кейин – гилам.

Гиламдан тўрт-беш қадам сўнгра – қаро ер.

Дунё қанчалик алдамчи!

Қанчалик айёр ва муғомбир.

У сени аврамоқда.

Кулогингдан тортқилаётган одамзоднинг қўллари сен учун тошдек қаттиқ бўлиб туюлмоқдадир.

Уларнинг бу қилиғи сенинг жонингга теккани аниқ.

Доимо кулогингдан ушлаб тортгандари тортган...

Кулогинг узилиб кетмаганига қойил!

Баъзи-баъзида тинч қўядилар.

...Пардалар бир четга сурилганида ҳали дунёни кўришига улгуарсан.

Кўрасан-у, таажжубинг ошади.

Кўзларингга ҳайрат тўлади.

Савол назари билан атрофингга аланглайсан.

Кулогингдан ушлаб сени ўзи томон торттаётган одам зодга анграйиб тикилиб қоласан.

Иккинчи томонингга ҳам қайриласан.

Бу томон бўм-бўш бўлади.

Савол туғилди сенда.

Иккинчи томонингдан ким сени ўзи томон тортқи-ламоқда.

Манави бўшлиқми?

Дунё деганлари шудир.

Ҳа, албатта.

Бир томондан одамзод, қарши томондан дунё сени ўз-ўзларига тортмоқдалар.

Сен мана шу иккови ўртасида талашсан гўё.

Уларнинг орасида туриб бошингга бошқа хаёллар қўйилиб келади.

Булар сени ўзлари томонга тортмоқдамилар ёки бир-бирларига бериб юборишмоқчими?

Қизик!

Одамзод сени дунё томонга суреб қўймокчидек.

Дунё эса аксинча.

У сени одамзод тарафга силжитяпти.

Мана сенга – дунё!

Сен билмоқчи бўлган нарсаларнинг ҳаммаси шу.

Чалкаш-чулкашликлар сени қуршаб олган.

Тўғри деганинг хато.

Хато деганинг тўғри дейишга мажбурсан.

Барчасини хаёлингдан чиқар.

Бошидан ўйлашга туш.

Тагин шу гап.

Бошқачаси бўлмайди.

Ҳеч нарсани ўйламай, бир ерга тикилиб туравер.

Зерикмаслигинг учун бошқа нарсалар ҳақида гапириб берай.

Ҳозирги кўрганларинг ҳаммаси эмас.

Бошлангич таассурот.

Сен беланчакни кўрмадинг.

Мен уни биламан.

Ёшлигимда кўрганман.

Сал-пал эсимда.

У ҳам сен каби икки ўт орасида сарсон бўлгани -бўлган эди.

Тузилиши тахминан шундай.

Яп-янги узун арқон икки қават қилиниб, унинг бир учи эшикнинг зулғига, иккинчи учи қарши томондаги дераза дастагига боғланади.

Ўртада арқонларнинг ораси салгина кенгроқ очилиб, устига кўрпача тушалади адашмасам.

У кўп вақт одамзод ва бўшлиқ орасида тебрангач, охир-оқибат ҳайвоний ҳирсига боғланди.

Яъни бўшлиқ томон силжиб кетди.

Шу билан талашиб-тортишиш тугади.

Менга унинг бу қилгани ёқимсиздай.

Бутун умр аввалги ҳолишини дуруст кўрардим.

Сенга демоқчиманки, унинг ишини такрорлаб ўтирма.

Бошқача йўл тут.

Кузатган эдимки, одамзод беланчакни дунё томон силжитиб юборарди, вассалом.

Уни ўзи томон торттиб ўтирмасди.

Четга тисланарди.

Беланчакнинг ҳар икки томонидан бўшлиққа тортлишига индамай қараб тураверардилар(!)

Балки унинг менинг кўнглимдагидек иш тутмаганига бошқалар сабабчидир.

Беланчакнинг бунда айби йўқдир.

Хайриятки, сен бешиксан.

Одамзод сени ўзи томон тортмаслиқдан иложсиз қолган.

Умуман, атрофингдаги жонли-жонсиз нарсаларни эринмай кузат.

Тўғри йўл қайси эканини кўрсатиб турувчи Аломатларни уқиб ол.

Тобутга кўзинг тушса, уни нега бошларига кўтаришларини ўйлаб кўр.

Унинг бутун танаси хокисор.

Сен эса ҳар дам ердан оёғингни узмоқчи бўлаётганингга ақлинг етар шунда.

Ўзингдаги камчиликни бартараф этишга уринарсан балки.

Нега бу сўзларни сенга пичирлаб айттаётганимга ҳайрон бўлма.

Кимдир буни эшитиб хонага кирса суҳбатимиз бўлиниди.

“Ким билан гаплашашпсан?”, деган бемаъни саволларни бера бошлайди.

Мен бўлсан бешик билан деб тўғрисини айтаман.

Кирган киши устимдан кулиб хонадан чиқиб кетади.

Буларни сенга айтмасам ҳам бўларди.

Гап йўғида айтдим-да.

Тилимга бошқа сўз келмаяпти.

Шундай экан, омон бўл, бешиквой.

УЧИНЧИ СУҲБАТ

ҚАМЧИН ВА ЖИЛОВ

Қамчин жиловга айтди:

– Намунча тепса тебранмассан.

На пастга тушасан, на тепага қўтариласан?

Мен каби кўкка интилсанг бўлмайдими?

Қарасанг-чи, сендан тобора юкорилаб бормоқдаман.

Жилов деди:

– Отни югутиримоқ учун сен кераксан.

Ютурган отни тўхтатмоқчи бўлишса мендан нажот кутишади.

От югурса сен чавандоздан йироқ кетасан.

Мени эса ўзларига тортадилар.

У тўхтаса мени қўйиб юбориб, сени ўзларига яқин тутишади.

Сен айтганчалик бир ерда турганим-турган эмас асло.

Қамчин қўлимга тушса таъзиини бермоқчи бўлиб юрувдим.



Бир куни тасодифан йўлимда учраб қолди.
Бировникимикан деб тўрт томонимга алангладим.
Ҳеч ким кўзимга кўринмади.
Аста уни қўлимга олдим.
Койий бошладим.
– Лойга беланиб ётибсанми, қамчинжон!
Ўзингга ўхшамай қолибсан-ку.
Жуда эскиргансан.
Нимжонсан.
Қайси отнинг устидан тушиб қолдинг.
От сени түёклари билан босиб ҳам ўтгандир.
Сенга айтадиганларим кўп.
Бир ерга ўтириб олмасам оёқларим оғриб қолади.
Манави тўнка устига ўтира қолай.
...Сенга танбех бермоқчи эдим.
Қарасам ўпканг тўла.
Салга йиглайсан дея насиҳат қилмоқчиман.
Бир пайтлар отга қизиқсансан, биламан.
Унда ҳозиргидек нимжон бўлмагансан.
Сергайрат, айни кучга тўлган пайтларингни айтаяпман.
Отни ҳамиша югуртиришга ошиқардинг.
Югуртирганинг югуртирган эди.
Ниманинг ортидан кувиб етмоқчи бўлгансан.
Мақсадинг бормиди ўзи?
Ўйлагансанки, отни қанча тез югуртирсанг шунча азизсан.
Сени шунчалар тепага кўтарганилари-кўтарган бўлишарди.
Мен бу ҳолатни бир чеккадан кузатиб тургандим.
Ўшандан кейин сени бир кунмас-бир кун учратиб қолсам, танбех бермоқчи бўлиб юрувдим.
Билмадим, сен ўшамисан ёки бошқаси?
Бошқа бўлганинг билан барибир ўша мен кўрган қамчиннинг ишини такрорлаганинг аниқ.
Бу телба нега менинг бошимни қотираяпти, деб хаёл қилма.
Ҳали бунга хурсанд бўласан.
Шунинг учун гапларимни охиригача эшит.
Яна қанча билмадим-у, аммо хизматга ярайдиган кўринасан.
Йўқса бу гапларни сенга айтиб ўтиргаган бўлардим.
От билан боғлиқ хотираларингни эсга ол.
Аввало, унинг устига чиқиб олгансан.
Кейин секингина қамчилагансан.
От йўрғалай бошлаган.
Қаттиқроқ қамчилаганингда у югура кетган.
Шу йўсун ишингни давом эттиргансан.
Чавандоздан тобора йироқлашиб бораётганингга кўзинг тушмадими?
Жиловнинг унга яқинлашаётганини ҳам кўрмагандирсан.
От тўхтаб бир ерга боғланди.
Чавандоз сени белбоғига қистириб, бирровга қаергадир кириб чиқмаганмиди?
Шундагина унга яқинлашганингни сезмаганмидинг?
Сезгансан.
Аммо, отни югуртириш иштиёқи сени тарк этмаган.
Тағин чавандоздан йироқлаша бошлагансан...
Сени кузатиб туриб қамчилаяпсанми ёки нимагадир ишора қилиб, кўрсатмоқдамисан деган шубҳа ўйғонганди менда.
Бир пайтлар мактаб чоғлари устозимиз ёзганларини доскадан кўрсатиб турадиган узун таёклари ёдимга тушди.

Тартибни бузсак шу билан савалаб турардилар.
Нақадар гумроҳсан сен!
Кўзларинг кўр!
Ўзинг кўрсатиб турган нарсани наҳотки пайқамаётган бўлсанг.
Сен отнинг орқасига қамчиламаяпсанми ахир?
Унинг шаҳвоний ҳирсини қўзғовчилари айнан мана шу томонида.
Демак, нафсу бало ҳар кимни кераксиз нарса ортидан югуришга мажбур этади дегани эмасми бу.
Ҳеч нарсага эришмай бутун тананг қақшаб оғригани қолади холос.
Чарчоқ бутун вужудингни эгаллайди.
Ҳолсизланасан.
Жиловга ҳам термулиб қарамадинг.
Буларнинг бари тўғри йўлни кўрсатувчи Аломат эканини қаердан ҳам билардинг сен бадбахт.
Нафсингни тийишингга ишорамасмиди булар.
Ўзингдаги отни югуртирмаққа бўлган иштиёқни сўндиришинг лозим эди.
От югурса жиловни тортиб уни тўхтатадилар.
Ёки керакли томонга буришади.
Жилов отнинг бошига тақилганини кўриб турган эдинг-ку.
Нафсинг сени түғёнга солганида ақлингни ишлатишинг кераклигини билдирувчи Аломатни ҳам тўғри англай олмадинг.
Мана энди от сени устидан тушириб, босиб ўтиб кетганига нима дейсан?
Сен яна бу дунёнинг ноз-неъматларига ўч эдинг.
Буни аниқ кўрганман.
Чавандоз сени восита қилиб отнинг қорнига ниқтаса, от бирдан тез ҳаракатлана бошлаган.
Мен эса сенинг нафсинг бузуқ эканини шундан билб олганман.
Қаттиқлик бошингда бор.
Бу бўлмағур ҳаёлларни сураётганингдан дарак.
Жилов бўлса бундай ўйларни оёғи остига олган.
Калондимоғ бўлма.
Жилов билан яраш.
Ундан билмаганларингни сўраб ол.
У айтсин.
Йўл бошида от кўринди.
Хойнаҳой, эганг сенинг тушиб қолганингни пайқаб, ортига қайтиб излашга тушган.
Сени тўнка устидан қолдираман.
Топиб олишлари осон бўлади.
У ҳали йироқда.
Кутиб ўтиришга вақтим йўқ.
Сен билан гаплашаман деб талай вақтимни йўқотганим етар.
Сўзларимни унутма.
Айтганимдай қил.
Чавандоздан айрилмасанг бўлгани.
Яхши қол, қамчинжон.
Менимча, сен билан қайта учрашмаймиз.

ТЎРТИНЧИ СУҲБАТ

ТАЁҚ ВА ҲАССА

Таёқ ҳассадан сўради:
– Сен-у мен бир дарахтнинг иккита шохларимиз.

Аммо нега сенга суюнишади-ю, менга эмас.

Ҳасса деди:

– Аслида уларнинг мақсади заминга таяниш холос.

Сен эса оёғингни ердан узиб йўқликка қадам қўй-гансан.

Шундай экан, сенга суюнмасликларидан нолиганинг нимаси?

Бунинг сабабини нега мендан сўрамоқдасан?

Сурув кўча чангитиб кетаётувди, дараҳтнинг бош бармоқдек келадиган бир танаси ўз тўпидан ажралиб уларга эргашди.

Ёқинқирамай унга боқдим.

Жойида қолаверса бўлмасмиди?

Аввалига қўйларга яқин бормади.

Мени уларнинг эгаси деб ўйлади чоғи.

Очигини унга айтдим.

Бекор қилдинг.

Ҳалиям ортингга қайт.

Қайтишни истамаётган бўлсанг билиб қўй: мен бу қўйларнинг эгаси эмасман.

Шунчаки бир ерга бораётувдим.

Йўлимда мана булар пайдо бўлди.

Уларни ҳуркитиб юбормайин дея секингина ортла-ридан бораяпман.

Улар қаерга боришини билади.

Тезроқ бошқа томонга қайта қолсайди.

Чанг-тўзондан нафасим бўғилиб бормоқда.

Бир-икки йўталдим ҳам.

Сенга бекорга юзимни буришириб гапираётганим йўқ.

Ҳаммасига чанг сабаб.

То йўлларимиз айрилгунча гаплашиб борайлик.

Ҳозирчалик ҳамроҳим экансан, сенга гапирмоққа ҳаққим бор.

Биласанми, бошинг қайси-ю тананг қайсилигига ҳалиям ақлинг етмадими?

Шунча гапни юзингга айтдимми ёки танангга қараб айтдимми, ҳайронман.

Менимча, йўғон томонинг бошинг бўлса керак.

Ингичка тарафинг – тананг.

Бошинг танангга чатишиб кетгани яхшилик аломати эмас.

Танангнинг истакларига буйсунайтгандек кўринаяп-сан менга.

Ҳа, шунақа шекилли.

Тананг олдинда бормоқда.

Бошинг эса орқада.

Бу кўчадан ҳасса ўтмадими?

Уни кўрмаганимдинг?

Унинг боши танасига мойил эмас.

Боши бошқа томонга ўсган, танаси бошқа томонга.

Ҳаракатлари ҳам сеникidan фарқ қиласди.

Аввал боши олдинга силжиб, сўнг танани ўзига эр-гаштиради.

Эҳтимол шошилаётганинг учун ҳам шундайдир.

Шошилмаганингда бошқача юрган бўлармидинг?

Ўшанда сенга суюнишган бўлишарди.

Кўйсанг-чи шу қўйларни.

Уларга эргашиб нима қиласан?

Ўз танлаган йўлингдан юрганинг маъқул эмасми?

Аслида, шулар сени довдиратиб қўйди.

Оёғингни қўлингга олиб уларнинг ортидан югу-моқдасан.

Айтиб қўяй:

Токи қўйларни қўрасига қайтариб олиб келиб қама-магунингча тинчмайсан.

Қамагач ҳам сенга тинчлик йўқдир балки.

Уларни бирма-бир санашга тўғри келар.

Сўзларимга эътиroz қилмай йўлингдан ҳам қол-маётганингга қараганда мени ўтакетган мугомбир, деб ўйлајсан чоги.

Мени орта қайтариб ўзи қўйларга эга чиқмоқчи де-ган хаёлларга боряпсанми?

Асло!

Менга буларнинг кераги йўқ.

Тинчгина сокинлиқда яшаганим маъқул.

Булар нимага учлигини биласанми ўзинг.

Тикан гулини хуш қўришади.

Сени улар тиканзорга етакламоқда.

Тошга қоқилиб йиқилсанг ҳам, товонингга тикан ки-риб дод-вой солсанг ҳам уларнинг сен билан иши йўқ.

Бошини бир қўтариб қарайди-да, на сенинг ҳолингга ачинмай, на устингдан кулганга ўшамай яна бўйини пастига эгади.

Уларнинг юзида бирор ўзгаришни сезмайсан.

Қоринлари тўйса бўлгани.

Сен билан неча пуллик ишлари бор.

Бу гапларимни тинглаб тананга ёки манави бир гурух қўйларга нафратинг қўзғалмасин тағин.

Мен бу иккисини тилга олиб, сенинг нафсингга эрга-шиб бораётганингни айтмоқчиман.

Шайтоннинг турли ҳийла-найранглари, унинг қа-нақалиги, сени қандайин йўл билан аврамоқчи эканини мана шулар кўрсатиб турадилар.

Қўйларингнинг бўлгани яхши.

Қанча кўп бўлса шунча дуруст.

Фақат сен мол-давлатинг борлигидан кибру ҳавога берилмасанг бўлгани.

Вақти келганида чорвангнинг закотини бер.

Қолган фурсатларда хайр-эхсон қил.

Қолаверса, танангни покиза соғлом саклаш сенинг бурчинг.

Унга наҳс тегиб ифлосланишига йўл қўйма.

Мана, қўйлар бошқа томонга бурилди.

Сен уларнинг ортидан эргаш.

Менинг йўлим бошқа томонда

Қайтаётганимда яна қўришамиз.

Унутма, қўйларни қўрасига қамаганингдан сўнгина тинчишинг мумкин.

Унгача ҳар томонга югуравериб, жонинг халқумингга тиқилади.

БЕШИНЧИ СУҲБАТ

ТОР ВА НОХУН

Тор нохундан сўради:

– Эй ситамкор, намунча менга азоб бермасанг? Сени ҳеч учратмаган эдим. Танимасдим. Қаердан пай-до бўла қолдинг?

Нохун деди:

– Тепага тортилмаганингда ёнингга яқинлашмаган бўлардим. Тепага тортилганинг сабаб энди сен билан биргаман.

Гоҳида бармоқларим ҳақида ўланиб қоламан.



Ўзимга ёққан нарсаларимни бармоқларим билан ушлаб, майнингина силагим келади.

Айнан шуларнинг устида тирноқларимнинг борлиги менга бошқача туюлиб кетди.

Эҳтимол, улар қичиган жойни қашлаш учундир.

Ахир, бирор ерим қичиса у ерни сийпалашдан не фойда?

Аммо, сочнинг бир толасидек нозиккина торни шу тирноқларим билан шунча пайтгача азоблаб келибман!

Бу эндиғина хаёлимга келди.

Айбимни ювиш учун ундан узр сўрамоқчи бўлдим.

Унинг ёнига бордим-у, гапни нимадан бошлашни билмай узок вақт уйланиб қолдим.

Кейин бир чеккадан гапни бошладим.

Буни қарагин-а, торвой.

Бугун тирноқларим остидан кир қидираётувдим хаёлимга сен келдинг.

Эт ва тирноқ қил ўтмас биродар.

Вақти келганда шу тирноқ биродарини азобга солади. Боши кирга тўлган бўлади у пайтда.

Ўзимнинг тирноқларим ҳақида гапирайпман.

Қолаверса, булар билан сени роса азоблаган эканман.

Мен ўзи куй чалишни билмайман.

Негаям сени чалмоқчи бўлдим, ҳайронман.

Деворга қарасам сени кўрдим.

Шартта олдим-у чалдим.

Ҳеч кимга ёқмайдиган қандайдир оҳанг яратдим.

Охири марта шундай бўлганди.

Бундан илгари ҳам сени кўп бор чалмоққа уринганман.

Гапнинг очиги сендан узр сўрамоқчи эдим.

Ўйлаб қарасам сени қўйноққа солиб қўйибман.

Бундан кейин сира сенга қўлимнинг учини текизмайман.

Зерикмагин, деб қўлимга оламан-да алланарсалар ҳақида сенга сўзлаб бераман.

Аммо чалмайман.

Фақат мени кечирсанг бўлгани.

Мени кечирасанми?

Майли, сўккинг келса сўқавер.

Хафа бўлмайман.

Мен шунақаман.

Бирор урса ҳам, сўкса ҳам ишим йўқ.

Кўнглингта олмагин-у, бир гап айтаман.

Сени чалишмаса дилга ёқадиган куй таралмайди-ку.

Чалсам гуноҳга ботаман.

Чалмасам бўлмайди.

Бу қанақаси бўлди?

Йўқ, аҳдимдан қайтмадим.

Бу ишга сира қўл урмайман.

Уйимнинг бир бурчини безатиб тургин холос.

Сендан бошқа талабим йўқ.

Чукурроқ ўйлаб қарасам, нималарнидир менга эслатмоқчи дайсан.

Нимагадир ишора қилаётганинг аниқ.

Сен билан боғлиқ нарсаларни эсга олсам ҳаммаси ойдинлашади.

Созанда куй чалмоқчи бўлди.

Қўлига танбурни олди.

Унга биринчи торни ўрнатди.

Чалиб кўрди.

Оҳанг яхши чиқмади.

Иккинчи торни ҳам пайдо қилди.

Нафис куй таралди.

Мен бунда ҳеч бир Аломатни кўрмаяпман.

Эҳтимол, танбур ҳакида фикр юритиш имадир.

Ахир сен унга боғлиқсан-ку

Ҳа-да!

Нега буни аввалроқ ўйламадим.

Танбурнинг икки қисмини кўраяпман.

Коса ва дастак.

Коса қисмининг ичи бўш.

Дастаси эса бутунликдан иборат экани менга аён.

Бўшлиқ сип-силиқ.

Бутунлик бўлса дағал.

Унга боғланаётганингда ўйлингдан тўсиқлар учраган албатта.

Мана у тўсиқлар...

Ийқилсанг ҳам ўрнингдан туриб олдинга силжийвергансан.

Охири мақсадингга етгансан.

Ҳайрон бўламанки, нега буткул Унга берилмадинг.

Бўшлиқни тарқ этиб кетмагансан.

Бошинг бутунлик билан банд-у, бўшлиқ оёғинг остида.

Балки бундай қилмаганингда бирор сени қўлга олиб чалмасмиди?

Ҳамманинг кўзига кўринмаганингда сенинг сўзсиз ва товушсиз имо-ишораларингта каердан ҳам тушунишган бўлишарди?

Деворга қандайин илиниб турганингни кўришмайдими?

Сени тепага кўтариб турган мана шу бутунлик.

Пастга тортаётган бўшлиқни ҳам кўздан қочирган кўринадилар.

Мен ҳаммасига тушундим.

Ўзим яшаб юрган дунёнинг иккига ажралганини салпал фаҳмлаганман.

Сен буни тасдиқладинг.

Сендеқ бутунликка интилиш имадир.

Йўлимда учрайдиган тўсиқларга сабр этишга бардошим етармикан?

Мени икки томон ўз-ўзига жалб қилмоқда.

Бўшлиқ томон силжисам нафсимга забун бўламан.

Бўшлиқ устида сени елкасига кўтариб турган алланарсанинг ҳайвон номи билан аталиши шунга ишора эмасми?

Бу дунёнинг бўшлиғини, сип-силиқ бутунлигини дағал кўраётганим аниқ-ку.

Энди ҳаммасини ўз ҳолиша кўришга ўрганмоғим лозим.

Бир жиҳат эътиборимни тортид.

Танбур Созанда қўлида.

Ноҳун Унда.

Сени У тутиб турибди.

Демак, бу ерда мен билишиб шарт бўлган яна баъзи асосий гаплар бор.

Сендан биргина узр сўрайман деб шунча нарсани билиб олдим.

Мени кечирдинг, деб ўйлайман.

Танбур чанг босган кўринади.

Уни артиб қўяй.





Истам АХМЕДОВ

Бахтимни шамоллар тўзғитиб кетди

* * *

*Садо бер, муҳаббат, сен берган ҳар сас,
Қалбимга жон бериб ботгувчи ўқдир.
Оҳ, сени ўйлаган тунларим – тунмас,
Сени ўйламаган куним ҳам йўқдир.*

*Қизгалдоқ чиройин сочар адирга,
Юзига капалак лабин босар жисм.
Сенинг қучогингда, сен билан бирга,
Бир лола умримни мен ҳам яшадим.*

*Энди унинг каби қўксимда қондир,
Бахтимни шамоллар тўзғитиб кетди.
Сен кетган маконинг қайси макондир,
Севгилим, изларинг қайларга етди...*

* * *

*Мен сенга ҳеч қачон тутмасдим қўлим,
Қўлларинг кафтими куйдирмагандা.
Мен сени ҳеч қачон севмасдим, гулим,
Юрагим суйгин деб сүйдирмагандা.*

*Мен сенга ҳеч қачон бермасдим озор,
Агар муҳаббатим рашиксиз бўлганда.*



*Ва лекин тунлари чиқмасдим бедор,
Бу юрак сенсиз ҳам яшай олганда.*

* * *

*Кўй, муҳаббат, чорлама,
Сен мени коишонангга.
Лола қисмати сенинг
Ёзилмии пешонангга.*

*Мен унинг дудогидан,
Бир бор ичганман шароб.
Багрим қон, дилим оғрир,
Дастидан ул майи-ноб.*



*Кўргани не шўрликнинг,
Шамол сўнгги матлаби.
Сен ҳам сал шабадага,
Тўкилгайсан у каби.*

*Кўй, муҳаббат, чорлама,
Сен мени коишонанга.
Лола қисмати сенинг
Ёзилмии пешонангга.*





Зариф ҚУВОНОВ,
Навоий давлат педагогика
институтининг катта ўқитувчиси

САККИЗИНЧИ МҮЊКИЗА(МИ)?

Миср эхромлари деворларига «буғунги ёшлар ўзгариб кетган» деган ташвишли гаплар ёзиб қолдирилган экан. Дарҳақиқат, ҳар бир давр ёшларининг тарбиясига ўша даврнинг муҳим муаммоси сифатида қаралган. Буғунги кун ёшларининг қўлга киритаётган ютуқлари ва тарбия борасидаги муаммолари ҳақида кўп гапирилмоқда. Тарбия ва таълимнинг мавсумий вазифа эмаслиги ҳам барчамизга аён ҳақиқат.

Ёшларимизнинг кейинги пайтларда китоб ўқимаслиги, бадиий адабиётдан узоқлашаётганлиги киши дилини ранжитади. Касбим тақозосига кўра адабиёт фанидан талабаларга дарс бераман. Филолог талабаларга қаратилган «Ким қандай китобларни ўқиган?», «Яқинда қандай китоблар ўқимоқдасиз?» деган сўровларим кўпда жавобсиз қолади. Келинг, буни яширишнинг ҳожати йўқ, ёшларнинг аксари мактаб дарсларидан берилган Абдулла Қодирийнинг «Ўтган кунлар», Чўлпоннинг «Кеча ва кундуз», Ойбекнинг «Навоий» каби асарларининг парчалари билан таниш холос. Улар дарсларда берилган парчани ўқиб, «мен фалон асарни ўқиганман» дейишдан уялмайдилар. Бу эса Навоийнинг «Лисон ут тайр» достонидаги «Кўрлар ва фил ҳикоятини» эслатади. Биламиз, унда кўрлар филнинг қайси аъзосини ушласа, фил дегани шу экан деган тасаввурга боришгади.

Бугун ҳалқимизнинг маънавий хазинаси – бадиий китобларни тарғибот ва ташвиқот қилиш яхши йўлга кўйилган. Биргина улуғ шоир ҳазрат Алишер Навоийнинг йигирма жилдлик асарларининг интернет саҳифаларида жойлаштирилиши ва уларни ҳалқимизга белупул тарқатилишининг ўзи ҳам маънавиятга эътиборнинг нишонаси эмасми?

Ёши катта авлод вакиллари ўз ёшликларини эслаб, Достоевский, Толстой, Шекспир, Гёте сингари даҳо санъаткорларнинг асарларини ўқиб, улардан олам-олам завқ туйишгани билан фаҳрланишади.

Ҳанузгача бу ижодкорларни қўлдан қўймай ўқийдиган кишиларга ҳавас қиласан киши.

Инсон ўз мақсадига эришишмоқ учун ҳар доим осон йўлни қидиради ва ниятга эришишни осонлатмоқ истайди. Мен китоб мутолаасини ҳам шунга ўхшатгим келади. Китобхон тушуниши қийин асарларни эмас, кўпроқ олди-қочди енгил-елпи битикларга ўч бўлиб боряпти. Бундай асарларнинг тили бадиийликдан анча йироқ, жўн. Улар ўкувчига фақатгина бирламчи, яъни ташки воқелик ҳақида маълумот беради, холос.

Машхур файласуф Зегмунд Фрейд инсон онгини англанган ва англанмаган (онг ости ёхуд онг усти) воқелик турларига бўлади. Бизга ташки воқелик фақат онг усти қўриниши бўлса, уни, яъни воқеликни мушоҳада қилиш, фикрлаш орқали фаолиятнинг иккичи қўриниши – онг ости ҳаракати юзага келади. Бу орқали биз энди, доим «ардоқлаб» юрадиган, инсонийлигимизни бошқа яратилганлардан юқори қўювчи онгимизни, мия фаолиятимизни ишга соглан бўламиз. Бу оддийгина тажрибага сиз кроссворд ечаётганинг гизда кўп бор дуч келгансиз. Жавоби топилмаган савол сизга тинчлик бермайди, уни топиш учун онг ости фаолиятингиз ёрдамга келади. Шунда хотирангизнинг қайсиdir пучмоқларида «яшириниб» қолган жавоб топиладио, бирдан «ух, топдим!» деб юборасиз. Келинг, энди юқорида бошланган мавзуга – китоб ўқиш, инсон хотирасининг имконияти ҳамда ёшларнинг нега китоб ўқимаслик муаммоларига қайтсан. Аслида буларнинг барчаси, катта-катта мақола, баҳс-мунозараларга сабаб бўладиган мавзулар.

Кўпчилик китоб ўқишни билмайди ва кўп кишилар нима учун ўқиётганини тузукроқ тушунмайдилар. Баъзилар буни ўқимишли бўлишнинг қийин, бироқ ягона йўли деб билади. Улар учун ҳар қандай китоб кишини «ўқимишли» қиласди. Бошқа бировлар учун эса ўқиш – бу дам олиш, шунчаки вақтни ўтказиш ва уларга ни-

мани (мақола, роман, шеър, хабар ва ҳоказо) ўқиши бариди, зерикарли бўлмаса, бас. Ҳар биримиз, қайси касб эгаси бўлмайлик, имкон ва шароитимиздан келиб чиқиб, китоб билан муайян даражада мулокотда бўламиз. Ўлчовли ҳаётимизнинг маълум бир қисмини шунга сарф қиласми. Аммо қандай китоб ўқиши, унинг таъсир ва оқибатлари, умуман, нега китоб ўқиймиз, шу ҳақда барчамиз ҳам чуқурроқ ўйлаб кўрмаймиз.

Ўтган асрнинг машҳур адиларидан бирি Ҳерман Ҳессе китоб мутолааси ҳақида шундай ёзади: «Шунчаки дам олиш, вақт ўтказишни истаган ва «ўқимишли» бўлиш ҳақидагина қайрган китобхон китобдаги дилни покловчи, кишини руҳлантирувчи қандайдир номаълум бир кучни сезади. Бироқ, бу кучни у аниқ тасаввур этолмайди ва баҳолай ҳам олмайди. Бундай китобхон тиббиётдан мутлақо бехабар беморга ўхшайди, яъни айнан ҳайси дори кераклигини тушунмасдан, ҳар бир кутичадагидан татиб кўра бошлади. Аслида, мутолаа борасида ҳам ҳар бир киши ўзи учун зарур бўлган, янги куч ҳамда руҳий таъсир баҳш этадиган китобларни топа билиши керак эмасми?».

Бугунги ёшлар ўзларининг китоб ўқимаслик сабабини яхши асарлар яратилмаяпти, деган баҳона билан ҳаспўшламоқчи бўлишади. Ҳақиқатан ҳам шундайми? Ёхуд, нега биз «кел, яқинда ҳайси асарни ўқидингу, у сенга ёқмади» деган саволни ўзимизга бериб кўрсак ёмон бўлмайди. Машҳур инглиз адаби Ж.Жойс “менинг асарларимни юз йилдан кейин инсоният тушунади” деганда нимани назарда тутган. Инсониятнинг ақлу тафаккури юз йилдан кейин ўсади, шунда мени тушунади дебми? Чиндан ҳам ўша ақл эгалари ўз давридан юз йиллар илгарилаб кетганимиди? Ёхуд Навоий асрлар оша илгарилаб, Вақт ва Келажакни енганимиди?

Адабиётимиз доимигидай ҳаракатда, «миллат яшайдиган» (Чўлпон) адабиёт ҳеч қачон ўлмайди. Бир файласуф буюк китобхонлар пайдо бўлсагина буюк адабиёт пайдо бўлади деган ҳақ гапни айтган. Ҳозирги адабий жараён ҳақида озми-кўпми хабари бор киши, жаҳон адабиётининг энг зўр намуналари билан тенглашадиган асарлар, бадиият намуналари яратилаётганилигига шоҳид бўлади. Бизнинг бир айбимиз уларни ўқимаслик, тўғриси, ТУШУНМАСЛИК. Буни эса, бўйнимизга олмаслигимиз ёмон.

Ёзувчи Назар Эшонқул бугунги кун бадиий жараёни ҳақида, янада аникроғи, Фахриёр шеърларига муносабат билдириб: «Санъат тилсимланган қўргонга

ўхшайди. Унинг эшиги «сим-сим» деган калитни топмагунча очилмайди. Ҳарқалай, тилсимланган қўрғоннинг эшигини топгунча қанча қосимлар бу қўргон олдидан ўтиб кетишган. Ўтиб кетади ҳам... Агар бу тилсимни ҳамма ҳам тополганида эди, унда эртакнинг ҳеч қандай моҳияти қолмасди. Эртак эса моҳиятни тугун ичидаги тугунга яшириб кўяди. Ҳамма ҳам тугунини ечишга ҳафсала қилавермайди», дейди. Инсоният ҳамма замонлар бундай кўринишни тақрор-тақрор бошидан кечираверади. Нега биз бугунги кунда Фахриёр, Назар Эшонқул, Улуғбек Ҳамдам, Салим Ашур, Хуршид Дўстмуҳаммад, Эркин Аъзам, Нормурод Норқобил, Собир Үнар, Абдували Кутбиддин, Баҳром Рўзимуҳаммад ва яна кўплаб ижодкорларни билмаймиз ва уларнинг асарларидан бехабармиз?

Бугун бозор иқтисодиёти шароити тақозосига кўра адабиётимизда ҳам янги атамалар – «кўча адабиёт», «сариқ адабиёт» каби тушунчалар пайдо бўлди. Кўпгина хусусий газеталарда чоп этилаётган саёз асарларни ўқиб, яхшигина безак берилган, ялтироқ китобларни вараклаб, улар нимаси билан кишиларни ўзига тортмоқда, деган савол туғилади. Ўқувчига эстетик завқ бермайдиган, фикрлашга, мушоҳада қилишга унданмайдиган, аксинча, руҳиятига салбий таъсир қиладиган енгил-елпи асарлар кўпайиб кетаётгани ҳақиқатан ҳам, ачинарли ҳол. Уларни ўқиб, бугунги ўзбек адабиётидаги яратилаётган ҳикоя, қисса, романлар шу, деган тасаввурга борадиган инсонлар сафи эса ортаётганилиги ачинарли. Хўш, уларни «ҳикоя» ёхуд «қисса» номи остида берилишини қандай тушуниш мумкин? Улар факатгина ўқувчи дидини ўтмаслаштиришдан, асл бадииятдан йироқлаштиришдан ортиқ наф келтирмайди.

Китоб, бадиий адабиёт саккизинчи мўъжизага қиёс этилади. Мўъзижанинг мўъжизалиги шундаки, ундан инсон ҳайратланади, лол қолади. Китобни ўқиган, ундан завқу шавққа тўлган кўнгиллар мўъжизага дуч келади. Бугунги ёш авлод нечоғлик мана шу мўъжизага беэътиборлиги киши таассуфини оширади.

Бизнинг аждодларимиз адабиётни, санъатни жуда нозик тушунган, қадрлаган, санъатнинг асл на муналарини яратган ҳамда ундан завқлана билиш кўни масига ҳам эга бўлган. Адабиётни «миллат ойнаси» (Авлоний) деб билган. Биз энди ўзимиз ўқимаган китобни боламиздан «нега ўқимадинг», деб сўрашдан уялайлик. Энг аввало маънавий баркамоллик йўлида ўзимиз ўрнак бўлайлик.





Мухтор МАҒАВИН

ИККОВ

Ҳикоя

Бир кўрган – билиш, деган ҳалқимиз. Икки кўрган – таниш. Бир эмас, икки эмас... ўтган етти йил ичиде етмиш марта кўрибди. Аммо биламан деб ҳам, танийман деб ҳам айта олмайди. Исми ким? Асли қаердан? Ким бўлган, нима иш қилган? Бугунги ишининг маъноси нима? Ҳаммаси қоронғу. Қоронғу ҳам эмас, мутлақо номаълум. Фақат ҳозирги қасби ҳақидагина озгина тасаввури бор. Ё бизнес, ё ҳокимият. Ё хўжайин, ё хизматкор. Ишқилиб, тинчи камроқ. Вақти эса тақчил. Жуда тақчил.

Иккови тасодифан учрашишди. Ўшандада бир мактабда ўқиган, ўзига ўхшаган бева аёл театрга таклиф қилган эди. Чакирди-ю, энг сўнгги дамда ўзи боролмай қолди. Театр қаршисида, чиптани кўлига ушлатди-да, узр сўраб қолаверди. Бу эса анча саросимада қолди, бева қанча тайёрланган, энди шундоқ театр дарвозаси олдидан қайтмайди-ку. Илож йўқ, жилла бўлмаса бир пардасини кўриб кетай деб ичкарига кирди. Жойини топди, ўтириди. Олд қатор, бироқ сал четроқ экан. Фақат аввалгидай, буларнинг ёш пайтларида гидек тўда-тўда ҳалқ кўринмайди. Ярмидан кўпі бўш. Ва келгандарнинг ҳаммаси кекса, кекса бўлмасада ўтра ёшдан ошиб қолгандар. Ёшлар умуман йўқ. Оркестр уясидан скрипканинг чизилган, яна бир асбобларнинг узилган, ҳар хил товушлари эшитилади, куйини келтириб ётишибди. Ўткан кунларини, пешонасига ёзилган, ҳатто, бугун ҳам тоқ қолдирган ёлғизлигини ўйлаб, кўнгли бузилиб, маъюс ўтирган эди,

– Кечирасиз, хоним, – деган товуш келди қулоғига.
– Мен ўтиб кетсан...

Чиройли, қора смокинг кийган, қотма, капалак галстук таққан, ўтра ёшлардаги гавдали эркак. Қобоги қалин, лаби юқа, шиддатли экан. Аёл ўрнидан кўзғала бошлаган эди, яна бир илтимос қилди:

– Бетлашиб ўтишимиз қийин бўлар, бари бўш, ўттароққа силжисангиз...

Ўзининг хаёлида ҳам бор эди, энди иложсиз ўттароққа юришга тўғри келди. Ҳалиги эркак чап томонига, нақ ёнига ўтириди. Худди иккови театрга бирга келгандай. Шу пайт аста қоронгулашди. Ортидан саҳна пардаси очилди. Ўша қадимий, эскирмас “Аида” бошланди.

Бирдан сирли оҳангга аралашиб димоғига қиммат атир ҳиди урилди. Жуда олифта киши бўлса керак. Санъаткорми ё? Лекин юзи нотаниш. Ё режиссерми-кан? Балким, консерваториянинг профессори. Кўз қири билан қаради: У кўкиш сояда тош ҳайкал монанд қотиб қолибди. Умуман, ёмон одамга ўхшамайди.

Аёл ўзини жуда нокулай хис қилди. Биринчи саҳнадан кейин кетсамми, қолсамми деб ўтирган эди, энди нима бўлганда ҳам кетишга аҳд қилди. Тасодифан бирор кўриб қолса уят ахир. Нарироқ, бир-икки ўриндиқ силжиб ўтириш яна нокулай. Бунинг устига, болаларнинг чораклик назорат иши. Тезроқ кўриб, натижасини чиқариш керак. Боз устига мана бу киши... Ўз-ўзидан қисилиб, тинчи йўқолди. Бир дам юзига иссиқ тафт урилди. Ўша биқинидаги эркак нафаси экан.

– Бирон жойингиз оғрияптими?
– Йўқ... – деди у янада ўзини йўқотиб қўйиб. – Ҳа... оғриб...

Шундан сўнг нафас олиши жуда қийинлашиб кетгандай эди.

Нихоят, тантанали, дабдабали, зафарли биринчи саҳна тугади.

Аёл биқинидаги эркакка ботиниб қарашга ҳам ийманиб, иккичи томондан сидрилиб чиқаверди. Шошилиб пастга тушиб, кийимини олди. Тўхтамай ташқарига отилди.

Қалин қор ёғиб турган экан. Лайлак қор. Қалин, япалоқ, сувли, салмоқли қор. Ер яна шилп-шилп. Олмаетага дастлаб келган, ёшгина қиз бўлган бир замонда шундай, қиш ўртасида ҳаммаёқ шилпиллаб лой бўлиб ётарди. Жуда ёқимли кўринар эди. Ёш эди-да у

пайтлар. Ёғиннинг ўзи қизиқ. Ҳозир эса бу юпанчсиз, ташвишли кўнгилни янада маъюслаштириб юборди. “Театрда менга нима бор эди...” – деб ўйлади. Йўловчи машина тўхтатмаса бўлмайди. Сал-пал олдинга юриб, кўчанинг нариги юзига ўтиб, йўл тўсди.

Шу пайтда ғилдираклари беъхшов, катта автомобиль ёнига келиб тўхтади. Билади, бу – жуда қиммат машина. Янги чиқкан катта бойларгина минишса керак. Албатта, тўхтаган – бойнинг ўзи эмас, ҳайдовчиси. Имкон бўлганида беш-үн чақа ишлаб олмоқчи. Тўғри-да.

Джипми, ёки алламбало деб аталадиган қиммат машинанинг зинаси ҳам жуда баланд экан, эшикнинг тутқичини ушлаб, зўрға кўтарилиди. Машина эмас, кенг саройга киргандай бўлди.

– Вой... – Қадди кўтаринки, тик ўтирган ҳайдовчига кўзи тушганда беихтиёр овоз чиқариб юборди. Ўша, театрдаги нотаниш.

– Сиз экансиз-ку... – деди талмовсираб. – Кечи расиз... мен билмасдан...

– Билмаган киши машинани қўл кўтариб тўхтатмайди, тўғри юриб остига тушади, – деди нотаниш қандайдир дағал оҳангда.

– Тўхтатганим... лойгарчилик бўлгач... уйга етиб олиш ниятида...

– Қанча берасиз?

Аёл баттар ўнғайсизланди.

– Эллик тенге... – деди иложисизлиқдан.

– Яхши, – деди ҳайдовчига ўхшамайдиган ҳайдовчи қаноатли оҳангда. – Бугунги банк ҳисоби бўйича эллик етти тенге – бир доллар. Уйингиз узоқми?

– Узоқ эмас... – деди аёл баттар уялиб.

Эски замоннинг аравасидай, тўрт бурчакли, ул-кан ғилдиракли қиммат машина шилпиқ қорни эзганча қоқ ёриб, тўғри эшик олдига келиб тўхтади. Аёл сумкасини ахтаришни бошлаган эди, ҳайдовчи лип этиб тушдию, ваҳшатли машинасининг олдидан айланиб ўтиб, унинг эшигини очди. Қўлидан қаттироқ ушлаб, секин тушириди. Шундан сўнг сал секинлашган, лайлак қорга кафтини ёйди. Аёл ўзини жуда нокулай сезганча сумкасини очиб, унинг бир бурчидан кичкинагина, бувлама ҳамёнини олиб, эллик тенгелик қизил қофоз ушлатди. Ҳайдовчи қўйнига қўл суқиб, чап томондаги ички чўнтағидан кичикроқ китобча шаклидаги, қалин, чиройли ҳамёнини суғириб, эллик тенгеликни ичкаридаги бир уячасига эҳтиёткорлик билан солди. Кўчадан таралиб турган хира ёруғда қапчиқ ичидаги бир даста шиқираган доллар кўзига аниқ чалинди.

– Нечанчи қават? – деб сўради ҳайдовчига ўхшамаган ҳайдовчи.

– Учинчи...

– Машина кўтарила олмайди... – Ташибган кишини учинчи қаватга кўтариб чиқара олмайдиган соябонли аравадек машина биқ қилди-да, ёругини йиғиб олди. – Энди ўзим чиқариб қўйишимга тўғри келади. Қоронғи, кўрқасиз...

Ростдан ҳам қоронғи.

– Эҳтиёт бўлинг, – деди аёл. – Бекор оввора бўлдингиз. Ўзимга таниш зиналар-ку.

Таниш зиналар жуда ўзгариб кетгандай. Иккови учун ҳам.

– Тўртинчи қаватга ўтиб кетмадикми? – деб сўради ҳайдовчи, овози гумбурлаб.

– Йўқ. Мана, келдик. Ҳозир эшикни очаман. Кейин чироқ ёқаман. Қайтар ўйлингизда ёруғ бўлади...

Калит шиқирлаб, ошиқ-мошиқлар ғичирлаб, эшик зўрға очилди. Ички бўсағадан ялт этиб чироқ ёқилди.

– Рост, – деди аёл. – Сизга қандай раҳмат айтишимни билмай турибман. Машинасиз ҳали юрган бўлардим. Бу подъездда... чироқ доим куйиб кетади. Бемаҳалда юрмасам ҳам, эшик очиб, ташқарига чиқиша кўрқаман...

– Энди мен кўрқиб турибман, – деди ҳайдовчи. – Ташқарига – қор, кун – совуқ. Ростдан ҳам раҳмат айтгингиз келса, эҳтимол, бир пиёла чой берарсиз...

Аёл бу таклифни рад қилолмай қолди. Иккови ҳам ичкарига кириб, эшик ёпилди. Ташқарига – лойгарчилик, ташқарига – қоронғилик. Кападай бир хона билан ошхона ҳам иссик, ҳам ёруғ эди.

Тўсатдан...

– Шарманда... – деди аёл бетини қўллари билан тўсиб. Мана, роса йигирма... ўн тўққиз йил бўлди... Эрим тўсатдан вафот этгандан буён. Ўтган ёзда қизимни узатдим. Бошқа шаҳарга. Мана энди... қирқдан ошган пайтда...

– Сен менга ўн тўққиздаги ёш қиздай кўриндинг... – деди эркак.

Аёл яна юзини яшириди.

– Шарманда бўлдим... Мутлақо эсимдан чиқиб кетган нарса...

– Сезишимча, сен ҳеч қачон бошлаб ҳам билмансан... – деди эркак.

– Нимага? – деди аёл ҳайрон бўлиб.

– Тозасан, – деди эркак. – Топ-тозасан. Устингдан чивин учеб ўтмаган каби.

Аёл гап маъносини яхши тушунмаган бўлса-да, ўша тортиночоқ ҳолича, эркакнинг кенг гавдасига сўйкалиб, пинжига тиқилиброк ётди.

– Бўлар иш бўлди, – деди эркак. – Аввалги гуноҳимни ювиш учун... яна бир марта...

– Исмингиз ким? – деб сўради устига эскироқ, енгил ҳалатгина ёпиниб олган, ўзини йўқотиб қўйганидан қизариб турган аёл.

– Менинг исмим... Ҳайдовчи, – деди кийиниб, кетишига тараффудланган, эркак. – Сенинг исминг – Навниҳол. Кўп билган тез қарийди. – Унинг жиддий ё ҳазил гапирайтганини билиб бўлмасди.

Ҳайдовчи бироз нокулай аҳволга тушиб, сал эгилди-да, эшикка қараб юзланди. Остонада ортга қайрилди:

– Телефон... Яхши, – деди сўнгра. – Қўлим бўшаганда хабарлашиб тураман.

Шу бўйи бедарак кетди. Роппа-роса тўрт ой. Баҳорда қўнғироқ қилди. Бу ўша ҳайдовчи-ку. Уйдамисан, ёлғизмисан? Уйда. Албатта, ёлғиз. Ҳозир бораман деди. Аёл атрофини саранжомлаб ҳам ултурмаган. Ярим соат, ўн беш-йигирма дақиқа эмас, келар дамда, балким икки, балким, уч дақиқада. Мобиль телефондан хабарлашибди. Тўғри эшикнинг олдидан. Машина эса... нарироқда қолдирган шекилли. Аёл деразадан қараб турса-да, яқин атрофдан кўра олмади. Уят бўлар эди-ку. Қўшнилар гапиришмайдими. Қандай машина, нимага юриби, кимга келди деб. Ҳаммаси рус бўлса ҳам. Ҳеч бири билан аралашмаса-да. Шунинг ўзи... одам эшитмаган фирибгарлик каби. Ўтди,

кетди, тугади деб ўйлаганди. Энди мана бошидан совуқ сув қўйгандай. Қўнғироқ бир қисқа, бир узун жиринглаганда унинг вужудини ўт чирмагандай бўлди. Эшикни ҳовлиқанча очиб, шошилиб ёпди. Тез-тез нафас ола бошлади. Эркак чиройли ва ихчам кийинибди. Эҳтимол, чет элники, бичими ҳам, бошқаси ҳам ўзгача кийимлар. Қиров оралаган қайсар сочи қисқа кесилган. Қалин қош остидаги қора кўзлари кулимсираб туради. Аёл эса... озгина нокулайлик, кўпроқ қувонч. Бирдан чой қўймоқчи бўлган эди. Вақт йўқ деди. Шу тўрт ой ичидаги бир соат бўш вақт топмадим. Албатта, унугтаним йўқ. Тўрга ўтар-ўтмасдан шошилинч ечина бошлади. Шумшайиб туриб қолган аёлни ҳам белидан қучиб, бўйнидан енгил ўпди-да, ўзи ечинтириди. Бир пиёла чой ичунча вақт ўтгач, шошила туриб, чала-чулпа ювениб, хайр-хўш айтишга ҳам ҳоли келмай, югуриб пастга тушиб кетаверди.

Келаси сафар жуда узоқ кетмади. Ойга етмай хабарлашди. Қоқ тушда келди. Аёл уйда, кун якшанба эди. Эркакнинг ҳам фавқулодда бир дам олиши бўлса керак, икки соатча вақтим бор деди.

Таниш-нотаниш, сўққабош умр шундай давом этаверди. Сал-пал қўниши демасак, илк учрашган кундан фарқи йўқ. Аёлнинг бор тушунгани – эркак бурун мусиқа мактабида ёки опера театрида хизмат қилгандек. Хавотирсиз, тинчгина тириклиги ўтиб ётган. Охир-оқибат, омади чопибми, ҳар қалай, топарман-тутарманга айланган. Ҳозир жуда бойга ўхшайди. Аммо ҳаловати йўқ. Ола-сурон, тапур-тупур. Тинимсиз кураш. Авваллари келган дамда мобиль телефонини ўчириб ташлар эди. Энди бosh томонига қўяди. Бир сафар жуда нокулай вазиятда жиринглади. Олди. Нафаси узилиб, унисиз эшитиб турди-да, сўкиб юборди. “У ўзидан кетмасин! – деб бўкирди, – ҳамма нарсанинг ўз чегараси бўлади. Шусиз ҳам ортиги билан олиб ётиби...” Шундан сўнг сал ҳовуридан тушди. Озгина эшитиб тургач: “Кела-санлар... Бироқ... айтганинг тугал эмас!..” – деди-да, ҳаммаси тугагандай, ағдарилиб тушди. Озгина унисиз ётиб, шу унисиз ҳолиша кийиниб, чиқиб кетди.

Яна бир сафар жуда кўтаринки кайфиятда келди. Бирдан бosh солмай, аввал ярим пиёла чой ичди.

– Шу биз қовушганимизга қанча вақт бўлди? – деб сўради.

– Сиз шуни... қовушиш деб ўйлайсизми?... – деди аёл беихтиёр.

– Менимча, қандай аталса ҳам ажойиб. Мен... бор дардимдан ҳолос бўлиб қайтаман. Биласанми, тор дунёдаги бор ташвишлар бўйимдан сидирилиб тушади... Шунинг учун ҳам сендан воз кечада олмайман. Балки... икковимизда аллақандай бир ўхшашлик бор. Табиат, яралишда. Эҳтимол, эртароқ учрашганда, жони ҳам, тани ҳам бирлашган, аҳил-иноқ ёрлар бўлармидик...

– Уй олсанг бўлмайдими, – деб сўраб қолди у. – Икки хона. – Вақтинг бўлмаса, мен ўзимизнинг йигитларга топширайин. Борасан, кўрасан-да, яшайверасан.

Аёлнинг кўзи қинидан чиқкудай бўлди.

– Одамларга қайси пулимга олдим деб айтаман?.. Йўқ, кераги йўқ. Икки хонани нима қиламан, – сўнгра қўшиб қўйди: – Нархининг ўзи ажабтовур бўлса керак...

Эркак кулди.

– Мен сенга... совға қилмоқчи эдим...

– Раҳмат... чин совға қилгингиз келса... кўп узамий қўнғироқ қилиб туринг...

– Сенга қўнғироқ қилсан... сабримдан айриламан, – деди эркак. – Ҳатто, эртага, эртагамас, бирон соатдан сўнг бораман деб ўласам, тоқатим кетади. Бир-икки марта шунақа бўлди. Хабарлашгандан сўнг орқама-орқа келишим керак... Мен сени ҳеч қачон унутмайман. Ҳар доим ёдимда юрасан. Фақат вақтим тақчил. Шусиз ҳам сал бўшаб қолсанам, аввалгида тегатрга эмас, сенинг олдингга келгим келади.

Аёл умрида бунақа сўз эшитмаган эди. Уятдан қизариб, бир дам жим турди. Сўнгра ростини айтди.

– Мен... сиз билан учрашгандан буён жуда ўзгардим. Ўйлаб қўрсан... авваллари, шунчаки жинсим аёл экан. Сиз менга... ўзимнинг ким эканлигимни англатдингиз. Мен аёл сифатида... аввал кўрмаган, бор деб билмаган роҳатга беландим. Муҳаббат... буюк сўз. Тан лаззати. Уят бўлса ҳам... мен билмайман, келажакда қандай яшашимни. Сиз мени... буздингиз... – Йўқ, – деда сўнгра қўшиб қўйди, – сиз бўлмаганингизда мен дунёнинг роҳатини кўрмай кетар эканман. Шунинг учун раҳмат.

Эркак унисиз эшитиб, ўйланиб ўтириб қолди. Сўнгра аёлнинг иягини кўтариб, лабларидан енгилгина бўса олди. Эҳтирос билан кучоқлаб, эркалай бошлади. Шу пайтда телефон жиринглаб қолди. Яхши хабар шекилли. Эркак жимгина эшитиб турди, “Хўп, Навниҳол, кетдим”, – деди, қувноқ оҳангда.

Ўша сафар кичкинагина ёзув столининг устига бир даста... пул ташлаб кетиби. Кузатиб қўйгандан кейин кўрди. Пул бўлганда ҳам – доллар! Яп-янги, фақат юзталиклар. Сиртидаги, банк муҳри босилган боғламида ёзилган – роса ўн минг! Чўнтагидан яна бир нарсалар билан кўшиб чиқарган бўлса, унутиб қолдирган. Ҳозир қайтиб келади. Келмади. Вақти йўқдир. Энди аёл ақлга сифмайдиган кўп пулни қаерга қўйишни билмай ҳайрон. Ўйга ўғри тушса нима қилади. Ҳеч хаёлига келмаган экан бу фикр. Асло хавф сезмаган эди. Нимани ҳам ўғирлайди деб ўйлаган-да. Энди бунча пул. У ёққа яшириб, бу ёққа яшириб ниҳоят жой топди. Ўтган йилдан қолган эски дарсликлар бор эди. Улардан бирининг ўртасини тўрт бурчак қилиб ўйиб, ўн минг долларни бир бутун ҳолда солди. Остки, устки бир қанча бетларини бирлаштириб елимлаб, китобни кўринишидан аввалги ҳолига келтириди. Шундан сўнг иш столининг тепасига, деворга михланган китоб жавонидаги эски дарсликлар, ҳикоя ва шеър китоблар орасига жойлаштириб қўйди. Назарида, жуда яхши яширгандек бўлди. Аммо энди у ҳаловатини йўқотган эди. Юрагида мудом хавотир. Э, Ҳудо юз мингли, миллионли бойлар қандай ухлар экан. Тўғри, бунча кўп пулни банкка солиб қўйишади. Бироқ, банкнинг ўзи туналиб қолиши мумкин-ку. Ёки қандайдир бир китобларда ёзганидек, банкрот бўлиб... Ўша куни уйкуси чала бўлди. Мактабда ҳам ишининг баракаси бўлмади. Сабоқларини ўтиб, сўнгра аксига олиб бугунга тўғри кепган синф мажлисини чала-чулпа ўткизиб, ўйга ошиқди. Эллик тенге тўлаб такси билан зумда етиб келди. Уф... Ҳаммаси ўрнида, бугунча омон экан. Кўнгли жойига тушди. Бироздан сўнг яна хавотир ола бошлади. Ҳудди шу пайт телефон жиринглаб қолди. Албатта, Ўша!

Келган заҳоти... Ҳа. Аёл пулнинг жойини айтиб улурган эди.

– Сеники, – деди эркак. – Керагингга ишлатавер. Қўп? Пул дегани ҳеч қачон кўплик қилмайди. Қандай тугаб қолганини ўзинг ҳам билмай қоласан. Бир четидан фойдаланавериш керак. Даствор енгил-елли, у-бу жиҳоз ол. Сўнг чиройли, қимматбаҳо халат.

Аёл ҳеч қанақа жиҳоз олмади. Ҳожати йўқ эди. Одмигина қора халат олди. Ўз пулига. Икки ой бўйи анчагина тежашга тўғри келган. Қўп пулни эса... бошқа бир жойларга яширди. Хавф бор, аммо аввалгидай эмас. Эҳтимол, ўзиники, бир қадар ўзиники санагани учундир. Қанча мажбурласа ҳам эгаси олмагандан кейин шундай ҳисоблай бошлаган эди. Қайсиdir романларда ўқигани бор эди. Қадимги бойлар шунақа қилиб хуштор ушлашар экан. Ҳашаматли саройга ўтиргизиб, турли лаш-лушларга, зеб-зийнатларга кўмиб қўяди. Шарманда. Мен унақа эмасман деб ўлади. Сўраганим йўқ. Олмаса нима қилишим керак. Жанжал қила олмайдику. Ўзи бегона, нотаниш эркак...

Бегона, нотаниш эркак аввалгидай келаверди. Ҳафтада бир. Ойда бир. Икки-уч ой йўқолиб ҳам кетар эди. Бир сафар роса яrim йил хабарсиз кетди. Азоб эди. Кутиш эмас. Аёл кутиб ўрганган. Азоб – телефон жиринги. Одам бўлгандан кейин, танишибилиш, хизматдош, яқин-йироқлар, олисдаги ёлғиз қиз – ҳар қалай аллакимлардир хабарлашмай турмайди. Телефон жиринглаганда аёлнинг юраги шув этиб кетади. Албатта, бошқа. Яна жиринг – яна шув... Яна бошқа. Ҳафта бўйи. Ниҳоят умид узилганда, ёки, кутилмаган дамда – Ўзи! Шундан сўнг бир ҳафта, йўқ, икки-уч кун хотиржамлик. Ёқимли тинчлик. Учинчи, тўртинчи кун... Яна азоб. Беш, етти, ўн икки... кун ўтади. Бир умрлик етим тўшак ўз одатини топади. Тул кўнгил қолипига тушади. Роппа-роса ўн тўқиз йил бўйи хотиржам яшади-ку. Ақлидан адашмади. Бир маромдаги умр карвони ўтиб ётган эди. Ҳозир ҳам... ҳафта ўтар, ой янгиланар кўникан тирикчилик сўқмоғига тушар эди. Туша бошлар эди. Шу вақтда... жонга азоб берувчи телефон! Албатта, бошқа бирор. Ўзи бўлиши ҳам мумкин-ку. Яна умид уйфона бошлайди. Кун сайин. Ҳафта бўйи. Ой давомида. Энг қийини шу экан. Бир сафар телефонни икки кун ўчириб ҳам кўйди. Шунда... бошқалар билан бирга унинг ҳам кўнғироқ қилиш эҳтимоли бор-ку. Балким, бир неча марта кўнғироқ ҳам қилгандир. Уйини алмаштириди деб ўйлади. Қайларгадир кетди, бир йўла кетди деб ўйлади. Энди асло хабарлашмаслиги ҳам мумкин. Ростдан ҳам. Икки кун давомида тинимсиз кўнғироқ қилган. Қанча излаган. Лекин... изламабди. Қандай яхши. Телефонни қайтадан кўшиш азоб экан, орадан яrim соат ўтмай топила қолди. Мана, қувонч! Мана, баҳт!

Яна икки-уч кун хотиржамлик. Шундан сўнг жон азоби қайта бошланади.

Шу тариқа, билмаган билиш, танимаган таниш умр нақ етти йилга давом этибди. Аёл қирқ тўққизга келди. Бироқ лофи йўқ, роса ўн беш йилга ёшаргандай. Ўзини ўттиздаги ҳолидан кўра сергакроқ ҳис қиласи эди. Ёш умри қайтиб келмаса-да, яхши бир кунларни бошдан кечирибди. Эркак эса – аксинча. Сочлари буткул оқариб кетган эди. Анча вазмин бўлиб қолган.

Юзи ҳам сўлғин. Кўпинча чарчаб келади. Ўзини қанча хурсанд кўрсатишига уринмасин, барибир ич-ичидан кайфияти йўқлиги сезилиб қоларди. Мобиъ телефондаги сухбатлар ҳам жуда кескин. Кўпинча буюриб эмас, ўтиниб гапиради. Ҳатто бир сафар жуда секин гапириб, ялиниш оҳангига ҳам кўчди. Уч ҳафта муддат сўради. Бир нарса етмай, бир нарса кечикиб ётибди-ми, ишқилиб кутилмаган дилхиралик. Устки кийимини ҳозиргина ечган эди. Дарҳол қайта кийиниб, бирон соатдан сўнг қайта келаман деди-да, боши ҳам ҳолда чиқиб кетди. Бир соат эмас, бир ҳафта эмас, бир ойда зўрга хабарлашди. Кепган. Одатдагидай бўлмаса-да, соғиниб қовушишган. Сўнгра саросималаниб бир пиёла чой ичди. Чой ича ўтириб, такси чақирирди. “Машина бузилиб қолди...” – деган, ўзидан-ўзи кечирим сўрагандай.

Камида яна бирон ойга кетдими деб ўйлаган эди. Уч кундан сўнг хабарлашди. Сиртқи эшик ёпилиши заҳоти ўзида йўқ одатга кўра, аёлни бир қўли билан белидан қулоқлаб, бир қўли билан соchlарини силаб, унсиз туриб қолди. Ётоқонага эмас, ошхонага томон юрди. Кичкина стол бошига келиб сунячиксиз ўриндиққа ўтирап экан чой-пой керак эмас дегандай, қўлини силтади. Сўнгра бирон жойи оғриб, қаттиқ қийналгандай, юзлари сўлғин ҳолда, ерга қараб, сокин овоз билан:

– Навниҳол! – деди. – Сен етти йил бўйи менинг жонимга хотиржамлик бахш этдинг... – Томоғига нимадир тиқилгандай, бир хўрсиниб олди. – Албатта, мен... сени ҳамма томонлама таъминлашим керак эди...

– Бу нима деганингиз... бу нима деганингиз... – деди аёл бир ёмонликни кўнгли сезиб.

– Шундай қилиш керак эди, – деди эркак яна хўрсиниб. – Дунё бир қолипда тураверади деб ўйлабмиз. Бироқ... Ҳамон умид йўқ эмас. Эҳтимол, қайта айналиб, ҳаммаси ўрнига тушар. Сен мени кечир, меҳрибоним...

Аёлнинг кўзидан тирқираб ёш оқиб кетди:

– Нима бўлди, оғажон, нима бўлди?

– Ҳаммасидан айрилдим...

– Бош омон-ку, бош омон-ку...

– Ҳозирча омон. Бироқ... кимга керак.

– Унақа деманг. Унақа деманг. Бундан ўн йил опдин шу айрилган нарсаларингизнинг биронтаси ҳам бўлмаган эди-ку! Бўлган йўқ. Ўзи берган Худойим ўзи олди!

– Шунақами? – Эркак қандайдир янгилик очгандай, шалвираган бошини қайта кўтариб, аёлга тик қаради. Сўнгра яна шалвираб тушди. – Бироқ у пайтларда ёш эдим... Бошим озод эди-да. Энди... бошим савдога тушиб туриби. Ўзимни эҳтиёт қилишим керак. Менда эса... – Эркак аччиқ киноя аралаш кулди. – Куни кеча олтин пулни супириб олган менда ҳозир йўл кирага ишлатадиган кўк тийин ҳам йўқ! Ҳеч бўлмаганди, бирон минг доллар бўлса, ҳушёр ўлжадай, яшириниб турар эдим. Мана, чув тушиб, адo бўлди дегани шу. Эртага – турмада ўтираман!..

– Ўтирма, оғажон, – деди аёл жон ҳолатда. – Пул бор. Мана, ҳозир. – Сурина-туртина ичкари уйга юкурди. Ниманидир қўпориб, ниманидир ағдариб, ҳовлиқанча қайта келди. – Мана! – деди қўлидаги йўл-йўл дафтар қоғозига ўралган узунчоқ, тўрт бурчакли тугунни эркакнинг қўлига берар экан. – Мана! Бир пайтлар, бундан



беш йил аввал ташлаб кетган ўзингизнинг пулингиз!
Бир тийини ҳам йўқолмасдан, ўз ҳолича турибди!

Эркак тугунни қўлига олиб, сиртидан сийпалаб,
ўровини очар экан, юзини босиб эгилди-да, хўнграб
йиғлаб юборди.

– Сен... сен...

Томоғига ёш тиқилиб, ҳеч нарса айта олмади. Шу ҳолича яна озгина ўтириди. Шундан сўнг бошини илкис қўтарди. Кўзи қурғоқ. Алант-жаланг қилиб ён-верига қаради. Пулни кўйнига тиқиб, яна нимадир излагандай ички уйга кириб чиқди.

– Ҳаммаси ўша-ўша-ку? – деб сўраган кейин. – Мен ҳали... ҳали кўрсатаман уларга! – Сўнг бирдан мулойимлашди. – Омон бўл! – деди кўзи ёшланиб.
– Эҳтимол... қайтиб келарман. – Эшикка қараб юрар экан, яна тўхтади. – Қанча ноқулай бўлса ҳам, сендан кечирим сўраб кетмоқчи эдим. – Қайтадан кўйнига қўл солиб, ёпишиб қолган ҳамёнини суғурди. – Мана бу – ҳув ўша эллик tengелик... Сен йўл ҳақига тўлаган. Эзгу ишнинг элчиси сифатида мудом ёнимда сақлар эдим. Сенда бўлсин. Йўқотиб қўйма. – Кейин зўраки жилмайди. – Икки-уч йилдан сўнг, мана бундан... – бўйини кўрсатди, – икки-уч ҳисса, яrim қоп яшил қофозга қайта сотиб оламан...

– Кўча қоронги... Мен эшикни очиб тураман, эҳтиёт бўлинг, – деди аёл.

Зинадаги оёқ товушлари секин-аста тингач, аёл эшикни ёпди. Икки марта бураб, икки қулфни ҳам маҳкам беркитди. Қўлидаги қизил қофозга қараб бироз туриб қолди. Худди ўзи. У олганда бир чети салгина йиртиқ эди. Кичкинагина ялтироқ қофоз билан ёпиштириб елимлаб қўйибди. Ўша ҳолида турибди.

Аёл ўтган кунларни – кейинги етти йиллик умрини эмас, ўша умрга йўл очган дастлабки кун, дастлабки дақиқани эслади. Эллик етти тенге – бир доллар деганди. Ҳозирги бир доллар – юз эллик бир тенге. Уч ҳисса тушган. Эллик тенгенинг ўзига икки дона нон сотиб олиш мумкин. Навбатдаги маошгacha уч кун бор. Чой билан ичиб ошқозонни алдашга иккита нон ортиги билан етади.

Худди шу пайт телефон жиринглаб қолган. Аёл шошилмай, саросимага тушмай, азобланмай шаҳд билан гўшакни қўтарди. Ҳамкасларидан бири экан. Икки-уч кунга юз тенге қарз сўрайди. Аёл беихтиёр купди.

– Ҳозир керакми?

– Эртага дарсга келганда...

– Эллик тенге бор, – деди аёл вазмин овоз билан.

– Ўртасидан қоқ бўлсак, икковимизга ҳам етади...

**Қозоқ тилидан Улуғбек АСРОРОВ
таржимаси.**





Сојида ЗИЁЕВА

Яшайсан ҳар лаҳза бир мени излаб

* * *

Меҳрибон бу кўзлар менга боққандоа,
Биргина нигоҳни излаб толаман.
Қалбингда ишқ ўти гулхан ёққандоа,
Мен ўша сен севган согинч бўламан.

Ўзим-ку, кутаман бўлиб интизор,
Аммо келганингда сендан тонаман.
Қувончдан энтикиб кулсанг баҳтиёр,
Мен ўша сен севган согинч бўламан.


Яшайсан ҳар лаҳза бир мени излаб,
Билсанг бу ҳолингдан мен ҳам ёнаман.
Лабларинг кулади турсанг-да бўзлаб,
Мен ўша сен севган согинч бўламан.

Кўтмоқ истама, бўлди, энди кеч,
Хаёлларинг ичра ёлгиз қоламан.
Сени ўз ҳолингга қўёлмайман ҳеч,
Мен ўша сен севган согинч бўламан.

СОФИНЧ

Ўйлар маҳзун, тарқоқ ҳаёллар,
Қалбимга юқ қандайдир туйгу.
Билмам, қайга бошлар бу йўллар,
Балки, севги деганлари шу.

Ёлгизликда тунларим бедор,
Юлдузларга шайдоман чунон.



Мен андуҳда, улар баҳтиёр,
Ёки шундай бўларми ҳижрон.

Қарогимда қайноқ ёши изи,
Сўз айтмоқча тополмам дармон.
Музлатади қайгу нафаси,
Ва ё бунинг номими армон.

Ахтараман ҳаётдан мазмун,
Завқли онлар беради овунч.
Нимадандир гариб дил забун,
Барча ҳисга гуноҳкор согинч.

* * *

Учраишайдик висол богида,
Қўлларингдан маҳкам тутардим.
Қолмас эдим ҳижрон додида,
Андуҳларим ичга ютардим.

Аммо сен-ла кўришмоқ мушкул,
Янгиланар юракда дардим.
Ёдга солар ҳар гиёҳ, ҳар гул,
Хазон бўлиб тўқилар сабрим.

Тупроқ бугун тогдек бардошим,
Ғамларимдан хаста юрагим.
Хотиралар мангу сирдошим,
Садо бергин, ёлгиз керагим.



Сайловбой ЖУМАҒУЛОВ

МЕНИНГ ХОТИНИМ ЁЗУВЧИ

Ҳажвия

Ёзувчилик ҳам кўнгилга тегиб кетаркан. Мана шу касбга киришганимга ҳам йигирма беш йил бўлиди. Аммо ҳеч нарса орттирамбман. Ҳалиям ёш ёзувчиликимча қолибман. Шунча нарса ёзибман-у бирорта совринга сазовор бўлмабман. Бор-йўғи ёзганим тўрт-беш қисса, тўқиз драма, юзга яқин катта-кичик ҳикоялар экан. Бундан ташқари тахтанинг қалинлигидай уч китобим ёруғлик юзини кўрибди, холос. Ижодимнинг тугагани шу бўлса керак. Энди қалам-дафтарни йигиштириб, саккиз соатлик иш топсаммикин?!

Ташқарига чиқсан, дўкончи хотиним ҳовлининг кунчиқар томонидаги ўриндиқда писта чақиб ўтиради.

– Ойшахон, – дедим унинг қитиқ-патига тегиши ниятида: – Сен ёзувчи бўлишни истармидинг?

Бу сўзимга хотиним қотиб-қотиб кулади, “Мени калака қиласизми? Мен бир дўкончи бўлсан, савдо ходимидан ёзувчи чиқармиди?” – дея хафа бўлади, деб ўйлаган эдим.

Лекин хаёлларим пуч бўлиб чиқди. Хотиним гапимга парво қилмасдан писта чаққанича: ..

– Ҳаракат қилиб кўрай-чи! – деди эснаб.

Дўкончи хотиним шу куни ижод хонамнинг калитини олиб, ёзув столимга бориб ўтиради. Ҳайрон бўлиб қотиб қолган жойим шундаки, анчагина ёзувчилик тажрибасига эга, матбуотда танилиб қолган мендек эридан маслаҳат ҳам олмади. Бугунги муҳим бўлган тижорат мавзууда ёзмасдан, антиқа дўкон очганлиги тўғрисидаги ўзининг бошидан кечирган воқеаларни қофозга туширишга киришди.

Тонгда туриб ўқисам “Дўкончи қиз” деган етти ярим бетлик ҳикоя пайдо бўлибди. Баъзи ерларини тузатиб бердим. У бозорга бориб, йўл-йўлакай ёшлар газетасига топшириб қайтди. Ҳикоя икки кундан

сўнг “Менинг биринчи ҳикоям” рукни остида босилиб чиқди.

Шу куни кечкурун телефонда таҳририятда ишлайдиган аллакимнинг узоқ маслаҳатини олиб, яна енг шимариб ёзувга ўтиради. Орадан ҳафта ўтгани йўқ. Унинг етти ярим бетли ҳикояси бирданига “Дўкончи қизнинг кундалиги” деган янги очилган газеталарнинг бирида: “Давоми. Боши газетамизнинг ўтган сонларида”, – деган кўрсаткичлар остида бир ярим ой узлуксиз босилиб турди.

Қисса босилиб чиқиши билан хотинимнинг обрўйи бирданига ошиб кетди. Энди у турли ташкилотларга учрашувларга чақириладиган бўлди. Унинг номи машҳур ёзувчиларнинг маърузаларида тилга олинарди.

Орадануч-тўртой ўтганий йўқ. Мен ўйлаганимдай, қалам ҳақи чор атрофдан қордай ёға бошлади. Даствлаб “ўзи чиққани бир қисса бўлса, бу пуллар адашиб юрган бўлмасин”, деб ўйладим. Текширтириб кўрсам, ҳаммаси тўғри экан.

Телевидениеда ишлайдиган биттаси хотинимнинг асари бўйича икки қисмдан иборат телекўрсатув тайёрлабди. Таникли режиссрларимиздан биттаси бу асарни театр учун саҳналаштиришни бошлаб юборибди. Йил ўтмасдан хотиним Ёзувчилар уюшмасига бош маслаҳатчи бўлиб кўтарилди. Энди унинг узундан-узоқ исми пленумларда, катта-катта йиғинларда, матбуотларда тез-тез тилга олина бошланди. Ҳатто номдор танқидчиларимизнинг ҳам назаридан четда қолмади. Улар бизнинг хотинининг қиссаси мазмуни билан ғоясини чуқур ўрганишга енг шимариб ишга киришиб кетдилар.

Ҳолимга маймунлар йиғлай бошлади: мен энди бир умр кўплаб асарлар ёзган хонамнинг эшигини қоқиб кирадиган бўлдим. Овқат пишириш, болалар

тарбияси билан шуғулланишлар каминанинг зим-
масига тушди.

Телефон құрғұр ҳам куну түн хотиним учун
жиринглайдиган бўлди.

Яхшиси, ёзувчилигимни қайтадан қўлимга
олмасам бўлмас! Ёзувчилар уюшмасига бордим. У
ердагилар мени илиқ кутиб олишди. Адабиётга яна
қайтишимни маъқуллашди. Яқинда аъзоликка қабул
қилишга ваъда беришди. Аммо бунинг учун таниқли
икки ёзувчидан тавсиянома олишим керак экан.

– Биттасини ўзим бераман, – деди мени илиқ
кутиб олган ёзувчилар уюшмасининг масъул котиби.

– Мениям машҳур шоирлардан обрўйим кам эмас.
Шеърларимнинг тўртинчи тўплами чиқиш арафаси-
да. Масъул котиб деган номим бор. Аммо сиздан
илтимос, иккинчи тавсияномани мендан кучлироқ
бўлган ёзувчи берақолсин.

– Унда республикамиздаги таниқли ёзувчилар-
дан бири, бир нечта мукофотларнинг совриндори
Туримбет Қўспўлатовдан олсан қандай бўларкан?

– У бўлмайди. Романлари талабга жавоб бер-
майди. Кўчирмачи дейишяпти.

– Машҳур шоир Хўжабой Сеитовдан оларман.
Тўққизта китоби чиқсан.

– Шоирингизнинг шеърий тўпламлари китоб
дўконларида ўтмасдан ичига сувараклар уя қуриб
олган.

– Бўлмаса, кимдан олай ахир?

– Қизиқ экансиз-ку, – деди масъул котиб ач-
чиқланиб. – Ёки бўлмаса жўрттага ўзи айтсин, деб
турибсизми? Кўпчилик танийдиган, сиз тавсиянома
олишга арзидиган ёзувчи уйингизда яшайди-ку?

– Вой-бўй, менинг хотинимни айтаяпсизми?

– Ҳа-да. Бизда ундан бошка машҳур яна ким
ҳам бор? Ана шу кишидан зўр тавсияномани ола-
сиз. Бўлмаса, биз сизни аъзоликка қабул қила
олмаймиз.

... Мен шу ердаги ўриндиқа беҳол ўтириб қол-
дим. Ёпирай, у менга аъзолик учун тавсиянома
берармикин? Тўғриси, бошим қотиб қолди...

– Бало урибдими, берар. Ахир у билан бир уйда
турамиз-ку!..

**Қорақалпоқ тилидан
Ёрқул УМАРОВ таржимаси**



Carikatura.ru сайтидан олинди.